


中華文史叢書之
 歐齊刊本本影印
 王抄有立主編

啓布特東
 烏里雅蘇台志
 略略錄

(本訂合)



據國立台灣大學
 圖書館藏本影印

林壽圖撰
 西布特哈編
 孟完恭鏡雙

台灣華文書局印行

敬
東
錄

黃鵠山人
歐齋刊藏

啓東錄敘

帝出乎震東方也扶輿旁薄之氣積數千年啓我

聖清初有遼金部族繼有元之蒙古兼有今之朝鮮遂
有明之天下冠裳騎射文物聲明肇開於肅慎司馬遷
史記述周本紀后稷之興在陶唐虞夏之際皆有令德
原其始也肅慎見於同時卽珠申之轉音發祥遠矣王
師征討粵醜之初備員樞省得見滿洲源流考舊德敦
龐超軼前古知禍亂不足戡也官書繁複類鈔胥祕府
所藏士大夫罕得傳購嘗欲參以時代輯其簡要者夫
三代極盛卜年長久莫越姬氏幽風無逸陳王業之艱

難顧詹舊疆常若遐思而曠慕其後汧渭之封岐豐之
錫第畀爲附庸耳而史家載筆輒俯仰於孝平之世然
則慎守先代所留詒齟齬於尺寸保世滋大庸有艾歟
國家造邦遼瀋嘗挫俄羅斯兵鋒審度於襟帶屏藩之
勢設黑龍江將軍鎮守其外與吉林將軍張爲犄角固
已建乎不拔之基是編成於重定分界之後十七載海
寓又安

廟堂方議增總督於

盛京以重根本

續承撫御謨略邁乎周京萬萬也猗歟盛哉東之爲位

天地之所以成始而成終億萬斯年洪圖鞏固舞蹈頌
之矣

光緒五載屠維單闕之歲孟春陬月哉生魄前方略館
纂修閩縣林壽圖敘於武昌旅舍

磨車金

余

二

啓東錄目錄

卷一

肅慎

夫餘

挹婁

三韓

勿吉

百濟

卷二

新羅

鞅鞅

渤海

完顏

建州

卷三

建置

卷四

考證

卷五

校勘

卷六

紀述

卷六

紀述

二

居身金

巨金

二

啓東錄卷一

閩縣林壽圖

肅慎

淮南子曰東方多君子之國信哉莫古於肅慎竹書紀年帝舜有虞氏二十五年息慎氏來朝貢弓矢史記虞帝紀亦稱北發息慎尙書序成王旣伐東彝息慎來賀皆作息慎家語武王克商肅慎氏貢楛矢尙書傳王俾榮伯作賄肅慎之命孔子世家有隼集於陳庭楛矢貫之矧矢長尺有咫陳潛公使使問仲尼仲尼曰隼來遠矣此肅慎之矢也後漢書康王之時肅慎復至蓋至成

周復著皆作肅慎鄭元曰息慎或謂之肅慎楛矢肇騎射之本俗見

高宗御製而石砮爲鏃

盛京通志八旗通志皆無證王士禎池北偶談載吳兆騫謫寧古塔記云石砮出混同江中相傳松脂入水千年所化厥色青紺厥理如木厥堅過鐵石土人以之礪刃知爲肅慎砮矢之遺曾攜歸京師贈友明一統志亦云黑龍江口出石砮名水花石堅利人鐵土人將取之必先祈神固信而有徵汲冢周書王會解西面者正北方稷慎大塵又作稷慎息稷與肅一音之轉爲一國無

疑雖秦漢之盛於史無傳後漢書古肅慎國在夫餘東
北千餘里東濱大海挹婁傳則云卽古肅慎淮南子亦
云海外三十六國有肅慎氏范蔚宗謂冠弁衣錦器用
俎豆豈無所據而云然有謂肅慎之名似至漢而止者
然魏書明帝青龍四年肅慎貢楛矢晉書肅慎國東北
有山出石其利入鐵將取之必先祈神周武王時獻其
楛矢石砮逮於周公輔成王復遣使入賀爾後千餘年
雖秦漢之盛莫之致也及文帝作相魏景元末來貢楛
矢魏帝詔歸於相府賜其王僂雞錦罽帛至武帝元
康初復來貢獻元帝中興又詣江左貢其石砮成帝時

通使於石季龍敘通使聘問顛末綦詳迄宋孝武帝大明三年猶獻楛矢見冊府元龜不得謂東漢後無肅慎也地勢負山襟海物產閎博風氣純古歷虞夏商周迄魏晉南北朝傳世二千餘年不絕自漢以後部族蕃衍載筆者不詳原委代有岐稱故宋劉忠恕以金之姓爲朱里真北音讀肅爲須須朱同韻里真二字合呼之卽爲慎不知爲肅慎之轉音誤以爲姓舛孰甚焉我

朝國初舊稱所屬曰珠申經

高宗欽定與金之女真同爲肅慎轉音猶夫稷慎息慎云爾於戲誕膺

景命肇啟大東繼繼繩繩鍾靈篤慶廓四海而無外垂
萬禩而常新音譯可稽必以肅慎爲始基矣

尾馬金

三十一

三

夫餘

夫餘國漢時在長城北去元菟千里地方廣二千里川原平敞以貝柵爲城有君長有宮室倉庫武帝元朔元年以其地爲滄海郡數年乃罷元封三年滅朝鮮分置樂浪臨屯元菟真番四郡昭帝始元五年罷臨屯真番以并樂浪元菟元菟復徙居句驪自單單大嶺以東悉屬樂浪後境土漸闢復分嶺東七縣置樂浪東部都尉光武帝建武二十五年遣使貢獻厚荅報之於是使命歲通安帝永初五年夫餘王始將步騎七八千人入樂浪永寧元年遣嗣子尉仇台詣闕延光元年遣使貢獻

順帝永和元年其王來朝帝作黃門鼓吹角觝戲以遣之桓帝延熹四年遣使朝賀貢獻永康元年其王復將二萬人侵元菟靈帝熹平中復奉章貢獻帝延康元年又遣使貢獻漢末遼東太守公孫度雄長一方尉仇台更屬遼東時句驪鮮卑強盛度以夫餘介其間妻以宗女尉仇台死簡位居立無適子有孽子麻余麻余死其子依慮年六歲立以爲王晉武帝時頻來朝賀太康六年爲慕容廆所襲破其王依慮死子弟走保沃沮有司奏護東夷校尉鮮于嬰不救夫餘失於機畧詔免嬰以何龕代之明年夫餘後王依羅遣使詣龕求率見人還

復舊國龕上列遣都督賈沈以兵送之虜又要之於路
沈與戰大敗之依羅得復國魏略云昔北方有橐離之
國其王者侍婢有身王欲殺之婢云有氣如雞子來下
我故有身後生子名曰東明東明善射王恐奪其國也
欲殺之東明走南至施掩水以弓擊水魚鱉浮爲橋東
明得渡因都王夫餘之地梁書則稱高句驪其先出自
東明東明本橐離王之子王欲殺之東明走至夫餘而
王焉橐離後漢書作索離注云索音度洛反通典作橐
離梁書作橐離然非高句驪之高麗也隋書亦載東明
事直作高麗誤爲一國於是唐書以高麗爲夫餘別種

尉仇台其東明之苗裔歟而東明以前不可考矣隋書
又載夫餘王嘗得河伯女閉於室內爲日光隨而照之
感而遂孕生一大卵有男子破殼而出名曰朱蒙夫餘
之臣咸請殺之其母以告朱蒙朱蒙東南走遇一大水
朱蒙曰我是河北外孫日之子也今有難而追兵且及
如何得渡於是魚鼈積而成橋朱蒙遂渡朱蒙建國號
高句驪夫餘在高麗北橐離又在夫餘北故東明南走
而至夫餘朱蒙亦南走而至高麗或傳聞而有一誤耶
何情事略同也歷考通典高麗得夫餘地置夫餘城屬
於渤海通考渤海以夫餘故地爲夫餘府遼史地理志

唐時契丹達呼爾舊作大賀從八旗姓氏通譜作達呼爾氏蠶食夫餘靺

鞞之區地方二千餘里皆不得謂其部族之盡屬夫餘

惟隋書謂夫餘王尉仇台始立國於帶方自後遂稱百

濟通典百濟卽後漢末夫餘王尉仇台之後延興二年

北魏孝文帝年號其王餘慶上表云臣與高麗先出夫餘而唐

書以爲百濟國本亦夫餘之別種者近之自晉以後百

濟王姓名有夫餘腆夫餘豐夫餘隆直以夫餘爲姓而

乖其實後漢書稱夫餘在元菟北千里南接高麗東接

挹婁本濊地冊府元龜同故魏略云夫餘王印文曰濊

王之印晉書云國中有古濊城蓋濊地而夫餘居之其

舊國爲豆莫婁在勿吉北千里去洛六千里魏書所謂
舊北夫餘在失肅之東者失通考作室是始處極北後乃兼
暨南隋唐初地入高麗高麗旣滅屬於渤海爲夫餘府
其後見於史乘者遼之通州安遠軍龍州黃龍府金之
隆州利涉軍元之開元路皆其故壤橐離國見於遼史
爲韓州鳳州俱在今開原西北境外高麗出自夫餘夫
餘出自索離索讀如橐故或書爲橐橐形似橐故又轉
爲橐橐與橐同音故復作橐與高麗分二國也信矣

挹婁

去夫餘東北千餘里國曰挹婁一名埒樓北接室韋西界渤海鐵離東瀕海南直不咸山其姓大氏其人多勇力天氣寒劇甚於夫餘其邑落各有大人處山林間其國有山出石其利人鐵將取先祈神與肅慎山同嘗臣屬夫餘責其租賦重以黃初中叛夫餘數伐之人眾雖少所在山險畏其弓矢卒不能服冊府元龜稱人形似夫餘善乘舡北沃沮畏之每夏藏於巖穴至冬舡道不通乃下居邑落其見憚於鄰國如此北魏常道鄉公景元末貢楛矢石砮弓甲貂皮之屬晉武帝元康初來貢

東晉元帝中興詣江左貢其石砮成帝時通於石季龍
四年乃達高麗滅始保挹婁之東牟山有乞乞仲象者
度遼水自固唐武后封爲震國公後自稱震王乞乞仲
象死子祚榮立并有乞四比羽之眾四十萬人據挹婁
國名始見後漢後漢書三國志通考皆以其卽古肅慎
氏國而晉書所謂肅慎一名挹婁是也南北朝始別有
勿吉靺鞨之稱而舊名可考者遼之瀋州雙州定理府
金之挹樓縣皆一隅非全部元史稱瀋陽路爲挹婁故
地於開元路則云古肅慎地唐曰靺鞨又岐而二之蓋
魏晉以前部族未分其後釐而爲七族繁地廣非舊部

之名所能駭也金史地理志謂瀋州本遼定理府爲挹婁故壤遼志則瀋州之外別有定理府亦屬挹婁地遼之定理實唐時渤海所建至今已廢又金志稱瀋州挹婁縣本遼舊興州常安縣考遼志東丹城北至挹婁縣范河二百七十里則遼時已有挹婁縣蓋郡邑雖移幅員有定而遼志之瀋州昭德軍雙州保安軍定理府皆故挹婁國地瀋州昭德軍今承德縣雙州保安軍今鐵嶺縣定理府今

興京境內證諸

盛京通志若承德若鐵嶺若吉林若甯古塔自奉天府

治極於東北胥挹婁地也至明一統志載洪武二十九年設左右千戶於懿路城永樂八年復設中千戶於懿路城其廢址在今鐵嶺縣城南六十里又有站名懿路亦作伊魯卽遼金挹婁縣之遺國語謂巖穴之穴爲葉嚕與伊魯音相近尙見當時命名之義爾

三韓

三韓統名辰國漢書朝鮮傳真番辰國欲上書見天子
朝鮮雍闕弗爲通顏師古注辰謂辰韓之國也後漢始
通於中國一曰馬韓二曰辰韓三曰弁辰見通典而晉
書梁書竝以弁辰作弁韓馬韓在西最大邑落雜居無
城郭有五十四國其北與樂浪南與倭接其民土著各
有長帥大者名臣智散在山海間總十餘萬戶共立其
種爲辰王都月支國蓋盡王三韓之地其諸國王先皆
馬韓種人魏明帝景初中密遣帶方太守劉昕樂浪太
守鮮于嗣越海定二郡諸韓國臣智加賜邑君印綬其

次與邑長部從事吳林以樂浪本統韓國分割辰韓八國以與樂浪吏譯轉有異同臣智激韓忿攻帶方郡畸離營時太守弓遵樂浪太守劉茂興兵伐之遵戰死二郡遂滅辰韓在馬韓東耆老自言本秦人避秦役亡適韓國馬韓割東界地與居或名之爲秦韓王莽時廉斯鏹爲辰韓右渠欲降莽出邑落見一人語非韓人自稱漢人名戶來其等輩千五百人俱伐木爲韓得者鏹將戶來出詣樂浪郡郡令鏹乘大船入辰韓索取尙得千人其五百人已死辰韓爲出贖直辰韓有城柵屋室諸小別邑各有渠帥貿易以鐵爲貨始有六國後分十二

國其北與濊貊接弁辰在辰韓南亦十二國與辰韓雜居城郭衣服皆同其人皆長大美髮而刑罰嚴峻又有諸小別邑各有渠帥總四五萬戶其南之瀆盧國亦與倭接統三韓凡七十八國備載魏書地理志漢光武帝建武二十年韓國廉斯人蘇馬謔等詣樂浪貢獻帝封蘇馬謔爲廉斯邑君使屬樂浪郡四時朝謁本紀所謂韓國人率衆詣樂浪內附者靈帝末民苦亂多流亡人韓濊獻帝建安中公孫康分屯有有鹽縣以南荒地爲帶方郡遣公孫模張敞等收集遺民興兵伐韓濊舊民稍出是後韓屬帶方郡屯有有鹽兩縣並漢遼東所屬

也晉武帝咸寧三年韓人來明年請內附其王來朝太
康元年頻貢方物七年八年十年又頻至太熙元年詣
東夷校尉何龕上獻辰韓以流移之人爲馬韓所制常
奉馬韓人作主雖世世相承不得自立辰韓作秦韓馬
韓亦作慕韓弁韓作弁辰又作弁韓尙書傳扶餘駢並
稱正義謂駢卽韓也祇取諧音原非漢語實韓與駢皆
爲汗之訛三韓三汗也范蔚宗始稱韓國韓人魏志遂
稱韓地韓王甚或爲韓氏皆訛三韓中惟弁韓記載獨
略晉武帝後朝貢無聞焉僅梁書云辰韓始有六國稍
分爲十二國新羅其一也馬韓有五十四國百濟其一

也舊唐書云百濟爲馬韓故地蓋爲百濟新羅所并宋
史載定安國本馬韓之種爲契丹所破其帥糾合餘眾
保於西鄙建國改元自稱定安開寶三年其王烈萬華
因女真遣使入貢有存焉者寡矣

勿吉

高麗北舊肅慎國地元魏曰勿吉邑落各自有長不相
總攝恃其材武輕豆莫婁諸國初有七部一曰粟末部
與高麗接勝兵數千多驍健二曰伯咄部在粟末北勝
兵七千三曰安車骨部在伯咄東北四曰拂涅部在伯
咄東五曰號室部在拂涅東六曰黑水部在安車骨西
北七曰白山部在粟末東南勝兵竝不過三千自拂涅
以東矢皆石鏃五代始分爲數十部遼營衛志則以長
山部歸於國外十部中勿吉亦謂之靺鞨故魏書爲勿
吉傳隋書爲靺鞨傳而北史傳云勿吉一名靺鞨太平

震宇記載隋初靺鞨傳有使來獻亦謂卽勿吉也南北
殊譯實一國矣嘗以魏孝文延興中遣使乙力支朝獻
冊府元龜載爲五年時事太和初又貢馬五百匹自云
其國先破高句驪十落密共百濟謀從水道并力取高
麗來請其可否詔三國宜共和順勿相侵擾冊府元龜
祇稱二年朝獻殆卽其年事九年復遣侯尼支朝獻十
年復朝貢十二年遣使貢楛矢方物十七年遣使婆非
等五百餘人朝獻宣武帝景明四年遣使俟力歸貢方
物正始四年貢楛矢永平元年二年三年竝遣使朝貢
國羊及延昌元年貢楛矢其明年三月七月九月竝朝

獻四年及孝明帝熙平二年貢楛矢神龜元年二年朝
貢東魏孝靜帝天平三年朝貢興和二年遣使石久云
等貢方物又三年及武定二年四年五年迄北齊溫公
武平三年竝遣使朝貢隋開皇初貢獻文帝厚勞之通
考稱其國與隋懸隔惟粟末白山爲近唐貞觀初伯咄
安車骨入號室部高麗破後竝歸渤海其時惟黑水部
全盛元宗開元天寶間拂涅八來獻鯨睛貂皮白兔自
是部族世次史皆失紀蓋唐高祖武德以前勿吉與靺
鞨互稱武德以後推黑水部爲強始專稱靺鞨而粟末
部自武后萬歲通天以後改稱震國又稱渤海無復知

爲勿吉矣金景祖稍役屬諸部自白山之屬以至五國之長皆聽命太祖敗遼兵於境使梁福烏達喇招諭渤海人曰女真渤海本同一家皆勿吉之部故北盟錄稱女真所居之地東瀕海南接高麗西接渤海鐵離北近室韋三國所謂挹婁元魏所謂勿吉是也世稱女真兵滿萬不可敵而諸史皆謂七部中黑水尤勁天聰八年太宗諭諸將之征黑龍江者曰茲地人民語言騎射與我國同撫而有之卽皆可爲我用攻略時宜告以爾我先世本皆一國之人載籍甚明母甘自外是時已服滿洲五部長白山二部扈倫二部繼是復且征且撫有東

海三部及黑龍江之索倫等部而黑龍江北之索倫達
瑚爾二部與東北之鄂倫春皆爲黑龍江兵自索倫騎
射聞天下編入旗之達瑚爾鄂倫春等部世皆索倫呼
之顧恭讀

高宗實勝寺記曰凡行陣參伍彌縫之際略覺鼓餒旗
靡處得健銳兵數十屹立其間則整而復進斬將搴旗
雖以索倫兵之馳突一往而知方守節終不如我滿洲
世僕其心定其氣盛由乾隆以溯

國初我

聖清出震方行霆驅電掃統壹區宇八旗勁旅超邁前

古煒矣哉

百濟

辰國君長三馬韓最尊三韓屬國七十有八百濟最盛
系出東明有尉仇台者破於高麗初以百家濟號曰百
濟爲夫餘種類王姓夫餘氏北史誤爲餘氏承謬不改
王所都有東西二城其民人多土著地卑濕率山居東
北至新羅西渡海至越州南渡海至倭國北渡海至高
麗故兼有新羅高麗倭國入亦聞有中國人有僧尼多
寺塔而無道士有鼓角箜篌笙竽箎笛之樂行宋元嘉
厯以建寅月爲歲首刑律叛逆者死籍沒其家殺人者
以奴婢三贖罪官人受財及盜三倍追贓仍終身禁錮

國俗重騎射愛墳史晉文帝二十七年表求易林占式及腰弩梁武帝大同中嘗請給毛詩博士與涅槃等經義仰慕華風也晉宋齊梁據江左後魏宅中原竝遣使稱藩及唐益顯亦至唐蹶而不振晉簡文帝咸安二年拜百濟王餘句爲鎮東將軍領樂浪太守孝武帝太元十一年以百濟世子餘暉爲鎮東將軍百濟王安帝義熙中以百濟王夫餘腆爲使持節督百濟諸軍事十二年以百濟王映爲使持節都督百濟諸軍事鎮東將軍百濟王宋武帝卽位進大將軍文帝元嘉二年以映爵號授百濟王餘毗孝武帝大明二年以其國行冠軍將

軍右賢王餘紀爲冠軍將軍行征虜將軍左賢王餘昆
行征虜將軍餘暈竝爲征虜將軍行輔國將軍餘都餘
又並爲輔國將軍行龍驤將軍沐矜餘爵並爲龍驤將
軍行甯朔將軍餘流糜貴竝爲甯朔將軍行建武將軍
于西餘婁竝爲建武將軍如所請也蓋百濟地廣民稠
眾建侯王以酬勲懿自是援爲例齊武帝永明八年詔
可百濟王牟大奏除授甯朔將軍面中王姐瑾假行冠
軍將軍都將軍都漢王建威將軍八中侯餘古假行甯
朔將軍阿錯王建威將軍餘厯假行龍驤將軍邁盧王
廣武將軍徐固假行建威將軍弗斯侯又以行建威將

軍廣陽太守兼長史高達假行龍驤將軍帶方太守行
建威將軍朝鮮太守兼司馬楊茂假行建威將軍廣陵
太守行宣威將軍兼參軍會邁假行廣武將軍清河太
守竝除牟大爲使持節都督百濟諸軍事鎮東大將軍
策命襲其祖父牟都爵爲百濟王是歲牟大遣將沙法
名等襲破魏人之攻百濟者遣使以聞假沙法名行征
虜將軍邁羅王贊首流爲行安國將軍辟中王解禮昆
爲行武威將軍弗中侯木干那爲行廣威將軍面中侯
又以所遣使臣行龍驤將軍樂浪太守兼長史慕遺行
建武將軍城陽太守兼司馬王茂兼參軍行振武將軍

朝鮮太守張塞行揚武將軍陳明冒涉波險竝賜軍號
齊武帝永明中除牟大都督百濟諸軍事鎮東大將軍
百濟王梁武帝天監中爲高麗所破遷南韓屬弁韓地
普通二年詔加其王餘隆甯東大將軍五年以餘隆子
明爲綏東將軍百濟王陳文帝天嘉三年以其王餘明
爲撫東大將軍臨海王終陳之世朝貢不絕百濟自破
於高麗播遷削弱高麗王釗當拓拔珪伯祖烈帝時復
與慕容氏相攻建國四年慕容元真伐之釗單騎奔竄
爲百濟所殺兩國積怨連兵北魏孝文帝延興二年其
王餘慶上表曰臣與高句驪源出夫餘先世之時篤崇

舊款其祖釗輕廢隣好親率士卒陵踐臣境臣祖須整
旅電邁應機馳擊矢石暫交梟斬釗首自爾以來莫敢
南顧自馮氏數終餘燼奔竄醜類漸盛遂見陵逼構怨
連禍三十餘載財殫力竭轉自辱踧若天慈矜恕遠及
無外速遣一將來救臣國又云今漣有罪國自魚肉大
臣強族殺戮無已是滅亡之期假手之秋也且馮族士
馬有鳥畜之戀樂浪諸郡懷首邱之心天威一舉有征
無戰臣雖不敏志效畢力當率所統承風響應且高麗
不義逆詐非一外慕隗囂藩卑之詞內懷兇禍豕突之
行或南通劉氏或北約蠕蠕共相脣齒謀陵王略今若

不取將貽後悔去庚辰年後臣西界小石山北國海中
見屍十餘并得衣器鞍勒視之非高麗之物後聞乃是
王人來降臣國長蛇隔路以沈於海雖未委當深懷憤
恚陛下合氣天地勢傾山海豈令小豎跨塞天達今上
所得鞍一以爲實驗報曰卿所送鞍比校舊乘非中國
物不可以疑似之事以生必然之過竝優詔慰解之然
賜餘慶璽書終爲高麗所阻齊氏之擅有東夏也其王
餘隆亦通使焉餘隆子餘昌武平二年拜使持節侍中
車騎大將軍帶方郡公百濟王如故二年又以餘昌爲
持節都督青州諸軍事東青州刺史隋開皇初拜上開

府帶方郡公百濟王餘昌子餘宣餘宣子餘璋唐高祖武德七年封帶方郡王數請討高麗貞觀初詔使平其怨尋與新羅有隙子義慈立與高麗連和取新羅四十餘城聞太宗討高麗又取七城久之又奪十餘城高宗永徽六年復與高麗取新羅三十餘城顯慶五年命左衛大將軍蘇定方討平其國從子福信等立故王子夫餘豐龍朔二年郎將劉仁願帶方州刺史劉仁軌復大破之豐走不知所終授所擄之夫餘隆爲熊津都督使歸國平新羅故憾事載舊唐書隆不敢歸寄治高麗時百濟荒毀漸爲新羅所據其孫敬武后朝襲封帶方郡

王授衛尉卿舊唐書通考皆稱自此爲新羅及渤海靺
鞨所分百濟遂絕然五代史書後唐清泰三年正月百
濟國遣使貢方物元史書世祖至元四年正月百濟遣
其臣蔡浩來朝賜以錦繡有差由此知其支庶世世保
守海隅矣何其久也舊國屬馬韓晉以後盡得馬韓故
地兼有遼西晉平二郡自置百濟郡宋書言所治謂之
晉平郡晉平縣都城號居拔城則百濟郡卽晉平居拔
城卽晉平城也馬端臨謂晉平在唐柳城北平之間實
今錦州寧遠廣寧之境一統志謂居拔城在今朝鮮境
內者其卽唐天監時破於高麗遷居南韓之地耶普通

以後累破高麗斬其王釗更爲強國號所治城曰固麻
通考云南接新羅唐會要云東北至新羅考百濟之境
西北自今廣甯錦義南跨海蓋東南極朝鮮之黃海忠
清全羅諸道東西狹而南北長故自柳城北平計之則
新羅在其東南而自慶尙熊津計之則新羅在其東北
又魏時與勿吉謀併力取高麗則東北亦鄰勿吉唐初
復取新羅六七十城其界益廣蘇定方之伐百濟也濟
師自熊津口乘山大戰揚帆蓋海連舳入江北趨其真
都熊津卽漢江在朝鮮國城南十里則今朝鮮國城亦
百濟之南界也北史云國有五方方管十郡舊唐書云

外置六帶方六方各管十郡則爲郡且五六十蘇定方
所得僅三十七郡未得者尙五分之二必仍爲餘眾所
保隔於渤海契丹使命不通無從紀載至太平寰宇記
云舊有五部分統三十七郡二百城七十六萬戶據其
始言之亦尙未得其實隋書云其南海行三月有舛牟
羅國南北千餘里東西數百里爲百濟之附庸當時國
勢强大如此終守藩海外遠修貢職封拜除授必聽命
於中國爲累朝璽書所褒嘉數求援乞哀祇空言撫慰
後乃與高麗通好謀取黨項城絕新羅入朝之路夫固
有以啓之而自底於敗亡易曰往厲必戒終不可長也

然百濟亦聲名文物之著者哉

啓東錄卷二

閩縣林壽圖

新羅

百濟東南五百餘里有國曰新羅初謂之新盧或曰斯盧其先本辰韓辰韓始有六國稍分爲十二新羅其一也或言魏將毋邱儉討高麗破之高麗王奔沃沮其後復歸故國留者遂爲新羅焉居漢樂浪郡東瀕大海其人雜有華夏高麗百濟之屬兼有沃沮不耐韓濊之地其王本百濟人自海入新羅遂王其地初屬於百濟百濟伐高麗民不堪役相率歸之遂致強盛襲滅伽羅任

那諸國南北朝時漸著然宋書猶無新羅傳附見倭國傳中曰元嘉二年倭國遣使自稱使持節都督倭百濟新羅任那秦韓慕韓六國諸軍事國小不能自通使聘梁武帝普通二年王名募秦始使使隨百濟奉方物陳廢帝光大二年宣帝太建二年皆入貢冊府元龜北齊河清四年詔以新羅國王金真興爲使持節領東夷校尉樂浪郡公新羅王此新羅受封之始通考隋文帝時其王姓金名真平襲新羅任那諸國滅之此新羅著姓之始王以金姓相承貴人姓朴兩姓相嫁娶異姓不爲婚民無氏有名其大較也有城邑村落王所居曰金城

周七八里衛兵三千人設獅子隊當秦苻堅時樓寒遣使衛頭朝貢堅問卿言海東之事與古不同何也對曰亦猶中國時代變革名號改易今焉得同善於詞令矣蒙古語謂龍曰婁寒卽汗之音王在本國稱汗至真平傳世三十先是百濟伐高麗詣新羅請救發兵大破百濟因是每相攻伐新羅得百濟王殺之怨由此結唐高祖武德七年冊拜金真平爲柱國封樂浪郡王新羅王卒無子太宗貞觀五年命其女善德爲王嘗遣使上言高麗百濟累相攻襲亡失數十城乞偏師助援賜高麗璽書不聽太宗將親伐詔集士馬接應遣其大臣領兵

五萬人入高麗降其水口城善德卒立其妹真德爲王遣其弟相國伊贊子金春秋及其子文正來朝授春秋特進文正左武衛將軍春秋請詣國學觀釋奠及講論太宗賜以所制温湯及晉祠碑並新撰晉書時貞觀二十二年也高宗永徽元年大破百濟遣其弟法敏以聞五年真德卒詔以春秋爲王加授開府儀同三司樂浪王百濟與高麗靺鞨侵其北界攻陷三十餘城上表求救顯慶一作明慶五年命蘇定方爲熊津道大總管統水陸十萬討平其國漸有高麗百濟之地龍朔元年春秋卒詔其子法敏嗣位爲開府儀同三司上柱國樂浪

郡王新羅王三年詔以其國爲雞林州都督府授法敏爲雞林州都督此新羅爲雞林之始雞林與今吉林音譯地理相符是時北與靺鞨鄰故設都督府俾王領之以重其鎮遼宋以後每以雞林州稱高麗金元時亦以雞林郡公爲高麗封號蓋新羅嗣王旣世襲都督雞林遂爲新羅通稱迨渤海盛而新羅偏安南境又爲高麗所併故高麗亦襲是稱若王雲之撰雞林志王熙王煦之封雞林郡公非其舊地而名仍沿之也法敏卒子政明立政明卒子理洪立當武后天授三年襲輔國大將軍行豹韜衛大將軍雞林州都督理洪卒弟興光立襲將

軍都督號興光卒子承慶立當元宗開元二十五年承慶卒弟憲英立憲英卒弟乾運立乾運卒無子其上相金良相立當德宗貞元元年授檢校太尉都督雞林州刺史寧海軍使新羅王其年卒良相從兄弟金敬信立敬信卒嫡孫俊邕立冊使未達俊邕卒子重興立重興卒其相金彥昇立當憲宗元和七年授開府儀同三司檢校太尉持節大都督雞林州諸軍事寧海軍使上柱國新羅王彥昇卒嗣子金景徽立當文宗太和五年授開府儀同三司檢校太尉使持節大都督雞林州諸軍事充寧海軍使新羅王自武德四年迄武宗會昌元年

頒賜朝貢代不絕書金法敏嘗納高麗叛眾略百濟地
守之詔削官爵以其弟右驍衛大將軍臨海郡公仁問
爲新羅王自京師歸國詔劉仁軌爲雞林道大總管發
兵窮討嗣遣使朝謝仁問乃還朝辭王復法敏官爵則
高宗咸亨三年至五年事也後唐莊宗同光二年明宗
天成二年長興二年四年末帝清泰二年皆入貢爵名
可考者國王金朴英權知國事金溥使臣倉部侍郎金
樂錄事叅軍金幼卿朝散大夫倉部侍郎賜紫金岳執
事侍郎金朏又林彥張芬等除授可考者以權知康州
事王逢規爲懷化大將軍前登州都督府長史張希巖

登州知後官本國金州司馬李彥謨竝檢校右散騎常侍又以張芬爲檢校工部尙書副使兵部郎中朴述洪兼御史中丞判官倉部員外郎李忠式兼御史又以入朝使金肱爲檢校工部尙書副使司賓大卿李儒爲將作少監五代史稱朴英溥世次立卒皆失紀自晉以後不復至然其軼猶時時見遼史及契丹國志中遼竝於中京大定府設朝天館以待其使考新羅故地本與百濟高麗爲鄰通考云在百濟東南其西北界出高麗百濟之閒唐書唐會要言在百濟東北以新唐書高麗傳考之高麗東跨海距新羅南跨海距百濟西北渡遼水

接營州北接靺鞨則自今奉天遼陽南至鳳凰城渡鴨
淶江至今朝鮮之咸鏡平安等道者高麗也自今開原
廣甯錦義甯遼南至蓋平復州甯海又東南跨海極朝
鮮之全羅黃海忠清等道者百濟也而新羅之境東南
兼有今朝鮮慶尙江原二道西北直至今吉林烏拉又
西近開原鐵嶺出高麗百濟之閒故百濟之東北東南
皆相鄰近高麗介處其中通考所云亦在高麗東南奉
使行程錄所云自咸州至同州今開原鐵嶺界東望大山卽新
羅界遼志所云海州卽今海城始屬百濟後爲高麗所分復入渤海又歸於遼東界
新羅是也唐顯慶乾封以後百濟高麗之地多人新羅

東西增九百里南北增千餘里幅員益廣唐會要謂既盡有百濟之地及高麗南境東西約九百里南北約一千八百里而舊唐書云東西千里南北二千里新唐書云橫千里縱三千里夫既併百濟高麗無反狹於前之理蓋專指新闢之地言之也西北爲渤海契丹所隔必浮海往來達其南境故唐人篇什往往以海外稱之洎開元元和之際渤海愈盛鴨綠江以北皆渤海所有遼志所謂渤海王大仁秀南定新羅開置郡邑是也後唐清泰末高麗復起王建襲據新羅邊邑建都松岳元史所謂在鴨綠江東千餘里非平壤之舊者是也於是新

羅所有僅海城以東及朝鮮數道非復唐時之境而自五代至遼傳國依然不絕也雞林卽吉林吉林卽滿洲舊國

始祖所都之寧古塔在焉所謂居俄漠惠之野者烏拉在吉林當滿洲東北今吉林將軍治烏拉故城城在盛京東北八百二十里寧古塔西六百三十里所轄東西四千餘里南北二千里盡烏拉諸部故境而烏拉當新羅極盛時固接其西北矣諸史又云新羅始保沃沮考後漢書魏志通考俱有東沃沮南沃沮北沃沮之文無大君長邑落各自有帥而其地或在挹婁夫餘之南

或在挹婁之北或屬元菟或屬樂浪或屬句驪東濱海而南接濊所載皆朝鮮句驪及漢樂浪諸郡事則沃沮者卽今之窩集

盛京邊外東南北諸處在在有之新羅所保據母邱儉傳在肅慎界南千餘里當在今吉林烏拉之南近長白山其納沁庫呼訥納嚕諸窩集之地歟山林盤互法令修明道不拾遺人嫻書射唐太宗賜新羅王書曰具知卿二明慶祚三韓善隣時稱仁義之鄉代著勲賢之業文章禮樂聞君子之風納欵輸誠効勤王之節固藩維之鎮衛諒中外之表儀朕每晨興佇待賢想見

其人以光啟沃蓋名聞中朝自昔而著其休忍耽羅諸國竝爲新羅所併或曰遺址皆在今朝鮮南界云

靺鞨

靺鞨者古肅慎國也後魏謂之勿吉始見於南北朝北史合勿吉爲一傳隋唐專爲靺鞨傳武德以後不復稱靺鞨北齊武成帝河清二年三年溫公天統元年至四年竝朝貢其地在營州東二千里南與新羅接西北與契丹接編戶十餘萬兵數萬人先與契丹相攻掠隋文帝諭其使曰我憐念契丹與爾無異宜各守土境開皇三年十一年十三年煬帝大業十一年竝來貢與高麗戰頻敗其衆突地稽者渠帥也大業中與兄瞞咄率所部內屬營州瞞咄卒突地稽拜遼西太守封夫餘侯親

來江都宇文化及之亂歸柳城唐高祖武德初突地稽
朝貢以其部落置燕州以突地稽爲總管劉黑闥之叛
也率所部赴定州請授節度以戰功封耆國公又徙於
幽州之昌平城會高開道引突厥攻幽州邀擊大破之
太宗貞觀初拜右衛將軍賜姓李氏子謹行高宗麟德
上元閒累破吐蕃以營州都督拜右領軍大將軍積功
授右衛大將軍封燕國公上元二年劉仁軌破新羅於
七重城以靺鞨兵浮海略新羅南境儀鳳中遣朝鮮郡
王高藏帶方郡王夫餘隆歸遼東高藏謀叛與靺鞨結
召還流邛州其地沒與新羅餘衆散投突厥及靺鞨夫

餘隆亦不敢歸國土地盡沉於靺鞨元宗開元十年其帥倪屬利稽來朝拜勃利州刺史置黑水府以部長爲都督賜姓李氏名獻誠領黑水經畧使終元宗之世朝獻者十五代宗大厯世七德宗貞元世一憲宗元和世再然嘗以兵十五萬助高麗攻太宗卽安市城之役也載舊唐書高麗傳中太平寰宇記謂黑水西北有思慕靺鞨正北微東十日程有郡利靺鞨東北十日程有窟說靺鞨亦謂之屈設東南十日程有莫曳皆靺鞨今黑水靺鞨界南至渤海國德里府北至小海東至大海西至室韋南北二千里東西千里

通考畧同

初太宗謂侍臣曰

靺鞨遠來蓋突厥降朕所致也亦見柔遠之難積以漸矣五代惟後唐莊宗同光二年三年黑水遣使者來明宗天成四年長興元年竝朝貢宋無聞焉遼興太祖天顯元年太宗會同元年復來貢金亦無聞焉或曰渤海盛強黑水役屬之故朝貢遂絕五代時契丹盡取渤海地而黑水附於契丹在南者籍契丹在北者不在契丹籍考靺鞨先沿勿吉祇有七部迨分部愈廣至有數十最强者爲粟末黑水粟末部大氏旣興改稱渤海靺鞨自後魏以來邑落各有君長不相統一其與隋唐使命相通可考者如隋爲渠帥突地稽唐爲渠長阿固郎爲

拂涅靺鞨首領失異蒙爲越喜靺鞨首領烏施可蒙爲
鐵利靺鞨首領闔許離又爲拂涅部靺如價爲鐵利部
買取利爲越喜部茂利蒙爲鐵利部可婁計爲黑水部
倪屬利稽又爲越喜部勃施計爲拂涅部朱施蒙爲鐵
利部倪處梨又爲鐵利部溟池蒙爲越喜部努布利爲
拂涅部魚可蒙爲黑水首領屋作箇又爲鐵利大首領
封阿利爲越喜部苾利施爲拂涅部薛利蒙爲黑水大
首領素可蒙諾箇蒙職紇蒙又爲鐵利部米象及失伊
蒙又爲越喜部首領聿棄計爲拂涅部首領兀異等皆
授官職要皆一部一邑卽唐時都督刺史之授亦假借

虛名以通互市往來之便實未有能統而一之者後或分屬契丹猶然散處而黑水一部在今薩哈連烏拉之境唐時卽已獨盛又自分爲十六部至五代時改稱女真兼靺鞨諸部而有之而完顏氏世君其地未嘗一日屬契丹也我

太祖天命間大兵曾一度黑龍江下游

太宗天聰九年逾黑龍江收撫未服壯丁二千四百有奇餘丁七千二百崇德五年復俘其壯丁三千百有五十十五年并征已降復叛之索倫博果木禽其衆九百餘於是直抵黑龍江北興安大嶺之麓遼金部落咸隸滿

洲矣當渤海盛時亦有侵併如越喜故地之爲懷遠寧
遠二府領達越等十三州鐵利故地之爲鐵利府領廣
汾等六州而遼地理志載新興縣本越喜國地遼本紀
載鐵驪國屢通貢使至天祚不絕是越喜入遼而鐵驪
復自立國迄於金世猶存利與驪音同續通考云不知
其所自始非也虞婁卽挹婁轉音思慕等部當在今黑
龍江左右至唐書言白山部分散入中國而遼志有長
白山女真三十部蓋金源盛時始有統歸我
朝龍興乃編丁列校矣

渤海

渤海本粟末靺鞨姓大氏始附高麗唐李勣滅高麗阻
守挹婁之東牟山其人亦散處中國置安東都護於平
壤以統之武后通天萬歲時契丹李盡忠叛大氏乞乞
仲象與靺鞨長乞四比羽度遼水保太白山東北唐右
玉鈴衛大將軍李楷固討盡忠餘黨破乞四比羽仲象
與子榮祚拒楷固王師敗武后不能討嘗封仲象爲震
國公不受及其子祚榮并比羽之衆共四十萬人復據
挹婁故地築城東牟山居焉直營州東二千里盡得夫
餘沃沮并韓朝鮮海北諸國自號震國王中宗朝以爲

忽汗州都統封渤海王元宗先天二年冊拜左驍衛員外大將軍渤海郡王仍以所統爲忽汗州加授忽汗州都督王都忽汗城因河得名今呼爾哈河河源出吉林烏拉界會畢爾騰湖東流經故會寧城北又九十里繞寧古塔城南北流七百里入混同江唐書渤海上京在忽汗河之東爲肅慎故地新唐志自安東都護府經蓋牟城又經渤海長領府千五百里至渤海王城臨忽汗海其西南三十里有古肅慎城又自神州陸行四百里至顯州又正北如東四百里至渤海王城明一統志亦言金滅遼設都於渤海上京是忽汗城實與古肅慎城

金會寧城相近俱在今寧古塔境其北卽黑水境遼史當之以遼陽誤也去靺鞨號專稱渤海蓋自大祚榮封渤海王始祚榮以驍勇善用兵聞元宗開元七年卒立其嫡子桂婁郡王大武藝襲左驍衛大將軍渤海郡王忽汗州都督桂婁卽挹婁也十四年黑水靺鞨遣使來朝詔以其地爲黑水州置長史武藝謂其屬曰黑水途經我境今始與唐家相通舊請突厥吐屯皆卽知同去今不計會卽請漢官必是與唐家通謀腹背攻我遣母弟大門藝等發兵擊黑水門藝曾充質子至京師者謂武藝曰黑水請唐官吏卽欲擊之是背唐也昔高麗

全盛時強兵三十餘萬唐兵一臨掃地俱盡今日渤海之衆數倍少於高麗事必不可累諫不從閒道奔唐授左驍衛將軍武藝表詆門藝請殺之遣門藝暫往嶺南以報武藝猶蓄怨密遣使刺門藝於天津橋南門不果詔捕殺其賊至子欽茂天寶末徙上京直舊國三百里忽汗河之東七傳至仁秀以知渤海國務立爲王仁秀者其四世祖野勃祚榮弟也仁秀能討伐海北諸部復闢境土有功於渤海者再傳至大彝震亦以權知國務襲爲王其朝貢於唐元宗開元九年迄武宗會昌六年見冊府元龜五代自後梁太祖開平初迄後周世宗顯

德初皆遣使物產與高麗同契丹欲攻中國患渤海在其後欲擊渤海懼中國乘其虛天成初與後梁太祖通好因攻渤海取夫餘城以爲東丹國宋太宗旣平晉陽移兵幽州渤海首領大鸞河率部族三百騎來歸以鸞河爲渤海都指揮使太平興國六年賜渤海烏舍城清渝府渤海王詔曰聞爾開國爰從前代本是大藩而近年以來頗爲契丹所制宜盡率爾部族來應王師朔漠之外悉以相與六年上表云定安國王烏元明言臣本高麗舊壤渤海遺黎保據方隅涉厯星紀頃歲契丹入侵境土攻破城寨俘掠人民臣祖考守節不降與眾避

地僅存生聚以迄於今而又夫餘府昨背契丹竝歸本國災禍將至無大於斯所宜率兵助討必欲報敵其末題云元興六年月日上遼太祖嘗親征渤海大諲譔拔夫餘府圍忽汗破其城改渤海爲東丹忽汗城爲天福夫餘府爲黃龍府渤海世爲遼重鎮然實屢降屢叛兵衛志顧以爲天顯元年滅渤海國地方五千里兵數十萬五京十五府六十二州盡有其眾以其地建南京遼陽府統縣六轄軍府州城二十六有丁四萬一千四百天祚之亂聚族立姓大者於舊國爲王金源與太祖討平之所遷民較契丹時益蕃至五千餘戶勝兵可三萬

人其居渤海故地者仍契丹舊爲東京置留守有蘇扶等州縣考渤海以粟末舊部南併百濟北兼黑水東窮海西接契丹幅幘五千里在東方最爲大國唐武后時建國歷後唐二百餘年官府制度燦然大備世次傳授使命朝貢載籍能詳惟遼紀稱天顯元年太祖破忽汗城獲王大諲譔遂併其地改渤海爲東丹國而諸書皆云取夫餘一城以封托雲太祖旣崩渤海王復攻夫餘不能克是諲譔尙在而宋太宗有賜渤海王之詔徽宗時登州又有慮渤海作過恐北海馳基島孤立請以末島嗚呼島爲界并欽島添置戍兵之奏則其國至北宋

末猶存契丹未能滅之考之薛史及冊府元龜謹譏既
俘統兵攻夫餘城者爲王之弟卽遼紀所載渤海諸州
爲遼攻得者惟忽汗城及西南二京止南海一府西京
未得者尙有東平安遠等六府其東北之境竝未屬遼
卽長嶺南海鄭頡定理諸府亦屢平屢叛聖宗十四年
紀云渤海征鐵驪遣奚王討之不能克二十年紀云渤
海來貢是忽汗破後壤地與遼相接者雖已入遼而國
人收合餘部別自立王故五代史宋史宋會要通鑑通
考皆謂止取夫餘一城也冊府元龜又有後唐遣人送
渤海王憲歸國之文憲必王之子弟留中國者長興清

秦閒使命往來則仍世君其國以爲遼所隔石晉復臣於遼不敢復至情事可按也五京十五府六十二州見新唐書以肅慎故地爲上京曰龍泉府領龍湖渤三州其南爲中京曰顯德府領盧顯鐵湯榮興六州滅故地爲東京曰龍原府亦曰柵城府領慶鹽穆賀四州沃沮故地爲南京曰南海府領沃晴椒三州高麗故地爲西京曰鴨渌府領神桓豐正四州曰長領府領瑕河二州夫餘故地爲夫餘府常屯勁兵扞契丹領扶仙二州鄭頡府領鄭高二州挹婁故地爲定理府領定瀋二州安邊府領安瓊二州率賓故地爲率賓府領華益建三州

拂涅故地爲東平府領伊蒙陀黑比五州鐵利故地爲
鐵利府領廣汾蒲海義歸六州越喜故地爲懷遠府領
達越懷紀富美福邪芝九州安遠府領甯郿慕常四州
又郢銅涑三州爲獨奏州覈之州止六十考遼志東京
道有崇集麓三州皆渤海所置而唐書不載又蓋州亦
渤海置而唐書止載益州蓋本高麗之蓋牟城在今蓋
平境益州爲率賓故地實屬二州則渤海州名固不止
六十有二遼史又云唐元和時渤海王大仁秀南定新
羅北略諸部開置郡其見於志者若龍河會農吉理
杉盧沸流鐵利安定鉅山安甯諸郡若銀州之改爲富

州蓋州之改爲辰州皆唐書所未及諸府州地多在今
吉林烏拉甯古塔及朝鮮界遼旣未能全併渤海多以
所俘獲散置他處取渤海州邑之名以名之徒以侈大
武功爾語云三人渤海殺一虎代多智謀勇力之士如
烏元明之不屈著矣太平間大延琳於遼遷置東京之
後圖恢宗國殺其留守駙馬等至身被禽虜而不悔雖
庸闇不及此沈毅者顧爲之亡國之大夫不可與圖存
而志節皎然愧人臣之甘心異姓者未易以成敗論也

居
身
分

身
分
二

二

完顏

高宗乾隆四十二年以滿洲與金之先同出肅慎部族疆域皆同諭廷臣曰我朝在大金時未嘗非完顏氏之服屬猶之完顏氏在今日皆爲我朝之臣僕大哉

皇言普天率土公義也金國本名珠里真後訛女真或曰慮真嘗避契丹主宗真諱更爲女直俗訛女質通考五代時始稱女真據大金國志唐貞觀中靺鞨來中國已聞女真之名世居混同江東長白山下南隣高麗北接室韋西界渤海東瀕海卽挹婁勿吉黑水靺鞨地爲渤海別族或云本新羅人號完顏氏至太祖以國產金

及有金水源故稱大金案太祖建國之詔曰賓鐵雖堅終亦變壞惟金不變號大金實取此金色白完顏氏亦尙白完顏部有新羅王金姓則遠派承於新羅初完顏氏練於事爲眾女真所推服奉爲首領地饒山林族帳散居山谷間無城郭以射獵爲業自哈富居布爾噶水之涯布爾噶者滿洲語叢柳也生二子長曰烏嚕次曰幹嚕遂爲完顏部人烏嚕生雅哈雅哈生蘇赫蘇赫生實嚕實嚕生呼蘭呼蘭生三子長曰和勒博次曰富勒蘇次曰伊克謂之伊克太師能用眾遂強諸部賦斂調發刻箭爲號事急者三刻之粟粥燔肉爲食中徙居海

古勒水海古勒者蒙古語行軍殿後也耕墾樹藝始有棟宇之制凡四遷定居於阿勒楚喀水之側後爲上京故地與今阿勒楚喀拉林河源相近稍役屬諸部修弓矢備器械和勒博四子長曰烏魯斯次卽金太祖次太宗次曰賽音當宋淳化時眾纔萬人弓矢精勁爲灰城淋水成冰拒契丹燔其積聚設伏山林間掩殺之大中祥符三年與高麗合拒契丹大敗其眾契丹患之沿邊設戍守凡二千餘里天聖後屬契丹世襲節度東南有五節度熟女真部共一萬餘戶地南北七百餘里東西四百里西北至東京五百餘里又次東南至熟女真國

地東西八百餘里南北千餘里居民無首領統轄至東京二百餘里東北至生女真國居民屋宇耕鑿言語衣裘與熟女真同蓋居混同江南者爲熟女真江北者爲生女真契丹慮女真難制安巴堅誘豪右數千家處遼陽南謂之哈斯罕滿洲語藩籬也防閑之使不得與本國往來其隸咸州兵馬司謂之輝發其極遠而野居謂之黃頭女真種有生熟因有繫籍不繫籍之異稱哈斯罕大王者繫籍也不繫籍者亦閒有節度太師之號所謂長白山太師輝發太師是也金景祖亦曾受遼太師之稱終不受印繫籍爲遼所憚久矣自始祖八世十帝

至金太祖應運造邦滅遼臣宋奇功偉績具詳金史此其開國時舊號也

建州

吉林爲滿洲舊國

始祖所都之甯古塔在焉距

肇祖降生相距不過十世與

興祖

景祖

顯祖仍稱甯古塔貝勒而發祥之地已遷

盛京東境之

興京舊名赫圖阿拉在蘇克素護河嘉哈河之間西距

盛京二百七十里東距甯古塔千二百里未得遼瀋以

前四世咸宅卽明之建州右衛也新唐書渤海傳率賓
故地爲率賓府領華益建三州建州之名始見於此今
吉林烏拉境遼史營衛志孝文皇太弟敦睦宮以渤海
建瀋巖三州戶置屬州三建瀋巖此建州始遷在靈河
之南也地理志屢遭水患聖宗遷於河北唐崇州故地
初屬武甯軍隸永興宮後屬敦睦宮統縣二永霸永康
此建州再遷在靈河之北也靈河以元一統志考之卽
凌河者是契丹國志節鎮三十三處有建州大金國志
刺史七十五處有建州金承遼舊非渤海建州故地也
元史地理志元初北京路總管府領川建等十州至元

七年改北京爲大甯仍領川建等州元承遼金之舊非
渤海之建州也元一統志海蘭河經故建州東南一千
里入於海混同江北流經故建州五十里會諸水東北
流經故上京下達五國頭城云故建州蓋渤海之舊在
金上京南者金上京自開原東抵甯古塔自長白山北
抵阿勒楚喀地勢廣長金地理志云上京山有長白青
嶺水有阿勒楚喀混同江拉林河皆在今吉林境又云
東至呼爾哈路六百三十里西至肇州五百五十里東
南至海蘭路一千八百里呼爾哈河在甯古塔城旁海
蘭河在甯古塔城南四百里據四至以求其中則金

上京正在今吉林城東北阿勒楚喀河旁而渤海之建州東去松花江北流之所五十里東南去海蘭河一十里亦在吉林境又案

大清一統志海蘭河有五皆在甯古塔吉林境一入呼爾哈河三入混同江皆去海遠惟在甯古塔城南四百一十里源出無名山者東流會布爾哈圖河入海元志所云海蘭卽指此也明永樂二年置建州衛十年置建州左衛宣德七年置建州右衛湖建州自置於渤海本在今吉林境遼一移再移金元相承置節度刺史而建州遂在今錦州邊外喀喇沁土默特之間大抵東土州

郡名多始於渤海而移於遼遼志所載襲渤海之名而易其地者十有七八如率賓府遼遷其人戶於今廣甯謂之率賓縣而其故地仍有率賓府在涑州定理府之間涑州以涑沫江名定理府據一統志爲

興京而率賓府地與相連則所領之建州卽

國初所統之建州也以元一統志考之其祇稱建州者屬興中府在凌河南北明屬烏梁海其稱故建州者近混同江北流之所卽渤海舊置明初以名衛赫圖阿拉爲

興京實右衛地當明萬曆時今

盛京吉林黑龍三將軍所轄境內滿洲國分部五日蘇克素護河曰渾河曰完棟曰棟鄂曰哲陳長白山國分部二曰訥殷曰鴨淥東海國分部三曰窩集曰瓦爾喀曰庫爾喀呼倫國分部四曰葉赫曰哈達曰輝發曰烏拉各自雄長互相凌暴呼倫四部烏拉在吉林當滿洲東北輝發哈達葉赫在

興京北爲明海西衛東海三部在甯古塔東爲明野人衛而滿洲五部長白山二部則皆建州衛我

太祖以萬曆十二年攻鄂棟部之翁鄂洛城十三年攻渾河部之界藩城棟嘉城薩爾澣城十四年攻蘇克素

護河部之瓜爾佳城渾河部之貝瑋城哲陳部之托摩和城皆克之十五年攻哲陳部克二城十六年復克完顏部環境五豪部皆服乃全有建州以其土產東珠人獲紫貂元狐獐獾與明市於撫順清河寬甸靉陽四關兵食日以強富由是海西東海諸國咸隸版圖東極使犬諾羅諸部罔不率先臣服西至遼南至朝鮮東至海北抵黑龍江而我

太祖高皇帝以明萬曆四十四年爲天命元年受覆育列國英明尊號建國曰滿洲繼而

太宗文皇帝以天啟七年爲天聰元年明遼東巡撫袁

崇煥亦遣使賀

即位聲威所暨無征不服景命遂集於我

世祖章皇帝定鼎燕京統御華夏然則輦億萬年有道之圖者詎不以建州為岐邠豐鎬之造基哉嘗論陪都

重地神臯奧區自神鵠下降鷄鳩東集

天聰七年八月鷄鳩羣集遼東

國人皆曰遼東素無此鳥今蒙古之雀來必蒙古歸順之兆明年察哈爾額哲果來降色淡黃形如鴿爪如人足而有毛即唐藩封萬里隸理藩院者部落二十有五書所謂突厥雀

旗五十有一星羅棋布拱衛森嚴矣海道接直沽達登

萊以市舶至者或惟貨賄是遷也而襟帶黑水項背白

山其與喀爾喀分大興安南北以為鄰立盟約紀界碑

廟謨深遠世守勿替矣

肩身金

卷二

三

啓東錄卷三

閩縣林壽圖

建置

疆理沿革代有岐僭詳近畧遠韎鞞已上誌其國部大
氏兼併設京統府領州閒亦縣名可考契丹侈張金元
省置明備外障衛所城站畧按方位山川道理燦然羅
列考諸圖史渤海國境曰忽汗州忽汗城上京龍泉府
龍州湖州渤海州中京顯德府盧州顯州鐵州湯州榮州
興州東京龍原府慶州鹽州穆州賀州南京南海府沃
洲晴州椒州西京鴨綠府神州桓州豐州正州長嶺府

河州夫餘府鄭頡府高州安甯郡定理府定州瀋州安
邊府安州率賓府益州建州東平府蒙州沱州東平寨
懷遠府富州美州福州鐵利府廣州蒲州義州歸州安
遠府甯州慕州郢銅涑三州蓋州崇州集州麓州案唐
地理志李勣平高麗國得城百七十六分其地爲都督
府九州四十二縣一百置安東都護府於平壤城以統
之用其酋渠爲都督刺史縣令上元三年徙遼東郡故
城儀鳳二年又徙新城聖歷元年更名安東都督府神
龍元年復故名開元二年徙於平州天寶二年又徙於
遼西故郡城至德後廢渤海所置共五京十五府六十

二州其安東府所治遼東故地據賈耽所記建置無聞
遼史謂東京州縣皆渤海之舊未然也滿洲源流考覈
其入遼僅屬東北地界曰上京長春州東京遼陽府開
州定州保州辰州盧州來遠城鐵州興州湯州崇州海
州涿州桓州豐州正州慕州顯州宗州乾州貴德州瀋
州集州廣州遼州遂州通州韓州雙州銀州同州咸州
信州賓州龍州湖州渤海州郢州銅州涑州率賓府定理
府鐵利府安定府長嶺府鎮海府冀州東州尙州吉州
麓州荊州懿州媵州順化城甯州衍州連州歸州蘇州
復州肅州安州榮州率州荷州源州渤海州甯江州河

州祥州遼營衛襲舊名遷新戶存而實湮繁而實儉件
繫綦難金拓土漸雄合部從省曰上京會甯府肇州隆
州信州夫餘路海蘭路率賓路哈斯罕路呼爾哈路烏
爾古德呼勒統軍司咸平路咸平府韓州東京遼陽府
澄州瀋州貴德州蓋州復州來遠州博索府元則瀋陽
路開元路咸平府海蘭府碩達勒達等路肇州博索府
而已肅慎以降疆域涯涘具在今

興京吉林黑龍江迤及邊外跨有朝鮮境內至若倭國
在韓及帶方郡東南大海中去樂浪郡境及帶方郡竝
一萬二千里史載宋文帝元嘉二年自傅使持節都督

倭百濟新羅任那秦韓慕韓六國諸軍事安東大將軍
倭國王孝武大明六年復自稱使持節都督倭百濟新
羅任那加羅秦韓慕韓七國諸軍事安東大將軍倭國
王夸誕不經殊失事實紀載從削

案倭即日本今其國
葉蘇海島與黑龍江

對岸元嘉
時未然也

古肅慎國漢晉爲挹婁後魏謂之勿吉隋曰靺鞨唐有
粟末靺鞨大氏於此置上京龍泉府國號渤海其東北
屬黑水靺鞨遼有女真諸部後建國曰金於故地置上
京會甯府及合懶恤品胡里改等路元設領桃温呼里
改斡朶憐脫斡憐孛苦江軍民萬戶府皆隸合蘭府水

達達等路明初屬建州毛憐等衛入

國朝名甯古塔

古肅慎氏地漢晉爲挹婁國地後魏時始有黑水部爲
勿吉七部之一隋曰黑水靺鞨唐時黑水又分十六部
以南北爲柵南接渤海西接室韋開元中以其地爲黑
水州尋又置黑水府以部長爲都督渤海盛時皆爲所
役屬遼平渤海黑水復擅其地其在南者繫籍於遼在
北者皆不屬籍金時爲蒲與路及肇州北境元隸開元
路明初有黑龍江等五十八羈屬都司統領

國朝設黑龍江將軍

漢置元菟郡地後漢及晉因之南北朝至隋入於高句
驪唐屬安東都護遼金爲東京東界明初置建州衛
國初

始祖居之繼及

肇祖歷

顯祖咸宅茲土順治五年尊爲

興京

漢時置遼東樂浪元菟三郡多屬奉天府治東南及朝
鮮界內地唐封渤海自僭置五京十五府六十二州卽
今府治建定瀋二州屬定理府遼置瀋州昭德軍與遼

陽府屬東京道有開辰盧鐵興崇海耀嬪貴德集廣銀
同咸歸蘇復凡十八州金仍爲瀋州與遼陽府及澄貴
德蓋復五州並屬東京路元省州縣置瀋陽路明置瀋
陽中衛與定遼中左右前後等十三衛竝屬遼東都指
揮使司入

國朝天命十年升爲

盛京

朝鮮周箕子國漢初屬燕燕人衛滿逐箕準自王惠帝
時兼滅貊與高句驪沃沮地傳及孫右渠武帝元封三
年滅分置樂浪臨屯元菟真番四郡昭帝時省臨屯真

番二郡入元菟徙居高句驪西北其沃沮濊貊分七縣
轄以樂浪東部都尉光武建武六年省都尉棄七縣地
順帝陽嘉元年置元菟郡屯田六部漢末夫餘人高氏
據其地或曰卽朱蒙號曰句驪以高爲氏歷三國南北
朝至唐永徽六年滅百濟以其地置熊津馬韓東明金
漣德安五都督府總章元年高氏滅儀鳳初新羅據其
地開元後并於渤海大氏天祐初大氏眇僧躬又稱王
遂有高麗故地五代梁龍德二年高麗人王建襲破躬
又唐清泰未建又襲破新羅百濟并其地宋遼金元皆
內附朝貢洪武間李成桂立改號朝鮮王氏始絕歸

國朝其王仍爲李氏

朝鮮江原道治江陵府本濊貊地漢爲臨屯境

朝鮮黃梅道治黃州古高麗馬韓舊地

朝鮮全羅道治全州本弁韓地後爲百濟國唐顯慶五年蘇定方伐百濟禽其王置熊津等五都督後并於新羅五代時高麗兼有其地

朝鮮慶尙道治慶州本辰韓地後爲新羅國

朝鮮忠清道治忠州本馬韓舊地

朝鮮平安道治平壤府漢曰樂浪郡後爲高句驪所都唐平高麗置安東都護於此後沒於渤海五代時高麗

復取之爲西京元至元六年其臣李延齡等以西京府州縣六十六城來屬因改西京爲東甯升東甯路元末復歸於朝鮮

秦遼東郡漢置襄平縣爲郡治晉爲遼東國治後燕至隋屬高句驪爲遼東城唐置遼州復移置安東都護府於此遼初置東平郡後升爲南京改東京置遼陽府復置遼陽縣爲郡治元初置東京總管府後改遼陽路以遼陽縣爲路治明初置定遼都衛後改爲定遼左右前後四衛東甯衛自在州中左二千戶所左右前後四千戶所入

國朝初設遼陽府罷爲遼陽縣改爲遼陽州

漢襄平縣爲遼東郡治後漢晉同永嘉後屬慕容氏後
入高句驪唐置遼州後移安東都護府於遼東故城復
移於新城通志相傳今遼陽城西北隅故定遼左右後
三衛治卽其地

漢襄平縣地渤海爲東平寨遼初置同州軍曰鎮東後
更名鎮安軍治東平縣兼領永昌縣屬東京道金州廢
縣屬咸平府後改絲曰銅山元廢今開原縣南俗傳銅
館驛卽古縣址

漢襄平縣地渤海置湯州遼亦置州治靈峯縣金廢在

遼陽州西北

漢平郭縣屬遼東郡後漢因之晉縣省城存賈耽曰自安東都護府西南至建安城三百里故平郭縣也渤海改爲長甯縣遼曰興遼縣屬遼陽府金廢

漢安市縣屬遼東郡後漢及晉因之入高句驪爲安市城

漢望平縣屬遼東郡晉屬元菟郡後廢金升梁漁務置縣屬廣甯府元改望平軍民千戶所後復爲縣明初廢漢遼隊縣屬遼東郡後漢省晉廢渤海置永豐縣遼改仙鄉縣屬遼陽府金廢

漢元菟郡武帝元封四年開朝鮮地置又置高句驪縣
爲郡治吳書元菟郡在遼東北相去二百里後廢故城
在今

興京城北

漢高句驪縣爲元菟郡治後漢因之公孫度因舊名移
置元菟郡於遼東東北二百里晉因公孫氏置元菟郡
仍置高句驪縣

漢元菟郡所屬高句驪蓋牟城地唐置蓋州渤海初因
之又改辰州遼升辰州奉國軍屬東京道建安縣爲州
治金初置曷蘇路改爲蓋州奉國軍元初省縣改蓋州

路併爲東京支郡又爲遼陽路明初置蓋州衛今爲蓋平縣

漢取王儉城地改置朝鮮縣爲樂浪郡治晉永嘉以後沒於高麗

漢樂浪郡屬長岑縣地渤海置崇州遼爲崇州隆安軍治崇信縣金廢今承德縣東有崇信廢縣

漢樂浪郡屬有含資縣後漢因之晉改屬帶方郡隋名含資道

漢樂浪郡屬有吞列縣後漢省

漢樂浪郡屬有列口縣後漢省晉復置屬帶方郡

漢不耐縣屬樂浪郡爲東部都尉治後漢廢朝鮮咸鏡道咸興府北有不耐城

漢樂浪郡屬縣有黏蟬後漢曰占蟬晉省在平壤西南隋大業中伐高麗分軍出黏蟬道以漢縣名

漢樂浪郡屬縣有遂成後漢魏晉皆因之隋大業中伐高麗分軍出遂成道以漢縣名平壤南境有遂成廢縣漢樂浪郡屬有帶方縣後漢公孫康分臨屯昭明二縣置帶方郡晉因之後沒於高麗隋大業中伐高麗分兵出帶方郡今平壤南有帶方城

漢樂浪郡屬有增地縣後漢因之晉省隋大業中伐高

麗分軍出增城道以漢縣名平壤南境有增地廢縣
漢無慮縣屬遼東郡後漢分屬遼東屬國晉廢後魏爲
營州東境唐置巫閭守捉城遼置顯州奉先軍治奉先
縣兼領山東縣屬東京道金升府改軍曰鎮甯隸咸平
旋廢隸東京後改府治山東縣曰廣甯屬北京路元初
遷府治臨潢立總管府後降爲東京屬郡復分爲廣甯
路明改置廣甯衛後改廣甯中護衛又置中左右三衛
八

國朝改置廣甯縣爲廣甯府治後屬錦州府
漢臨屯郡治東晡縣後郡廢縣併入樂浪郡後漢並廢

縣

漢居就縣地屬遼東郡後漢省晉復置屬遼東國渤海
置雞山縣遼改鶴野縣屬遼陽府金因之元廢明都司
城西八十里有鶴野廢縣

漢安平縣屬遼東郡後漢因之入高麗爲泊汭城唐志
安東府南至鴨淶江北泊汭城七百里故安平縣也今
故城在遼陽州城東

漢真番郡治雪縣後亦併入樂浪郡

漢鏤芳縣地勿吉拂涅部置東平府領蒙州紫蒙縣後
徙遼城併入黃嶺縣渤海復爲紫蒙縣遼亦有紫蒙縣

屬遼陽府金廢

漢昌黎縣故地遼置建州保靜軍後遷於唐崇州故城
治永霸縣屬中京道金因之以屬北京路元廢明爲界
外地今屬土默特右旗在喜峰口東北

漢遼東郡屬置新昌縣後漢因之晉亦爲新昌縣咸和
九年徙新昌入襄平金臨溟縣有鎮曰新昌卽廢縣地
在海城縣東

漢遼東郡屬置沓氏縣後漢因之晉省在遼陽州界
漢遼東郡屬置險瀆縣後漢屬遼東屬國晉省在今廣
甯縣東南遼史以集州爲漢險瀆縣非是

漢遼東郡屬置房縣後漢屬遼東屬國晉省

漢遼東郡北境遼爲上京道地金屬北京路元屬上都路明爲札魯特所據今札魯特二旗在喜峰口東北一千一百里

漢遼東郡邊境後漢夫餘鮮卑地南北朝隋唐爲契丹靺鞨地遼爲上京東境及東京北境金分屬上京北京及咸平路元爲開元路北境明初置福餘外衛以元後兀良哈酋領爲都指揮掌衛事自立國曰科爾沁今共六旗在喜峰口東北八百七十里

高句驪置丸都城在朝鮮國城東北

高句驪置南蘇城唐顯慶中置南蘇州後廢
高句驪置木底城唐乾封時置木底州後廢
百濟都俱拔城在朝鮮全羅道全州南
百濟置周畱城在朝鮮全羅道全州西
百濟置任存城在朝鮮全羅道全州西
百濟置眞峴城在朝鮮全羅道全州北
百濟置加林城在朝鮮全羅道全州西北
百濟置熊津城在朝鮮全羅道全州西北
百濟置古泗城在朝鮮慶尙道慶州西
百濟置支羅城在朝鮮熊津東

新羅置黨項城在朝鮮全羅道全州西

夫餘國王城渤海號夫餘遼改置龍州又更名通州安
遠軍統安遠通遠歸仁漁谷四縣金州廢以三縣併入
歸仁屬咸平府元初廢吉林烏拉界歸仁站卽故縣
唐安東都護府屬置定遠府府南置慈州府西置秦州
其後廢置不一元皆因之朝鮮平壤北有定遠城

唐宣州屬安東都護府渤海時廢遼開泰三年復置亦
曰定遠軍元亦曰宣州屬東甯路領甯朔羣島二鎮今
朝鮮爲宣州郡

唐拔高麗白崖城置巖州後廢遼復置巖州治白巖縣

屬藩州金省

唐黑水州黑水府於商周秦爲肅慎地漢及隋屬夫餘
界渤海置夫餘府尋爲上京龍泉府黑水靺鞨時號熟
女真遼隸東京爲龍州金初建都於此置會甯州後遷
都於燕改此爲會甯府號上京元初設開元南京二萬
戶府改遼東路總管府後改開元路明洪武間廢路置
兀者野人乞例迷女直軍民府後廢府置三萬衛又遷
遼海衛於此永樂中置安樂自在二州今爲奉天府開
原縣

唐金州本漢元菟郡地晉至隋高句驪所屬地入渤海

屬杉盧郡遼改復州化成縣金改蘇州安復軍後改金州元初屬蓋州路後併入遼陽路明改金州衛領中左千戶所入

國朝初隸海城縣改隸蓋平縣今爲甯海縣

渤海杉盧郡遼置廬州元德軍治熊岳縣屬東京道金州廢以縣屬蓋州元廢今爲熊岳堡在蓋平縣西南六十里

渤海上京龍泉府直忽汗河東本肅慎故地金滅遼於渤海上京地設都通志在烏拉境內據

大清一統志當在甯古塔西南與金上京相近

渤海上海南爲中京曰顯德府唐賜名忽汗州在吉林
烏拉城東南

渤海鐵州在朝鮮平壤西北遼置鐵州建武軍治湯池
縣屬東京道金州廢以湯池縣屬蓋州元亦別置鐵州
領定戎一鎮今朝鮮仍曰鐵州

渤海東京龍原府本周滅貊秦朝鮮漢元菟晉平州隋
高麗慶州唐安東都護所屬地遼改開州鎮國軍治開
遠縣屬東京道金爲石城縣地元屬東甯路明爲鳳凰
城堡奉天府東南四百二十里有鳳凰城

高麗於滅貊地置慶州渤海爲東京龍原府都督慶鹽

穆賀四州事遼號開封府開遠軍節度更名開州鎮國
軍兼領鹽賀穆三州遼末入於高麗或謂之蜀莫郡郡
在開州東開州故城在朝鮮咸興府西北

渤海龍原府統縣六曰龍原永安烏山壁谷熊山白楊
遼初皆廢朝鮮咸鏡道開州西有熊山城卽渤海所置
渤海鹽州亦曰龍河郡統海陽接海格川龍河四縣遼
初縣皆廢鹽州仍隸於開州後沒於高麗朝鮮咸鏡道
開州西北有鹽州城卽渤海所置

渤海穆州亦曰會農郡領會農水岐順化美縣四縣遼
仍曰穆州治會農縣隸於開州後沒於高麗朝鮮咸鏡

道開州西南一百二十里有穆州城卽渤海所置

渤海賀州亦曰吉理郡領洪賀送誠吉理石山四縣遼
縣皆廢仍曰賀州隸於開州後沒於高麗朝鮮咸鏡道
開州境有賀州城卽渤海所置

渤海南海府於漢先屬元菟後屬樂浪東漢置都尉以
封沃沮魏屬平州晉及隋屬高句驪唐屬蓋州及遼置
海州南海軍屬東京道尋置臨溟縣爲州治金改澄州
元省屬遼陽路明置海州衛今爲海城縣

渤海晴州遼置嬪州柔遠軍屬海州金廢在海城縣西

北

渤海椒州故縣五椒山貂嶺澌泉尖山巖淵皆廢遼卽
椒州地置耀州領巖淵縣隸海州金廢今海城縣西南
六十里有耀州故城卽遼所置巖淵縣在遼時東界新
羅故平壤城在縣西南東北至海州一百二十里

渤海西京鴨渌府領神桓豐正四州神鹿神化劍門三
縣遼改置涿州鴨渌軍統宏聞神鄉二縣後廢平壤西
境有涿州城卽遼所置

渤海桓州在涿州西南二百里高麗謂其城曰中都領
桓都神鄉沮水三縣遼廢縣存州仍隸於涿州遼末州
廢平壤有桓州城卽遼所置

渤海豐州亦曰盤安郡領安豐勃恪陞壤硤石四縣遼廢縣存州仍隸於涿州後廢豐州有故城舊志在涿州東北二百一十里

渤海正州本沸流國故地嘗爲公孫康所併亦曰沸流郡遼因之仍隸涿州後廢渤海又於正州西七十里建東那城遼亦因之以屬正州後併廢

渤海夫餘府遼更名黃龍府金改濟州利涉軍元初屬開元路在今開原縣境

渤海本越喜靺鞨故地置懷遠府治懷福縣遼置信州彰聖軍又改置武昌縣爲州治領武昌定武二縣屬東

京道金省定武入武昌以州屬上京道元州縣併廢明入於科爾沁今屬左翼右旗所駐伊克唐噶里克坡在喜峯口東北一千六十五里全遼志自開原東北至信州三百十里

渤海取越喜靺鞨地置富州屬懷遠府遼改銀州富國軍屬東京道治延津縣領新興永平二縣金廢州省延津二縣入新興徙新興治故延津屬咸平府元省縣仍隸咸平明改鐵嶺衛領中左右三千戶所今爲鐵嶺縣渤海鐵利府本漢襄平縣後屬高麗當山縣地遼初遷渤海人居之號鐵利州後以漢戶置廣州治昌義縣金

州廢改縣曰章義屬瀋州元廢明爲章義站在瀋陽衛西南六十里

渤海本高麗銅山縣地置銅山郡遼置咸州安東軍治咸平縣金初爲咸平路後升爲府元仍置咸平府明改屬鐵嶺衛

渤海於挹婁故地置安定軍久廢遼建城置雙州保安軍治雙城縣屬東京道金皇統三年州廢以縣屬瀋州章宗時縣亦廢雙州在鐵嶺城西

渤海義州本因唐地置瀕鴨綠江後入於高麗明朝鮮王李昞走義州請內屬在平壤西北四百二十里

渤海集州遼置奉集縣又置集州懷德軍治焉金廢州以縣屬貴德州元廢縣明爲奉集堡置鐵場百戶所屬鐵嶺衛今承德縣東南有奉集故城

渤海因唐地置郭州後屬於遼元亦置郭州今爲朝鮮郭山府

遼本契丹地置長春州屬上京道金降爲縣隸泰州明入於科爾沁今左翼前旗所駐伊克岳里泊在喜峯口東北八百七十里

遼本契丹地置泰州昌德軍屬上京道金因之大定間廢承安二年移州於長春縣以故地爲金安縣隸之元

爲遼王乃顏分封地明入於科爾沁分與其弟爲郭爾羅斯人

國朝共二旗屬科爾沁左翼在喜峯口東北一千四百八十七里

遼長春州北境金泰州北邊元爲遼王乃顏分封地明入於科爾沁分與其弟爲杜爾伯特爲札賴特人

國朝竝屬科爾沁右翼杜爾伯特駐多克多爾坡在喜峯口東北一千六百四十里札賴特駐土百新插漢坡在喜峯口東北一千六百里

遼平渤海置上京臨潢府金天眷元年改爲北京天德

三年改北京爲臨潢府路貞元元年以大定府爲北京
後但置北京臨潢路提刑司大定後罷路併入大定府
路元嘗遷廣甯路屬臨潢今屬巴林旗東北

遼上京臨潢府地金大定後以併北京路元嘗遷廣甯
路治其地明初爲兀良哈所封北境後爲巴林所據入
國朝爲巴林二旗同界右翼駐托鉢山在古北口東北
七百二十里左翼駐阿又圖拖羅海又東北六十里
遼上京道地金屬北京路元屬上都路及應昌路地明
爲蒙古所據入

國朝爲克西克騰一旗駐吉拉巴斯峯在古北口東北

五百一十里

唐志有北口守捉金史謂古北口曰留幹嶺滿洲語作紐幹哩山樹蒼綠色也

遼於唐饒樂都督府地置饒州匡義軍節度

宋薛映記潢水石橋

旁有饒州唐於契丹嘗置饒樂今渤海人居之遼史天慶五年二月饒州古裕等自稱大王蕭色佛時討之為古裕所敗屬上京道金為北京路地元為上都路地明即其地

初以兀良哈部長置衛入

國朝為翁牛特二旗在古北口東北五百二十里

遼黃龍府北境本靺鞨地金屬上京路元廢明入於科

爾沁即今右翼所駐巴烟和邵地在喜峯口東北一千

二百里

遼上京道西境金為北京路西北境元屬上都路明為

蒙古所據入

國朝爲阿霸哈納爾二旗及阿霸亥二旗蒿齊忒二旗地阿霸哈納爾在張家口東北六百四十里阿霸亥在張家口東北五百九十里蒿齊忒在獨石口東北六百八十五里

遼上京道南境金屬北京路明及

國朝爲喀爾喀所駐插漢河朔墩地在喜峯口東北八百四十里

遼上京道北境金屬北京路元屬上都路明爲蒙古所據入

遼東·布特烏里、合(一)册

國朝為烏珠穆泰二旗地在古北口東北九百二十三
里

遼中京大定府金貞元元年更為北京留守司元初為
北京路總管府至元七年改大甯路二十二年改武平
路後復為大甯路隸遼陽行省明洪武中置大甯都指
揮使司二十一年改北平行都指揮使司永樂中以賜
三衛酋長入

國朝為喀喇沁在喜峯口東北三百五十里其大定府
所領之神水金源二縣在今錦州府境神水縣本漢徒
河縣地金皇統三年廢為鎮大定二十九年復升為縣

遼東錄

卷三

七

元廢

遼葺遼陽故城置渤海漢戶建郡曰東平天統三年遷東丹國民居之升南京城名天福天顯十三年改東京府曰遼陽明改建定遼城遼陽本漢縣屬遼東郡後漢改屬元菟郡晉廢

遼於遼陽府屬置析木縣尋置銅州廣利軍治焉屬東京道金皇統三年廢州以縣屬澄州元省海城縣東南四十里有土堡土人猶稱析木城

遼開州屬東京道置懷遠縣爲州治本柵城地高麗爲龍原縣慶州治焉渤海因之遼初廢後復置

遼開泰三年取高麗保定二州仍置保州治來遠縣亦曰宣義軍金初以保州與高麗卽平安道安州

遼懷化軍亦開泰二年置隸保州金初入於高麗與安州相近

遼取高麗治定東縣之定州仍曰定州亦曰保甯軍金初入於高麗仍爲定州西南與義州接界

遼辰州屬東京道金改名蓋州屬東京路元因之屬遼陽路明置蓋州衛屬遼東都指揮使司

遼因渤海瀋州置瀋州昭德軍屬東京道金仍爲瀋州元爲瀋陽路屬遼陽行省明置瀋陽中衛屬遼東都指

揮使司

遼本熟女真地置來遠城屬東京道金升爲軍後又爲州元廢在鳳凰城界

遼因渤海置鐵州地改置鐵州建武軍治湯池縣金初州廢以縣屬蓋州元省通志蓋城縣東北六十里有湯池堡

遼興州中興軍治常安縣屬東京道金初州廢改縣名曰挹婁屬瀋州明訛爲懿路城置左右二千戶所今爲懿路站

遼慕州在涿州西二百里本渤海安遠府地改置領慕

化崇平二縣屬涿州後廢

遼顯州世宗置屬東京道金升爲廣甯府屬北京路元至元中分爲路明爲廣甯衛屬遼東都指揮使司在廣甯縣城內明又置廣甯中衛在城西門內廣甯左衛在城內東北隅廣甯右衛在城內西北隅俱洪武二十七年置初治大凌河永樂元年徙此今俱廢

遼置歸義縣屬顯州金省在廣甯縣東北

遼置遼西州阜城軍統長慶縣屬顯州金廢爲遼西鎮屬鍾秀縣全遼志遼西鎮在義州城東四十里

遼顯州東北三百里置原州金廢

遼顯州東北二百五十里置渭州高陽軍金廢

遼顯州東北二百二十里置濠州金廢以上三州地皆

今廣甯縣東北境

遼置乾州廣德軍以奉乾陵屬東京道又置奉陵縣爲

州治金州廢改名縣曰閭陽屬廣甯府元初廢縣立千

戶所至元十五年復立行千戶所後復置閭陽縣明初

縣廢置閭陽驛遼東京道又有閭州順州皆廢

遼海北州廣化軍世宗置治開義縣屬乾州金州廢以

縣屬義州元省

遼置永德縣屬乾州後更屬霸州尋置安德州化平軍

金州廢後改縣曰永德屬興中府元廢

遼奉先縣地金天會八年改置鍾秀縣屬廣甯府後廢
尋復置元至元六年省入望平縣廣甯城西南三里有
鍾秀故城

遼置貴德州甯海軍又置貴德縣爲州治金因之元廢
方輿紀要在瀋陽衛東八十里

遼置奉德縣在貴州東屬貴德州金廢

遼初置三河縣後改樂郊縣爲瀋州金因之後廢元初
爲瀋州後屬遼陽路本挹婁國地承德縣治有故城
遼遼州爲始平軍治遼濱縣初置縣又置州金州廢以

縣屬瀋州元竝廢縣通志在承德縣西北一百八十里
遼河西岸今有遼濱塔爲承德廣甯交界地

遼韓州聖宗置屬東京道金因之屬咸平路元廢今

盛京開原邊外科爾沁左翼東南四百七十里阿拉馬
圖城卽韓州城故址

遼於鴨子混同二水間置賓州屬東京道本渤海城地
尋曰懷化軍金省

遼率賓府本渤海率賓府地金海陵置節度使名速頻
金史地理志作恤品路元廢

遼懿州初隸上京曰慶懿軍改爲廣順軍尋爲甯昌軍

兼領順安縣後改屬東京道金初隸咸平府後改屬北京路治順安縣兼領靈山縣元初爲懿州路後降爲東京支郡省縣入州屬遼陽路明初置廣甯後屯爲衛及徙衛治義州廢爲界外地人

國朝置楊柳木牧廠在

盛京錦州府廣甯縣北二百一十里彰武臺邊門外

遼置甯昌縣爲懿州治金徙州治以甯昌併入順安

遼初置白川州後曰川州長甯軍領宏理咸康宜民三縣金初因之大定六年廢川州爲宜民縣屬懿州承安二年復置川州泰和四年仍罷州以宜民縣屬興中府

元復曰川州屬大甯路明初廢

遼成州興府軍初曰長慶軍屬上京道後更名屬中京道治同昌縣金州廢初以縣屬川州大定六年屬懿州泰和四年改屬義州元省

遼置衍州安廣軍又置宜豐縣爲州治屬遼陽府金州廢爲乃顏分封地以縣屬遼陽府元初縣廢明都司城西南一百里有宜豐廢縣今科爾沁右翼後旗駐恩馬圖坡在喜峯口東北一千四百里卽衍州地

遼初置歸州後廢統和十九年復置治歸勝縣金州廢縣降爲歸勝鎮隸復州今蓋平縣西南九十里有土堡

曰歸州城

遼置蘇州安復軍兼置來蘇縣爲州治金州廢改置化成縣隸復州復升爲金州元廢明置金州衛

遼置懷化縣屬蘇州金省漢地理志高句驪縣有南蘇木城遼地理志謂蘇州本高麗南蘇

遼復州懷德軍隸東京道以永甯縣爲州治本漢元菟地金降軍以州爲刺史改永甯爲永康元屬蓋州後入遼陽路明設復州衛屬遼東都指揮使司
國初裁衛改隸蓋平今爲復州

遼肅州信陵軍治清安縣屬東京道金州廢縣屬咸平

府元廢今清安廢縣在開原縣東北

遼海州屬東京道金改名澄州元省明置海州衛屬遼東都指揮使司

遼甯江州亦曰渾同軍領渾同縣屬東京道金廢

遼甯江州境出河店地金置肇州治始興縣又置武興軍金末廢故城尙在白都訥城南其甯江州故址舊布占太貝勒居此

國朝康熙四十二年於舊打牲烏拉城東改新城隸永吉州在吉林烏拉北七十里混同江東

遼祥州在賓州西南置祥州端聖軍統懷德縣屬黃龍

府

遼威州在賓州南亦曰武甯軍屬黃龍府

遼黃龍府太祖置屬市京道金改名隆安府屬上京路
元初置開元路後廢

遼檀州置密雲縣後改州爲祺州佑聖軍縣曰慶雲金
州廢縣屬咸平府元置遼陽路廢縣爲慶雲驛

遼本唐瑞州廢地置來州歸德軍治來賓縣屬中京道
金改宗州又改縣曰宗安後以避諱復改瑞州縣曰瑞
安元省縣入州明改置廣甯前屯衛西至山海關六十
里南至海二十里北至邊二十五里西北至大甯衛三

百七十里屬遼東都指揮使司今併入甯遠州

遼本慕容西樂縣地置永樂縣爲錦州治金因之元省
縣入州今爲錦縣治

遼置安昌縣屬錦州金因之元省在錦縣西

遼本漢徒河縣地置神水縣屬大定府金廢爲鎮大定
二十九年復升爲縣元廢在錦縣西北

遼本慕容集甯縣地置隰州平海軍又置海濱縣爲州
治金初封遼主天祚爲海濱侯後州廢以縣屬瑞州元
省明初置山海關東遞入所在甯遠州西南前屯衛城

西

遼置嚴州保肅軍治興城縣屬錦州金州廢以縣屬興中府元省在甯遠州南

遼置宜州崇義軍又置宏政縣爲州治屬中京道金改名義州屬北京路元省縣入州屬大甯路明置義州衛及廣甯後屯衛屬遼東都指揮使司今爲義州治

金上京卽海古地初置會甯州後以建都升爲會甯府置會甯縣爲府治通志甯古塔西南六十里虎兒哈河南古大城卽遺址

金會甯府屬大定七年置鎮東縣以地在會甯府之東故名尋改曰曲江元初廢在故會甯城東北據

大清一統志甯古塔城正當虎爾河灣曲處疑卽曲江縣地

金會甯府屬宜春縣亦大定七年置元初與府俱廢

金本靺鞨地置肇州隸會甯府海陵時改屬濟州承安三年升爲節鎮名武興領始興一縣元爲乃顏分封地明入於科爾沁今右翼前旗駐席喇布爾哈蘇在喜峯口東北一千三百五十里

金以徽川寨置徽川縣屬川州泰和四年州廢縣亦罷有徽川城在川州西今土默特界

金置石城縣屬遼陽府爲東京路所領元省今遼陽州

東有石城廢縣通志云金初分巖州地爲石城縣

金初分混同江以西爲咸州路後爲咸平路天德二年升爲咸平府領韓州卽今開原縣地

金以烏速集平郭林河間六百里地置玉山縣屬咸平府後升爲州金州廢

金置榮安縣屬咸平府元廢在今開原縣西遼河邊岸金置合懶路亦曰曷懶西北至上京千八百里東南至高麗界五百里元廢

金胡里改路初置萬戶海陵改置節度承安三年置節度副使元置胡里改軍民萬戶府

金婆速路統軍司置總管府元初爲婆娑府路譌速爲娑卽

博索府路又改隸東京總管府後廢爲巡檢司志在都司城東四百七十里

金本唐黑水靺鞨黑水府地置蒲與路元廢

元本唐安東都護府地遼金東京遼陽地初置東京總管府後改遼陽路爲遼陽等處行中書省治明改置定遼左右前後四衛並爲遼東都指揮使司治又有東甯衛自在州皆治焉

元本遼東京道咸州地金咸平府路地仍置咸平府初屬開元路後屬遼東宣慰司

元本遼中京道錦州地金北京路錦州地仍置錦州屬
大甯路

元初置和州屬大甯路後併人利州爲永和鄉利州在
今邊口外和州在甯遠衛北一百二十里

元初以高麗降民散居遼陽瀋州置軍民萬戶僑治遼
陽故城中統二年改安撫高麗軍民總管府四年又置
安撫高麗軍民總管分領二千餘戶治瀋州元貞二年
併爲瀋州等路總管府仍治遼陽故城與遼陽路並隸
遼陽等處行中書省卽瀋陽衛治在

盛京城內東南隅

元本遼廣甯府地置廣甯府路初移治臨潢立總管府
至元八年降爲屬郡十五年復分爲路

明置定遼都衛後改遼東都指揮使司在今遼陽州城
內

明置瀋陽中衛領蒲河中左千戶所及撫順千戶所衛
地在今

盛京城內撫順城在承德縣東八十里蒲河城在縣北
四十里

明置定遼中衛在遼陽州城東南隅俗名高麗營

明初置千戶所後升爲定遼左右前三衛俱在遼陽州

城內前衛卽大氏渤海城

明初置遼東衛治得利羸城尋改定遼後衛徙治今遼陽州城內

明置東甯衛轄六千戶所在遼陽州城內

明置遼海衛初治牛家莊後徙治今開原縣城內故三萬衛治東北

明初改元錦州置衛初治東關驛後移置廣甯中屯衛領五千戶所在錦州府城內

明初置廣甯左屯衛在故中屯衛治西領五千戶所

明初置廣甯後屯衛治舊懿州後徙治今義州城內

明本元閭陽縣臨海鄉地置廣甯右屯衛於十三山堡
尋葺公主寨故址爲衛治

國朝併入錦縣

明宣德三年置前屯衛中後千戶所甯遠州西南八十
里有中後所城

明宣德三年置前屯衛中前千戶所甯遠州西南一百
六十五里有中前所城

明宣德三年置中右所甯遠州西南三十里有中右所
城

明宣德三年置中屯千戶所於松山堡屬廣甯中屯衛

有城在錦縣南十八里

明宣德三年置甯遠中左千戶所於塔山堡今所廢有城在錦縣西南六十里

明於今甯遠州城內曹莊湯池北置甯遠衛統五千戶所兼領中左千戶所中右千戶所

明正統四年調鐵嶺衛中左千戶所於范河所有城在鐵嶺縣西南三十里今廢

明初置義州衛於十三山尋移治義州今爲城守尉治在義州城內

明初置建州衛

國初名赫圖阿拉後建國號滿洲

啓東錄卷四

閩縣林壽圖

考證

夫餘居濊地其舊國爲豆莫婁勿吉常輕豆莫婁諸國
通考豆莫婁國在勿吉北千里舊夫餘也室韋之東至
海方二千餘里其人士著有居室倉庫多山陵廣澤於
東彝之城最爲平敞宜五穀不生五果其人長大性強
勇謹厚不寇鈔其君長皆以六畜名官邑落有豪帥飲
食亦用豆有麻布衣製類高麗而帽大其國大人以金
銀飾之用刑嚴急殺人者死沒其家人爲奴婢性淫尤

惡妬者殺之尸於國南山上至腐或言濊貊之地也
高麗記云分前漢樂浪元菟郡之地自後漢及魏爲公
孫氏所據至淵滅西晉永嘉以後復入高麗其不耐屯
有帶方安市平郭安平居文龍城皆漢二郡之屬縣分
則朝鮮濊貊沃沮之地是也

魏齊王正始六年不耐濊侯等舉邑降四時詣樂浪帶
方二郡朝謁有軍政賦調如中華人焉續通考遼太祖
天顯元年渤海旣平濊貊來貢案魏幽州刺史毋邱儉
擊高句驪刊丸都山銘不耐城而還不耐城今朝鮮咸
興城北陳壽曰漢武置樂浪郡自單大嶺以西爲樂浪

自嶺以東七縣都尉主之皆以濊爲氏卽所謂不耐濊也九都山漢時高句驪伊彛模嘗都此晉爲慕容皝所據

古朝鮮與高句驪爲二朝鮮周箕子所封國漢地理志樂浪郡朝鮮是也高句驪亦曰高麗其祖朱蒙建號年代不可考謂本出夫餘漢地理志元菟郡高句驪是也後漢書高句驪在遼東之東千里南與朝鮮濊貊東與沃沮北與夫餘接地方二千里多大山深谷人隨以爲居相傳以爲夫餘別種後世始并爲一宋樂史太平寰宇記述東夷猶朝鮮高句驪並別

沃沮卽窩集幾暇格物編窩集東至海邊接連烏拉黑龍江一帶西至俄羅斯或寬或窄叢林密樹鱗次櫛比陽景罕曜如松柏及各種大樹皆以類相從不雜他木林中落葉常積數尺許泉水雨水至此皆不能流盡爲泥滓人行甚難有熊及野豕貂鼠黑白灰鼠等物皆資松子橡實以爲食又產人參及各種藥材人多不能辨識者與南方湖廣四川相類案凡山多林木者曰窩集吉林烏拉城東南諸河多於此發源

宋史載定安國本馬韓之種通考紀定安國宋開寶三年遣使入朝太平興國中詔其國張犄角之勢同伐契

丹六年初其王烏元明上表云云

文見前卷二

烏氏爲渤海

著姓詳表中所敘當卽渤海舊臣不肯降遼者高麗舊壤在渤海爲鴨綠府夫餘復歸事遼史未載定安國卽渤海餘裔非別有定安國也

三韓之屬有休忍國通考在新羅東東晉時服屬於燕苻秦滅燕遂屬秦及苻洛以龍城叛徵兵於鮮卑高句驪百濟新羅休忍諸國其後并於百濟

新唐書唐龍朔三年百濟西部人黑齒常之來降常之長七尺餘驍勇有謀畧案舊唐書列傳常之爲百濟達帥蘇定方平百濟時糾合逋亡依任存山自固定方攻

之不克常之遂復二百餘城高宗遣使招諭乃詣劉仁軌降授左領軍將軍後爲燕然大總管任存山有任存城地屬朝鮮或作任孝誤百濟僧道琛舊將福信等立故王子夫餘豐爲王與劉仁軌戰亦退保此山在朝鮮全州西

百濟所治之晉平郡晉平縣通考在唐柳城北平之間漢書地理志遼西郡柳城縣西部都尉治十六國春秋慕容皝以柳城之北龍山之南福德之地也使陽裕築龍城構宮廟改柳城爲龍城縣九年遷都龍城十二年號新宮曰和龍宮魏書地形志營州治和龍城大延二

年爲鎮道君五年改置領昌黎郡治龍城縣八年併柳城屬焉隋書地理志遼西郡舊置營州開皇初置總管府改龍城縣爲龍山十八年改爲柳城大業初廢置郡舊唐書地理志武德元年改爲營州總管府七年改爲都督萬歲通天二年爲契丹李萬榮所陷神龍元年移府於幽州界開元四年復移還柳城八年又往就漁陽十一年又還柳城舊治天寶元年改爲柳城郡乾元元年復爲營州領柳城一縣室韋靺鞨並在東北遠者六千里近者二千里西北與奚接界北與契丹接界太平寰宇記營州南至大海三百四十里北至秦長城二百

七十里至契丹界湟水四百里西南至平州七百里遼
史地里志中京道興中府本漢柳城縣地唐營州都督
府後爲奚所據太祖平奚乃完葺柳城號霸州彰武軍
重熙十年升興中府治興中縣金因之元至元七年降
爲興中州屬大甯路全遼志興中城在錦州境外一百
六十里今土默特右翼西一百里錦州西北邊外大凌
河之北有故城金時所建三塔猶存蒙古稱三爲古爾
板塔爲蘇巴爾漢因名爲古爾板巴爾漢城卽故柳城
也知柳城所在卽知晉平縣之在錦州境矣
北史百濟都俱拔城亦曰固麻城其外更有五方中方

曰古沙城東方曰得安城南方曰久知下城西方曰刀
光城北方曰熊津城唐顯慶五年蘇定方下百濟留劉
仁願守百濟府城卽俱拔城

熊津江源出金剛五台二山合流入海江之南卽百濟
國地唐顯慶五年蘇定方討百濟自成山濟海百濟據
守熊津江口定方擊破之直趨其都城遂克之置熊津
都督府以守其地龍朔初年百濟復叛圍百濟府城詔
劉仁軌赴援轉鬪而前所向皆下百濟立兩柵於熊津
江口仁軌擊破之府城之圍遂解仁軌因駐守於此旣
而再破百濟餘衆於熊津之東復平百濟熊津江一名

漢江明萬歷中李如松拔朝鮮倭棄王城遁如松入城以兵臨漢江尾倭後欲乘其惰歸擊之不果亦卽此城唐龍朔二年劉仁軌旣解百濟府城之圍還軍熊津城有詔班師仁軌曰今以一城之地居敵中央動足輒爲禽虜正宜堅守觀變乘便取之不可動也於是出兵掩其支羅城拔之并拔其尹城大山沙井等柵時敵以真峴險要加兵守之仁軌復伺其懈引兵襲拔之遂通新羅運糧之道唐書支羅真峴諸城俱在熊津之東今朝鮮全州北

唐龍朔三年百濟故將福信等據周留城劉仁軌旣拔

真峴諸將以加林水陸之衝欲先攻之仁軌曰加林險固攻之不易周留虜之巢穴宜先取之遂定計自熊津進破百濟之衆於白江口趨周留城拔之今周留城在朝鮮全州西加林城在全州西北白江在熊津東南接大海達全州西界當仁軌趨周留城時百濟請援於倭至白江口遇倭兵四戰皆捷焚其舟四百餘進拔周留遂平百濟

唐析百濟地置金蓮都督府今獨石口北故桓州地有金蓮川金史世宗紀大定八年如涼陁改曷里泚東川曰金蓮川世宗曰蓮者連也取其金枝玉葉相連之義

明一統志金蓮川在雲州堡北以產此花得名然唐都督府名已取諸此元史灤河源出金蓮川中其上都河之上流亦卽此水矣今灤河卽古濡水漢書水經注皆作濡音乃官反唐以來變文爲灤音同或謂卽古灑水誤也土人呼灤河爲上都河以元上都在水北岸故名後以音同又訛爲商都

諸蕃志新羅國與泉之海門對峙俗忌陰陽家子午之說故興販必至四明而後發案宋時新羅爲契丹所隔故由海道以至四明與陰陽家之說無涉

高麗圖經高麗旣併新羅東北稍廣其西北與契丹接

昔與大遼爲界後爲所侵逼退保鴨淥以爲險通考高麗以新羅爲東州樂浪府號東京二書所載皆宋末高麗地是時新羅北境屬金其南境屬高麗故高麗之東北稍廣而退保鴨淥亦始於此時

奉使行程錄自咸州九十里至同州皆北行東望大山金人云此新羅山深遠無路可行深處與高麗接界山下至所行路可三十里自同州府北七十里至黃龍府東行案遼之咸州金爲咸平府同州金爲銅山縣皆在鐵嶺開原之間東至威遠堡卽吉林界南至奉天卽唐時高麗界開原卽漢時夫餘國界百濟之舊國也通考

謂新羅西北界出高麗百濟之間者卽指此後皆併於渤海是時猶屬女真

元史高麗傳東至新羅南至百濟皆跨大海後闢地漸廣併古新羅百濟高句麗三國爲一案高麗所併實止二國東南之地其西北諸境未屬高麗

新羅國連山數十里有峽固以鐵闔號關門常屯弩士數千守之其國東距長人長人者人類長三丈或搏人以食見新唐書

古耽羅國亦曰儋羅國通考居新羅武州南島上初附百濟後附新羅唐麟德二年遣使入貢後爲新羅所并

今朝鮮於南原府南海中置州亦曰濟州島圖經濟濟州
卽古耽羅國也元大德五年置耽羅軍總管府又沿海
立水驛自耽羅至鴨淥江并楊村梅口凡三千所續文
獻通考耽羅高麗與國也元世祖旣臣高麗以耽羅爲
南宋日本衝要乃於至元十年命將平之卽其地立耽
羅國招討司屯鎮邊軍千七百人後改爲軍民府達魯
花赤總管府又改爲軍民安撫司其貢賦進毛施布百
匹至元三十一年高麗王以爲言遂復隸高麗
唐龍朔初百濟復叛與劉仁願等相持詔新羅應援新
羅將金欽將兵至古泗爲百濟所邀敗自葛嶺遁還今

朝鮮慶州西有泗州城或曰卽古泗城泗州相近有葛嶺道

唐上元二年新羅拒命遣劉仁軌討之大破之於七重城詔以李謹行爲安東鎮撫大使屯新羅之買肖城以經畧之新羅屢敗乃遣使入貢且謝得罪二城竝在朝鮮慶州北境

史記秦修遼東故塞至沮水爲界沮水亦曰大同江漢初燕人衛滿亡命東走出塞渡沮水居秦故地上下障稍役屬眞番朝鮮蠻貊及燕亡命者王之元封二年荀彘自遼東擊朝鮮破其沮水軍乃至王險城下地理志

樂浪郡有沮水縣沮水西至增城縣入海王險城在沮水之南也隋大業八年伐高麗來護兒率江淮水軍自東萊浮海先進入自沮水去平壤地六千里尋爲高麗所敗還屯海浦唐龍朔元年蘇定方伐高麗敗其兵於沮水遂趨平壤明萬歷二十一年李如松援朝鮮至平壤倭悉力拒守如松度地形東南於臨江西枕山陡立惟迤北牡丹峯高聳最要害如松乃遣將攻牡丹峯督兵四面登城遂克之旣而如松駐開城別將楊元軍平壤扼大同江以通餉饋卽沮水也

漢樂浪郡屬遂成縣後漢魏晉皆因之隋大業八年伐

高麗分軍出遂成道卽此杜佑本太康地志說曰碣石山在漢遂成縣秦築長城起於碣石其遺址東截遼水而人高麗今考遂成廢縣在平壤南境杜說誤

漢帶方縣亦屬樂浪郡公孫康置帶方郡晉因之後沒於高麗杜佑曰後漢建安中公孫康分臨屯昭明二縣以南荒地置帶方郡漢地理志注樂浪郡南部都尉治昭明是也隋大業中伐高麗分兵出帶方郡卽此

唐乾封三年李勣等伐高麗別將薛仁貴克夫餘城高麗趨救與李勣遇於薛賀水合戰勣大破之追拔大行城舊志薛賀水出北山中東南流入鴨綠江今作薩賀

水大行城在咸興府西南

唐黑水靺鞨傳開元十三年其酋來朝拜勃利州刺史於是置黑水府以部長爲都督領黑水經畧使其地南距渤海北東際於海西抵室韋南北袤二千里東西千里地理志黑水州都督府開元十四年置明一統志黑龍江在開原城北二千五百里源出北山黑水靺鞨舊居此

唐黑水靺鞨傳粟末水注他漏河又流鬼傳那河或曰他漏河東北流入黑水以那河他漏河爲一水案北史勿吉傳自洛環水北行十五日至太岳魯水又東北行

十八日到其國又云太和初乙力支貢馬稱初發其國

溯難河西上至太灞河南出陸行度洛環水據

大清一統志云那河卽難水今之諾尼江也太岳魯太
灞卽他漏河今之拖羅河也古今名雖變易音轉自通
舊唐書室韋最西有烏素固部與回紇接當俱倫泊之
西南又云北大山外曰大室韋瀕於室建河河出俱倫
迤而東合那河忽汗河又東貫黑水靺鞨故靺鞨跨水
有南北部而東注於海地理志回紇有延特勒泊泊東
北千餘里有俱倫泊泊之四面皆室韋今作枯倫河亦
曰枯淪湖在齊齊哈爾城西北一千二百七十里自西

北境外肯特山南發源東流爲臚胸河今日克魯倫河
流經千餘里至此及城西布伊爾湖流出之五順河二
水交會滙爲大湖周五六百里又自湖東北流出名額
爾古納河與黑龍江合唐謂之俱倫泊明謂之濶灤海
子金幼孜北征錄濶灤海子有山如長隄以限水遙望
水如高山但見白浪隱隱此水周圍千餘里幹難臚胸
凡七河注其中是也

魏書勿吉國有大水濶三里餘名速末水舊唐書粟末
靺鞨依粟末水以居水源於太白山卽今吉林烏拉城
東南松花江也志曰混同江遼聖宗太平四年詔改鴨

子曰混同江混同之名始此地理志上京路有混同江
宋瓦江鴨子河通志混同江卽松阿里江也一名鴨子
河一名粟末江一名宋瓦江一名松花江松阿里宋瓦
皆俗名宋瓦則松阿里音之譌也松花卽宋瓦字之變
也歷代記載多舛遼史旣載改鴨子河曰混同江金史
世紀云混同江一名黑龍江誤合鴨子混同黑龍爲一
地理志肇州始興縣有鴨子河黑龍江上京路有混同
江鴨子河宋瓦江誤分混同鴨子黑龍爲三竝析宋瓦
爲四松漢紀聞契丹國志大金國志則云黑水其水掬
之微黑契丹目爲混同江又云長白山黑水發源於此

舊名粟末河契丹改爲混同江誤以混同黑龍爲一明
一統志旣載松花江復云混同江在開原城北一千五
百里經金故會甯府下達五國頭城又誤以船廠城東
之虎爾哈河爲混同江也一代之史亦鴨子混同錯見
如遼天祚帝天慶二年正月書如鴨子河二月書幸混
同江地理志亦云賓州在鴨子混同二水之間又金史
上京路總記有混同江鴨子河分紀會甯縣有混同江
宜春縣有鴨子河官書失考自昔而然
大清一統志謂其先大小皆名鴨子河及改爲混同江
之後小水仍舊名滙流處稱混同耳

新唐志渤海王城臨忽汗海卽甯古塔城東南所瀕之

河名虎爾哈者

虎一作呼

大清一統志謂唐時渤海上京在忽汗河東以道里計之亦在今甯古塔金謂金爲按出虎金史上京在按出虎水之旁此河近繞古會甯城亭榭遺跡猶存水側明時謂之忽兒海河明一統志忽兒海河在開原城東北一千里源出潭州城東諸山北流入松花江通志誤以爲胡里改江金志胡里改路西至上京六百三十里其地與烏蘇哩江近則烏蘇哩江卽胡里改江非虎爾哈河也虎爾哈爲忽汗之轉音金置呼爾哈路明有虎爾

哈部者居虎爾哈河我

太宗於萬歷三十九年命額亦都攻其札庫塔人克其城俘斬三千招降五百戶天命三年其路長率百戶來朝遣二百人迓之

御殿賜宴命願留者左願歸者右賜願留頭目八十男婦各二十錦裘蟒服四時之衣田廬器賄咸具於是爭乞留且轉招其族屬曰上之征伐非欲俘獲充賞也乃欲收我爲羽翼也天命四年遣卒千收其丁壯二千其路長來降者

駕出城親款之列筵二百男婦牲畜田廬器賄如前賜

崇德八年遣阿爾津等征之於黑龍江克三屯招降四屯獲男婦大小二千八百餘牲畜貂皮虎豹皮稱是虎爾哈與渥集鄰其路人有雜其部中者皆以次招還滿洲氏族源流考曰自甯古塔東行四百餘里居虎爾哈河松花江兩岸者曰諾雷部卽虎爾哈部

渤海傳上京南爲中京曰顯德府領盧顯鐵湯榮興六州地理志自鴨淶江口舟行百餘里乃小舫泝流東北三十里至泊汊口得渤海之境又泝流五百里至丸都縣城故高麗王都又東北泝流二百里至神州又陸行四百里至顯州天寶中王所都案顯州卽顯德府唐先

天中賜名忽汗州是也遼志謂卽平壤城考平壤城卽
王險城應劭曰箕子故都也薛瓚曰王險在樂浪郡泚
水之東漢初燕人衛滿渡泚水居上下障都王險武帝
元封二年其孫右渠拒命遣樓船將軍楊僕自齊浮渤
海左將軍荀彘出遼東誅之取其地改置朝鮮縣樂浪
郡治焉晉永嘉以後沒於高麗義熙末其主王璉居平
壤城亦曰長安城隋大業八年伐高麗分軍出朝鮮道
卽此隋書平壤城東西六里隨山屈曲南臨泚水開皇
十八年伐高麗命周羅睺將水軍自東萊泛海趣平壤
不能達而還大業八年詔左右各十二軍分道伐高麗

總集平壤明年復遣宇文述等趨平壤述不克至唐書
貞觀十八年伐高麗命張亮以舟師自海道趨平壤明
年拔遼東諸城攻安市未下江夏王道宗請以精卒乘
虛取平壤旣而降將高延壽亦請自烏骨城直取平壤
不果龍朔初命蘇定方等討高麗進圍平壤不能拔總
章三年李勣征高麗攻其平壤而高麗亡杜佑曰平壤
卽王險城也五代時王建居高麗始謂之西京云與顯
州無涉遼史又以遼所置東京之顯州爲本顯德府地
金史廣甯府本遼顯州不言遷置金志謂所治之廣甯
縣本遼山東縣案廣甯縣治有無慮故城漢置縣屬遼

東郡爲西部都尉治後漢屬遼東屬國元初二年遼東鮮卑圍無慮又陽嘉初鮮卑寇遼東屬國耿聘屯無慮城以拒之晉省唐置巫閭守捉城遼置顯州奉先軍以奉顯陵治奉先縣兼領山東縣今改山東縣曰廣甯縣爲廣甯府治而御寨行程錄言自廣甯府東行三十里至顯州蓋今廣甯縣城卽遼山東縣金爲廣甯府及廣甯縣其顯州奉先縣當在今縣西南若渤海顯德府在渤海上京之南今吉林烏拉南境也遼志誤又案漢地理志樂浪郡有沮水縣沮水西至增地縣入海水經謂沮水出樂浪鏤芳縣東南過臨沮縣東入海亦誤

渤海以濊貊故地爲東京曰龍原府亦曰柵城府領慶
鹽穆賀四州遼置開州鎮國軍故縣六曰龍原永安烏
山壁谷熊山白楊疊石爲城周二十里唐薛仁貴征高
麗與其將溫沙門戰熊山禽善射者於石城卽此蓋在
高麗爲慶州也遼太祖平渤海徙其民於大部落開州
城遂廢聖宗伐高麗還周覽城基復加完葺開泰三年
遷雙韓二州千餘戶實之號開封府開遠軍節度更名
鎮國軍治開遠縣兼領鹽賀穆三州新唐書云龍原東
南瀕海日本道也其地在今朝鮮東界明成化中朝鮮
使還遇掠鳳凰山下奏乞更開貢道於舊路南是在遼

爲開州在渤海爲龍原

渤海以挹婁故地爲定理府遼史瀋州本挹婁國地渤海建瀋州屬於定理府今爲承德縣蓋秦以前屬肅慎漢晉迄唐屬挹婁睿宗時屬渤海大氏通志載承德縣有奧婁河注云奧婁卽挹婁今之承德實遼瀋州爲古挹婁無疑通志又云承德鐵嶺漢晉間同爲挹婁國地是也樂郊故城在焉

承德鐵嶺晉以前同屬挹婁及隋唐初今鐵嶺地又屬越喜明志徙鐵嶺衛置故罽州地卽遼改渤海之富州爲銀州銀譌爲罽

今開原縣南至鐵嶺縣界五十里又東南至鐵嶺縣六十五里唐虞息慎氏地商周及秦肅慎氏地漢屬夫餘界隋因之唐置黑水州都督府於此後渤海取夫餘地爲夫餘府尋爲龍泉府遼屬龍州金置會甯州升會甯府元設開元萬戶府改開元路明改元爲原復廢開原路置三萬衛三萬衛在今開原城內據後漢書挹婁在夫餘東今鐵嶺西北正屈開原開原古夫餘鐵嶺古挹婁也

渤海以沃沮故地爲南京南海府遼置海州南海軍遼志海州本沃沮國地後漢書云東沃沮在高句驪蓋馬

大山之東通志蓋平縣古蓋平城漢書高句驪有蓋馬
大山地理志西蓋馬屬元菟唐之蓋牟城卽漢之西蓋
馬據

大清一統志海城西南隅至蓋平六十里以蓋平爲古
蓋馬海城爲古沃沮通志亦云海城縣有沙卑城高麗
置故沃沮地也又云渤海南京疊石爲城幘員九里渤
海大氏所建在今海城縣界沙卑城亦曰卑沙城或譌
爲卑奢城

唐太宗征高麗取蓋牟城置蓋州見舊唐書後入渤海
改唐之蓋州爲辰州遼升渤海之辰州爲奉國軍其地

周屬朝鮮秦爲燕人衛滿所據漢屬元菟魏屬平州晉及隋屬高句驪爲蓋牟城地新唐書引賈耽言蓋牟城在安東都護府東北則屬今遼陽縣據通志於漢屬元菟古蹟門載王莽元菟亭在蓋平境內是蓋牟城卽今蓋平縣

遼辰州奉國軍治建安縣金初嘗置曷蘇館於此本高麗蓋牟城唐太宗會李勣攻破蓋牟城卽此通志所云遼以通辰韓設辰州及蓋平城高麗城也朝鮮古志謂辰韓反在朝鮮之東以爲甚遠通志海城東南至蓋平縣六十里則蓋平自在朝鮮之東也

渤海夫餘府遼太祖平渤海還有黃龍見城上長亘一里光耀奪目更名黃龍府晉出帝降遼嘗置於此金收國二年太祖親攻黃龍府次混同江無舟乘馬徑涉遂克黃龍天眷三年改爲濟州利涉軍以太祖涉濟故也大定九年更爲隆州貞祐初升爲隆安府通志載夫餘府黃龍府黃龍塞竝在開原縣境郭爾羅斯前旗東南二百里
有城曰龍安明一統志龍安一禿河在三萬衛西北金山外元將納哈出分兵爲三營一曰榆井深處一曰養鷺莊一曰龍安一禿河及大將軍馮勝征納哈出兵駐金山遣副將於此受其降全遼志龍安城在一

禿河西金山東冊說城周七里門四址尙存旁有龍安塔亦名農安天命九年科爾沁爲察哈爾所侵我貝勒阿巴泰率師救之兵至農安塔察哈爾倉皇夜遁以地考之龍安城卽隆安之譌爲遼黃龍府故址永吉州西北皆古黃龍府之地特其城隔在邊外耳

渤海夫餘府遼黃龍府金會甯府元開元路明三萬衛一也通志云古開元路在三萬衛西門外元史地理志金末其將蒲鮮萬奴據遼東元出師伐之禽萬奴至開元東土悉平開元之名始此通志云於其地置三萬衛則明三萬衛卽元萬戶府金初建都置會甯州太宗時

升會甯府號上京元初設開元南京二萬戶府則元萬戶府卽金會甯府遼龍州隸東京金太祖建都置會甯州遼史云太祖置黃龍府保甯中廢開泰九年復置龍州則金會甯府卽遼黃龍府又黃龍府本渤海夫餘府遼太祖見黃龍名黃龍府則遼黃龍府卽渤海夫餘府通志古蹟載夫餘府本夫餘王城在今開原縣境可爲明證或援全遼志咸平在開元東北隅謂明三衛戶乃金咸平府者誤咸平爲古銅山地自在開原縣南渤海銅山郡遼以地多山險寇盜據爲淵藪招常平等州客戶數百建城居之初號郝里太保城開泰八年置

咸州治咸平縣遼史云咸州在渤海龍泉府南明一統志云開原路渤海爲上京龍泉府據金許元宗行程錄云自銀州四十里至咸州則咸平在今開原南鐵嶺東北咸州非卽開原也遼志又云咸平縣在開原縣城東北隅考開原自是古夫餘地故通志謂渤海大氏取夫餘地改夫餘府爲龍泉府若高麗銅山地不得廁入夫餘又云龍泉府南則竝不得云在開原城北故大清一統志據松漠紀聞及御寨行程錄稽其道里謂渤海龍泉府南較接今鐵嶺地爲似

開原縣東北吉林烏拉界有歸仁廢縣遼史地理志通

州安遼軍本夫餘國王城渤海號夫餘城太祖改龍州
聖宗更今名統通遼安遼歸仁漁谷四縣金州廢以三
縣併入歸仁屬咸平府全遼志開原北陸路第三站曰
歸仁站卽故縣

挹婁故地渤海置安定軍遼爲雙州保安軍漚里僧王
從遼太祖南征以俘鎮定二州之民建城置州治雙城
縣全遼志雙城在鐵嶺城西六十里通志鐵嶺實爲挹
婁國地今挹婁城在其南境雙州在鐵嶺城西知亦挹
婁故地

遼時瀋州銀州秦漢時同爲挹婁國地瀋州今承德銀

州今鐵嶺六朝及隋時銀州屬越喜唐渤海大氏以越喜故地爲懷遠府通志云改富州屬懷遠府遼置銀州富國軍領延津新興永平三縣實因渤海富州改名銀州今鐵嶺縣治尙有銀州故城

遼時遼州在承德縣西北遼史地理志州本拂涅國地渤海爲東平府唐太宗征高麗拔遼城高宗詔程名振蘇定方至新城皆卽此地太祖伐渤海先破東平府遷民實之改爲州軍曰東平太宗更爲始平軍案唐書粟末靺鞨居最南稍東北曰汨咄部益東曰拂涅部其地距今承德廣甯遠甚以遼州名東平軍謂卽渤海東平

府又以州名遼謂卽唐遼城新城杜誤

漢遼陽縣屬遼東郡後漢安帝初改屬元菟郡晉廢據漢書地理志及水經注其地當在今遼陽州西北承德遼陽之間今州乃遼金之遼陽與古遼陽無涉遼史地理云本漢沮水縣高麗改爲句麗縣渤海爲常樂縣沮水在漢樂浪郡今朝鮮界內金德常樂乃渤海中京顯德府縣名皆不在此新唐書渤海所建府州竝無遼陽遼地理志云神冊四年葺遼陽故城以渤海漢戶建東平郡金地理志直云渤海遼陽故城此係金志誤遼史本紀太祖三年幸遼東神冊三年幸遼陽故城四年建

東平郡天顯元年始攻拔渤海夫餘城進圍忽汗城降
大諲譔是渤海未平之先遼陽之地早入契丹初名遼
東復名遼陽命名自遼非由渤海

水經注大遼水東徑遼隊縣故城西遼史地理志仙鄉
縣本漢遼隊縣渤海爲永豐縣遼改名屬遼陽府金廢
明一統志遼隊廢縣在海州衛西六十里案漢書遼隊
縣本漢置顏師古曰隊音遂後漢省公孫度復置魏景
初元年刺史母邱儉擊公孫淵屯遼東南淵逆儉於遼
隊會天雨十餘日儉戰不利引軍還明年司馬懿征淵
淵遣將軍卑衍楊祚等屯遼隊圍塹二十餘里懿佯出

其南而潛軍濟水徑指襄平卽其地

吉林烏拉城西南五百餘里有山名長嶺子滿洲語謂之果勒敏珠敦南接納嚕窩集北接庫呼納窩集自長白山南一嶺環繞至此綿亘不絕爲衆水分流之地渤海長嶺府名取此

長甯縣南舊有渤海城遼統和十七年置賓州於鴨子混同二水之側尋曰懷化軍金初敗遼軍於斡鄰濼東取賓祥威三州進薄益州是也

遼泰州昌德軍屬上京金因之大定間廢承安二年移州於長春縣以故地爲金安縣隸之今郭爾濟斯前旗

有秦州故城遼長春州與秦州相近地理志云長春州
韶陽軍本鴨子河春獵之地興宗重熙八年置統長春
一縣蓋長春州近混同江秦州在長春之西金置秦州
於長春廢舊秦州爲金安縣卽今嫩江南境且金時秦
州隸北京不隸上京必與北京較近舊志誤載長春州
入吉林烏拉今土爾伯特札賴特旗皆遼長春州北境
金秦州北邊鴨子河蒙古名冲古爾在科爾沁左翼前
旗南四十里土爾伯特札賴特科爾沁屬也
遼史上京有他魯河金史長春縣有撻魯古河聖宗四
年改撻魯河爲長春河一也卽滿洲源流考所載之滔

爾河亦作桃爾又作拖羅皆洮兒音之譌洮兒河源出西北興安山東南流合貴勒爾河又東北折經科爾沁右翼後旗南界又東經札賴特南界滙爲納藍撒藍池入嫩江全遼志洮兒河在開原城西九百里肇州西源出北山東流入松花江

遼史地理志正州本沸流王國故地爲公孫康所併渤海置沸流郡有沸流水戶五百隸棗州在西北三百八十里統東那縣地在州西七十里案漢獻帝建安中高句驪王伯固死子伊彝模立長子拔奇怨不得立與消奴部各將下戶三萬餘口詣公孫康降還住沸流水魏

齊王正始三年其王位宮寇西安平五年幽州刺史母邱儉將萬人出元菟討之戰於沸流位宮敗走卽此朝鮮有正州城

遼史地理志集州古卑離郡地漢屬險瀆縣高麗爲霜巖縣渤海置州考險瀆縣前漢屬遼東郡後漢設遼東屬國都尉遼東之西境也據通志承德東南四十五里奉集堡城卽其故址

遼金二史載金太祖起兵先攻甯江州遼守將耶律納戰敗棄城渡混同江而西是州在混同江之東高士奇扈從錄云大烏拉去船廠八十餘里卽遼之甯江州地

當在今吉林烏拉城北

伯都訥城東南阿爾楚河西岸有古城南距吉林烏拉城三百四十里東去故會甯城六百里據

大清一統志卽金肇州遺址宋政和四年女真取甯江州遼人使其將葉嗣先等發兵屯出河店金太祖禦之至混同江遼兵方壞凌河太祖擊走之遂率衆進登岸大破遼兵於此天會八年以太祖肇基王迹於此置肇州治始興縣承安八年又置武興軍元志於廣甯府路下亦有肇州注云案哈喇八都魯傳至元三十年世祖謂哈喇八都魯曰乃顏故地曰阿八剌忽者產魚吾今

直城而以兀速憇哈納思乞里吉思三部人居之名其
城曰肇州汝往爲宣慰使旣至安市里安民居得魚九
尾皆千斤來獻又成宗紀元貞元年立肇州屯田萬戶
以遼陽行省左丞阿散領其事而大一統志與經世大
典皆不載此州何屬元之肇州明初已不知所在博都
歡傳云太祖分封東諸侯以二十爲率乃顏得其九五
則其地不止廣甯玉昔帖木兒傳云乃顏之遺孽哈丹
兀魯干復叛玉昔帖木兒過黑龍江搗其巢穴知黑龍
江右亦乃顏地近混同黑龍江故產大魚
金天會二年以耶懶路都孛堇所居地瘠遷於恤品路

海陵置節度使因名速頻大定十一年以耶懶恤頻相
去千里既居速頻然不可忘本遂命親管猛安名曰押
懶猛安西北至上京一千五百七十里東北至胡里改
一千一百里西南至合懶一千二百里北至邊界可阿
憐千戶二千里此在遼時爲率賓府恤品恤頻皆率賓
之轉音甯古塔城東南相近有合懶路亦金置一名曷
懶而耶懶押懶亦合懶之轉音

唐時高麗泊灼城在鴨綠江北卽滿洲源流考金元疆
域載博索府地亦作婆速府泊灼音相近當係沿唐舊
名稍異其字

扈從錄沙林東南十五里曰火茸城金之上京會甯府也廣四十里白沙林而東八十里爲甯古塔通志甯古塔西南六十里虎兒哈河之南有古大城周三十里卽會甯府遺址金史地理志上京路卽海古之地天眷元年號上京海陵貞元二年遷都燕止稱會甯府大定十三年復爲上京會甯府初爲會甯州太宗因建都升爲府治會甯縣

金史地理志蒲與路初置萬戶海陵改置節度使承安三年設節度副使南至上京六百里東南至胡里改一千四百里北至邊界火魯火曠謀克三千里元廢在今

齊齊哈爾城東南

高宗閱金史世紀

諭云金始祖居完顏部其地有白山黑水白山卽長白山黑水卽黑龍江本朝肇興東土山水鍾毓與大金正同謹案白山黑水始見於北史顯著於金源山在今吉林烏拉城東南橫亘千餘里東自甯古塔西至奉天府諸山皆發派於此古名不咸山亦名太白山山海經太荒之中有山名曰不咸有肅慎氏之國晉書肅慎氏國在不咸山北魏書勿吉國北有徒太山明一統志在三萬衛東北千餘里故會甯府南六十里橫亘千里高二

百里其巔有潭周八十里淵深莫測南流爲鴨淥江北流爲混同江東流爲阿也苦河

高宗御製詩山頂有潭闔門名揚是也通志長白山卽歌爾民商堅阿鄰在船廠東南一千三百餘里今西南流入海者爲鴨淥江東南流入海者爲土門江北流入海者爲混同江無阿也苦河之名或古今名異也

盛京一帶山嶺不一因地立名皆此山之支裔黑龍江古名黑水亦曰完水又名室建河亦名斡難河源出喀爾喀北界肯特山土人謂之敖嫩河北史烏洛侯傳其國西北有完水東北流合於難水舊唐書室韋傳大山

之北有大室韋部落其部落傍室建河居其河源出突厥東北界俱倫泊屈曲東流經西室韋界又東經大室韋界又東經蒙兀室韋之北落俎室韋之南又東流與那河忽汗河合又東經南黑水靺鞨之北北黑水靺鞨之南東流注於海金史地理志肇州始興縣有黑龍江元史太祖紀帝卽皇帝位於斡難河之源明一統志黑龍江在開原城北二千五百里敖嫩卽斡難之轉音也肯特山爲黑龍江發源地山南喀爾喀山北卽俄羅斯渤海率賓故地今吉林烏拉境遼史地理志康州世宗遷率賓人戶置所屬有率賓縣志云本渤海率賓府地

考遼康州及率賓縣俱屬顯州爲渤海顯德府地在今
廣甯境當亦遷率賓人戶所置非故府地率賓府所領
有華州益州建州通志以鴨綠江一名益州江或呼靉
江通典源出靉鞞白山在吉林烏拉南九百七十七里
亦去長白山不遠渤海建州固與

國初所統之地相近

元一統志碓觜河在大甯路金源縣西東南入建州境
合於靈河凌河在大甯路興中州源出龍山縣經本州
下流達建州境大凌河自建州界流經興中州東南下
流入義州境凌水在大甯府建州南五里自富庶縣流

至本境四十里入興中界一云發源龍山縣南八十里
東北流百里入利州界又北經富庶縣東南三十里入
建州境案大甯本遼大定府號中京金史地理志遼中
京海陵貞元元年更爲北京元史地理志大甯路元初
爲北京路總管府至元七年改大甯二十二年改武平
路後復爲大甯故城在喀喇沁右翼南百里利州遼統
和二十六年置領阜俗縣屬中京金因之兼領龍山縣
元廢縣存州屬大甯路故城在喀喇沁左翼東北二十
五里近甯遠州邊外亦名古爾板蘇巴爾漢城利州西
南爲龍山遼史地理志潭州廣順軍本中京之龍山縣

開泰中置州金史地理志利州龍山縣遼潭州廣潤軍
縣故名熙宗皇統三年廢州來屬元史地理志大甯路
龍山縣初屬大定府至元四年屬利州後復來屬故城
在喀喇沁左翼西南八里大凌河之旁俗呼喀喇城右
冀之界有故金源縣遼開泰二年置屬大定府以地有
金甸名金因之元屬大甯路九邊圖在大青山西故大
甯城之東有故富庶縣遼開泰二年置屬大定府金因
之元至元三年省入興中州後復置屬大甯路九邊圖
在白狼山東此所云建州蓋元時大甯所領卽遼時以
渤海建州人戶所移置在凌河南者故城在錦縣西北

在凌河北者故城在土默特右翼西南皆非渤海之舊與

國初所統之建州無涉

魏書烏洛侯國從難水北行二十餘日有于已尼大水卽北海鄭樵通志引之

皇清通考據此疑烏洛侯卽俄羅斯又改侯爲侯以叶斯音魏史列高麗國百濟勿吉契丹諸東彝間又稱爲拓拔先世舊墟而難水卽黑龍江所稱于已尼大水塞外得水謂海之例非俄羅斯北大海也據

盛京通志今黑龍江東北有大泊卽于已尼大水舊唐

書曰烏羅渾國卽後魏之烏洛侯也亦謂之烏羅護在
長安東北六千三百里東與靺鞨南與契丹北與烏桓
相接海國圖志以烏洛侯在今索倫錫伯之地訂四裔
考之誤烏洛侯自是一國西北域記鄂羅斯一名羅刹
曾侵擾索倫打虎爾部者羅刹卽羅斯之轉音或又轉
爲羅車又轉爲羅沙古丁零國也其藩屬在阿細亞洲
內地與蒙古滿洲毘連有山曰阿爾臺山北爲悉畢厘
阿山南卽蒙古伊犁韃韃里黑龍江等處我
太宗文皇帝崇德四年其國有端戈薩司之彌特厘者
直至東洋荷葛斯海岸偵探道路復增兵前往菴雅臈

河以至麥加湖遠近之地無征不服由彼徑抵黑龍江
適遇滿洲兵至與之交鋒俄羅斯敗歸山後故瀕江荒
地仍屬滿洲後卽以此爲界海國圖志謂其國阿模爾
河卽黑龍江麥加湖卽呼倫貝爾泊也山卽外興安大
嶺職方外紀圖謂之東金山

啓東錄卷五

閩縣林壽圖

校勘

冊府元龜夫餘本濊地也漢武帝元朔元年以其地爲
滄海郡數年乃罷至元封三年滅朝鮮分置樂浪臨屯
元菟真番四郡至昭帝始元五年罷臨屯真番以并樂
浪元菟元菟復徙居句驪自單單大嶺已東悉屬樂浪
後漢書作單大嶺魏志通考與此同

朱蒙爲夫餘河伯女所生男子名見隋書北史云朱蒙
者其俗言善射也夫餘狩於田以朱蒙善射給一矢殪

獸甚多今滿洲語稱善射者謂之卓琳莽阿卓與朱音
近琳者齒舌餘韻莽阿二字音急呼之近蒙傳寫雖譌
音譯可攷北史載朱蒙走紇升滑城後周書作紇斗骨
城

夫餘王侍婢子東明走施掩水見魏畧後漢書作掩漉
水注云今高麗有蓋斯水疑此水是也梁書作掩滯水
隋書作掩水

三韓辰王都月支國見通典魏志作日支通考作自支
通考馬韓所屬有卑離國監奚卑離國內卑離國辟卑
離國牟盧卑離國如來卑離國楚山塗卑離國卑離卽

海東、布特、烏里、合一册

貝勒之轉音

漢置真番郡治雲霄縣漢志所不載徐廣曰遼東有番汗縣據

大清一統志疑卽真番志載真番城在朝鮮國城西北案史記真番注番音普寒切番汗卽弁韓之轉音

勿吉魏書載景明四年遣使俟力歸興和二年遣使石人云等貢方物北史作俟力歸石文云

北史勿吉伯咄部拂涅部伯咄五代史太平寰宇記作汨咄拂涅寰宇記作拂涅滿洲語謂朋友曰固楚與汨咄音同謂羣處之羣曰佛甯與拂涅音同兩句相連卽

朋友之意當時二部命名應取諸此音字傳譌遂不畫
一佛甯清文作𠂔之下一字尼音二字合切漢字無恰
合者借用甯字譯之

百濟一作伯濟後漢書三韓凡七十八國伯濟其一焉
三國志馬韓有伯濟國

冊府元龜晉簡文帝咸安二年正月百濟遣使貢方物
六月遣使拜百濟王餘句爲鎮東將軍領樂浪太守孝
武帝太元十一年以百濟王世子餘暉爲鎮東將軍百
濟王義熙十二年以百濟王映爲使持節都督百濟諸
軍事鎮東將軍百濟王案百濟爲夫餘王尉仇台之後

以夫餘爲姓諸史刪夫字皆誤惟通典晉義熙中以百濟王夫餘腆爲使持節都督百濟諸軍事不誤

隋書百濟人名地名以滿洲語譯對牟大襲其祖父牟都爲百濟王牟都當爲穆敦切磋之磋也牟大當爲穆丹韻也弗斯侯之弗斯當爲富森滋生也弗中侯之弗中當爲法珠樹杈也贊首流之首流當爲舒嚕珊瑚也木干那之干那當爲噶納往取也時代雖遠譯語可通國中大姓八北史有沙氏燕氏芴氏解氏真氏國氏木氏苗氏芴通考作芴注音狹真隋書新唐書竝作貞苗新唐書作苜通考作苜注音白贊首流木干那皆百濟

大族

通考高麗以百濟爲金州金馬郡號南京乃百濟東南邊境其全部始屬新羅後歸渤海非高麗所能有

新唐書蘇定方執百濟義慈等送京師平其國析置熊津馬韓東明金漣德安五都督府地理志作金遠太平寰宇記作金蓮

梁書於新羅云普通二年王名募秦始使使隨百濟貢方物南史通志太平御覽皆作姓募名秦通考引梁史亦同且云未詳易姓之由據隋東蕃風土記新羅金姓相承三十餘葉至今亦姓金不應於梁時忽姓募中國

人本稱秦此慕秦當爲書語非姓名募又慕之譌

魏書高麗傳高麗王釗烈帝時與慕容氏相攻建國四年慕容元真伐之釗單騎奔竄後爲百濟所殺烈帝爲道武帝之伯祖隋書釗誤作昭又誤以昭烈帝相連爲高麗王名

北史初以百家濟因號百濟王姓餘氏後周書作夫餘氏當從後周書

隋書開皇十八年昌使其長史王辯那來獻方物北史作八年

舊唐書義慈興兵伐新羅取四十餘城又發兵以守之

與高麗通好謀取党項城以絕新羅入朝之路新唐書
作棠項誤

及太宗親征高麗百濟乘虛襲破新羅十城新唐書作
七城

百濟僧道琛舊將福信率衆據周留城新唐書以福信
爲夫餘璋之從子

道琛等乃釋仁願之圍退保任存城新唐書作任孝城
誤

仁願奏請益兵詔發淄青萊海之兵七千人遣左威衛
將軍孫仁師統衆浮海新唐書作右威衛將軍

太平寰宇記百濟後漸寡弱散授突厥及靺鞨其王夫
餘崇竟不敢歸國新舊唐書竝作夫餘隆

百濟王所治城曰固麻北史謂居拔城卽固麻城以滿
洲語譯對固麻爲格們之轉音舊唐書云王居有東西
兩城居拔卽滿洲語之卓巴兩城皆王都故均以格們
稱之其曰建居拔者建字乃漢文通考誤連建居拔三
字爲城名

通考於新羅云隋文帝時其王姓金名眞平襲加羅任
那諸國滅之加羅任那竝三韓地加羅亦作伽羅唐武
德三年遣使冊拜金眞平爲柱國封樂浪郡王新羅王

五代史云新羅自唐高祖封金真爲樂浪郡王新羅王
新舊唐書於作金真平當係五代史誤金真平於貞觀
五年卒無子立其女善德爲王宗室大臣乙祭總知政
事蒙古語謂全部之部曰伊濟與乙祭音近

舊唐書於貞觀二十二年云真德遣其弟國相伊贊子
金春秋及其子文正來朝真德善德妹也唐會要以春
秋爲真德子者誤文正新唐書作文王冊府元龜云新
羅國伊贊於金春秋及其子文王來朝於字新舊唐書
於作子當係誤子爲于又誤于爲於

永徽元年真德大破百濟之衆遣其弟法敏以聞弟字

當誤下文云春秋卒以其子法敏嗣新唐書云遣春秋子法敏是也

永貞元年遣兵部郎中元季方冊俊邕子重興爲主冊府元龜作重熙云竝冊其母和氏爲太妃妻朴氏爲妃又太和五年以嗣子金景徽爲開府儀同三司檢校使持節大都督雞林州諸軍事充甯海軍使新羅王母朴氏爲太妃妻朴氏爲妃冊府元龜作妻貞氏

新唐書詔復法敏官爵然多取百濟地遂抵高麗南境矣案唐會要言盡有百濟之地及高麗南境蓋高麗北境已屬渤海故新羅既有百濟之地又兼有高麗南境

非得百濟而始抵高麗之南也新唐書誤會及字意與高麗傳不合

唐會要上元元年二月新羅王金法敏既納高麗叛亡之衆又封百濟故地遣兵守之新唐書作咸亨五年納高麗叛衆畧百濟地守之又長壽二年政明卒舊唐書作天授三年又三年遣使來朝其年理洪卒舊唐書作長安二年卒又太和四年彥昇卒舊唐書作五年册府元龜開元二十四年六月新羅王表曰伏奉恩勅涇江以南令新羅安置錫臣境土廣臣邑居遂使墾闢有期農桑得所奉絲綸之旨荷榮寵之深粉骨糜身無

由上答據此則湏江以南地開元時以與新羅新舊唐書俱未載

張九齡集與新羅王金興光勅曰知卿欲於湏江置戍既與渤海衝要又與祿山相望仍有遠圖宜遵長策且渤海既已通誅卿每嫉惡深用嘉之興光者新羅王理洪弟也舊唐書稱興光本名與太宗同先天中則天改焉唐會要興光本名崇基是與明皇名同非太宗也又先天爲元宗初卽位改元之號非武后所改甚明冊府元龜後唐同光二年十一月國王金朴英遣倉部侍郎金樂錄事參軍金幼卿朝貢二年正月國王及本

國泉州節度使王逢規遣使朝貢案新唐書有全州無
泉州冊府元龜所載卽一州而傳寫異也

五代會要天成二年二月新羅遣使張芬等來朝三月
以新羅國權知康州事王逢規爲懷化大將軍新羅國
前金州都督府長史張希巖新羅金州知後官本國金
州司馬李彥謨杜檢校右散騎常侍案金州冊府元龜
作登州此譌

契丹國志太祖併吞諸部渤海王大誣譟深憚之與新
羅結援新羅言語名物有似中國國王誦自契丹承天
太后時入貢其後王誦爲部下所殺立其弟詢契丹以

王誦進貢興兵北討十年方罷兵新羅依舊朝貢案新羅王之名遼史不載通考謂高麗王治受制於契丹朝貢中絕治卒弟誦立嘗遣兵校徐遠來候朝廷德音遠久不至咸平三年其臣吏部侍郎趙之遴命牙將朱仁詔至登州偵之州將以聞上特召見仁詔仁詔因自陳國人思慕皇化爲契丹羈制之狀乃賜誦鈿函詔一道令仁詔齎遣六手誦使戶部郎中李宣來謝恩且言晉割燕薊以屬契丹遂有路趣元菟屢來攻伐求取不已乞王師屯境上爲割制詔書優答之誦卒弟詢權知國事聖宗本紀高麗西京留守康肇弒其王誦立誦從兄

詢詔東征後高麗復朝貢是誦與詢皆高麗王名可補
遼史之闕此事亦係高麗非新羅也聖宗用兵新羅本
紀亦未載惟地理志有聖宗伐新羅還一語

隋開皇初靺鞨國有使來獻謂卽勿吉也鄭樵通志勿
吉一曰靺鞨勿吉靺鞨音相近

北史靺鞨卽古肅慎氏也渠帥曰大莫弗瞞咄滿洲謂
長曰達稱老翁曰薩克達瑪法大莫弗三字卽達瑪法
也瞞咄二字與滿珠音近

舊唐書突地稽率所部赴定州遣使詣太宗請授節度
以戰功封著國公冊府元龜作者國公

白山部素附高麗唐收平壤後種落多入中國汨咄安車骨室等部亦因高麗破於爲渤海編戶惟黑水部全盛安東都護薛泰請於黑水靺鞨內置黑水軍續更以最大部落爲黑水府仍以其首領爲都督舊唐書作開元十三年渤海傳作開元十四年至十六年其都督賜姓李氏名獻誠授雲麾將軍兼黑水經畧使其安東都督府係乾封九年分高麗故地置

靺鞨州三見新唐書地理志曰慎州曰夷賓州曰黎州慎州者武德初以涑洙烏素固部落僑治良鄉夷賓州者乾符中以愁思嶺部落置僑治良鄉黎州者載初元

年析慎州置僑治良鄉原文作載初二年考武后年號已丑十一月始用周正改載初至庚寅九月改天授故本紀載初無二年應作元年

冊府元龜開元十八年遣使阿布科思獻方物阿布科思又作阿布思利其所載靺鞨人名如開元二年拂涅靺鞨首領失異蒙越喜靺鞨首領烏施可蒙二年越喜部茂利蒙十二年越喜部努布利十三年鐵利大首領封阿利拂涅部薛利蒙黑水大首領諾箇蒙十五年鐵利部米象十八年拂涅部兀異以滿洲語譯對謂好曰賽音謂能曰莽阿與失異蒙音近工於甲者曰烏克紳

莽阿與烏施可蒙音近善騎射者曰摩琳莽阿與茂利
蒙音近謂弩曰努伯哩與努布利音近羽毛豐滿曰豐
阿拉與封阿利音近聰明能事曰蘇呀莽阿與薛利蒙
音近甚能曰諾凱莽阿與諾箇蒙音近稱弓弩曰密色
與米象音近謂柔輦曰烏延與兀異音近

五代史同光二年黑水首領兀兒遣使者來其後常來
朝貢索倫語謂山曰烏呼與兀兒音同黑水部族至廣
兀兒所部世次史失其紀以音譯考之當與今索倫近
五代會要黑水靺鞨天成四年八月遣使骨至來貢方
物以骨至爲歸德司戈遣還骨至當爲郭濟之譌滿洲

語曲指也

冊府元龜後唐同光二年九月黑水國遣使朝貢三年
黑水胡獨鹿等遣使朝貢滿洲語令急速曰呼都拉與
胡獨鹿音近

黑水部族可紀者如思慕郡利窟說莫曳皆虞婁越喜
鐵利等皆是今黑龍江將軍所屬有錫呼穆第河有庫
裕爾河與思慕窟說音近皆以水得名八旗姓譜有裕
嚕氏卽虞婁之轉音上溯挹婁音亦相近又滿洲語謂
全部之部曰約希謂隊伍曰默音謂理曰堅與越喜莫
曳皆音亦近

遼史地理志唐載初二年析鎮州置黎州處靺鞨部落
後爲奚人所據遼爲榆州云二年者沿唐志之譌當作
元年鎮州爲慎州之譌當從唐地理志

舊唐書渤海大祚榮率衆保桂婁故地築城以居聖歷
中自立爲振國王其嫡子大武藝嗣立因唐黑水地爲
黑水州置長史遣母弟大門藝及其舅任雅等擊黑水
桂婁新唐書作挹婁振國通考作震國任雅新唐書通
考竝作任雅相

新唐書渤海王華璵卒欽茂少子嵩鄰立舊唐書作璘
明忠立一歲卒諡簡王從父仁秀立改年建興其四世

祖野勃祚榮弟也野勃爲伊伯之轉音滿洲語令進也
長領府領瓊河二州遼史作長嶺古字通

定理府領定潘二州遼志作瀋

東平府領伊蒙陀黑比五州通考作伊蒙沱黑比

冊府元龜唐開元十四年渤海王大都利來朝授左武
衛大將軍留宿衛考史傳渤海王實未嘗來朝惟開元
八年封王子大都利行爲桂婁郡王蓋渤海之支郡下
文亦稱王子大都利行卒此係脫譌

十八年烏那達初來獻海豹皮五豹鼠皮五瑪瑙杯一
馬三十匹烏氏渤海大姓那達初以滿洲語考之爲納

丹珠之轉音

二十三年王弟蕃來朝本書褒異門作二十四年並載授蕃太子舍人

二十七年王弟大勗進來朝宴於內殿授左武衛大將軍留宿衛十月使其臣受福子來謝一作優福子

宋史唐天成初契丹攻夫餘城下之改爲東丹府命其子突欲鎮之周顯德初其豪崔烏斯等三十人來歸會要載同突欲應作托雲烏斯當爲烏蘇之譌蒙古語水也通考作烏思羅等三十人歸化斯思音同

冊府元龜應順二年十一月遣使列周義入貢案後唐

愍帝應順改元止三月卽爲潞王清泰元年五代史載清泰二年渤海遣使者來證以宋史歷長興清泰遣使朝貢及通考清泰二年三年俱遣使貢方物無及應順者應順當係清泰之譌

通考後唐同光二年渤海遣姪學堂親衛大元謙試國子監丞文辭未協冊府元龜於試國子監丞上有來朝授三字此係脫譌本名大元讓此避宋濮王允讓諱改作大元謙

宋史太平興國六年賜烏舍城浮渝府渤海王詔令其助攻契丹渤海無浮渝府當卽夫餘府會要作清渝府

又從浮字偏旁而譌

國朝於遼金二史譯音多所訂正係於渤海者遼史本紀太祖神冊二年渤海遣使來貢四年修遼陽故城以渤海戶實之天贊三年渤海殺遼州刺史張秀實而掠其民四年十二月親征大諲譔丁巳次商嶺夜圍夫餘府天顯元年正月庚申拔之丙寅命惕隱安端前北府宰相蕭阿古只等將萬騎爲先鋒遇諲譔老相兵破之是夜大元帥堯骨南府宰相蘇北院夷离堊斜涅赤南院夷离堊迭里圍忽汗城辛未諲譔率僚屬三百餘人出降上優禮而釋之甲戌詔諭渤海郡縣丙子遣近侍

康末怛等十三人入城索兵器爲邏卒所害謹讓復叛
攻其城破之駕幸城中謹讓請罪馬前詔以兵衛謹讓
及族屬出帝還軍中二月安邊鄭頡南海定理等府洎
諸道節度刺史來朝慰勞遣之甲午復幸忽汗城改城
名天福改渤海國爲東丹冊皇太子貝爲人皇王以主
之以皇弟迭刺爲左大相渤海老相爲右大相渤海司
徒大素賢爲左次相耶律羽之爲右次相赦其國內三
月遣夷離堇康默記等攻長嶺唐書通考俱作嶺府己巳安邊
鄭頡定理三府復叛遣阿敦討平之乙酉以大謹讓舉
族行五月南海定理二府復叛大元帥堯骨討之七月

鐵州刺史衛鈞反堯骨攻拔之八月康默記等攻下長
嶺府堯骨討平諸州太宗天顯三年遷東丹即夫餘城民以
實東平其民或亡入新羅女真五年以渤海戶賜皇弟
李胡聖宗統和四年涿州之役渤海小校貫海等叛入
於宋十四年渤海燕頗等侵鐵驪遣奚王和碩努等討
之不克削和碩努官二十一年四月渤海部遣使來貢
聖宗開泰八年置東京渤海承奉官都知押班遷甯州
渤海戶於遼土二河之間太平八年以渤海宰相羅漢
權東京統軍使九年八月東京舍利軍詳穩大延琳囚
留守駙馬蕭孝克及南陽公主殺戶部使韓紹勳等即

位號其國爲興遼年爲天慶延琳先與副留守王道平
謀道平夜踰城與延琳所遣召黃龍府黃翩者俱至行
在告變上卽徵兵進討時蕭匹敵治近延琳先率兵據
其要害絕其西渡之計渤海太保夏行美先戍保州延
琳密馳書使圖統帥耶律蒲古行美反以實告蒲古遂
殺渤海兵八百人而斷其東路延琳知黃龍保州皆不
附遂分兵西取瀋州節度副使張傑聲言欲降故不急
攻及知其詐而已有備攻之不克而還時南北女真皆
從延琳及諸道兵皆至延琳嬰城固守命燕王蕭孝穆
等攻之十年八月延琳將楊祥世夜開南門納遼軍禽

延琳渤海平詔渤海舊族有勲勞材力者敘用餘分居
來隰遷閏等州天祚帝天慶五年二月饒州渤海古欲
等自稱大王以蕭謝佛留等討之爲古欲所敗以南面
副部署蕭陶蘇幹爲都統副之五月及古欲戰敗績丙辰
獲古欲等六年正月朔東京裨將渤海高永昌稱隆基
元年閏月貴德州守將耶律余覲以廣州渤海附永昌
二月張嘉努誘饒州渤海攻陷高州三月饒州平五月
金軍破東京禽高永昌七月春州渤海叛等降案惕隱
今改特哩袞安端今改阿敦阿古今改阿固齊堯骨今
改耀庫濟夷离堇今改額爾奇木斜湟赤今改薩納齊

迭里今改廸里迭刺今改塔喇羽之今改伊濟李胡今
改拉呼燕頗今改雅必舍利今改實里詳穩今改詳袞
匹敵今改丕勒廸蒲古今改布爾古古欲今改古裕謝
佛留今改色佛呼陶蘇幹今改圖斯哈余覩今改伊都
續通考遼太祖嘗親征渤海大諲譔拔夫餘府誅其守
將遂圍忽汗城詔以兵衛諲譔及族屬以出改渤海爲
東丹忽汗城爲天福冊皇子貝爲人皇王以居之衛送
大諲譔於皇都西城名諲譔曰烏魯古妻曰阿里只烏
魯古今改烏爾古阿里只今改阿勒札

金史太祖二年執甯江州渤海大嘉努次札只水遇渤

海軍攻我左翼七謀克衆少卻敵兵直犯中軍太祖射
耶律謝十死敵大奔十月召渤海梁福幹答刺使僞亡
去招諭其鄉人曰女真渤海本同一家我興師伐罪不
濫及無辜也收國二年詔渤海諸部官民已降或爲軍
所俘獲逃遁而還者勿以爲罪其酋長仍官之且使從
宜居處太宗天會四年命勃堇大吳以所領渤海軍八
猛安爲萬戶札只今改扎錫謀克今改穆昆謝十今改
色錫幹答刺今改烏達喇索堇今改貝勒猛安今改明
安穆昆貝勒明安皆金時官制也又有勃極烈者亦卽
今之貝勒自新羅渤海已肇興文字金初年用契丹字

太祖熙宗作女真大小字設女真進士科經書皆有譯
解今碑刻猶有存者至我

太祖高皇帝命額爾德尼巴克什等創制國書義蘊精
微垂制作之極軌

金史世紀始祖諱函普初從高麗來居完顏部僕幹水
之涯長曰烏魯次曰幹魯遂爲完顏部人案通考及大
金國志皆云本自新羅來考新羅與高麗舊地相錯遼
金二史中往往二國互稱不爲分別以史傳校之新羅
王金姓相傳數十世金之自新羅來無疑函普今作哈
富僕幹今作布爾噶烏魯幹魯今作烏魯幹魯

獻祖徙居海古水定居於安出虎水之側案金史云國
言金曰安出虎以安出虎水源於此故名考滿洲語稱
金曰愛新與安出虎音不相涉大金國志亦祇言國產
金及有金水源其以安出虎爲金史家附會猶黑水掬
之微黑鴨淥江色若鴨頭之論耳海古今作海古勒安
出虎今作阿勒楚喀

六世至景祖前後願附者衆斡泯水蒲察部泰神忒保
水完顏部統們水溫廸痕部神隱水完顏部案此二完
顏部蓋金族姓之散處者斡泯今作鄂敏蒲察今作富
察泰神忒保今作新特克新布統們今作圖們溫廸痕

今作溫特赫神隱今作舍音

大金國志金國名珠里真案

國朝舊稱滿珠所屬曰珠申與珠里真音近但微有緩急之異實皆肅慎轉音

契丹恐女真爲患誘豪右數千家處之遼陽之南使不得與本國往來謂之合蘇款自咸州東北分界入山谷至涑沫江中間所居之女真隸咸州兵馬司謂之回霸案涑沫爲粟末水卽混同江志上文稱混同江此又稱涑沫江誤以混同爲黑龍江也合蘇款又作合蘇館今作哈斯罕回霸又作回拔今作輝發咸州在今威遠英

莪門之間東北至松阿哩江約六七百里今有輝發河
明一統志有灰扒江灰扒卽輝發之譌
通考於女真云阿保機吞北方三十六國此其一也阿
保機今作安巴堅

自天聖後屬契丹世襲節度使兄弟相傳其帥本新羅
人號完顏氏女真服其練事以首領推之自龔福以下
班班可紀龔福生訛魯訛魯生洋海洋海生隨濶隨濶
生實魯實魯生胡來胡來三子伯曰核里頗叔曰蒲刺
束季曰楊割楊割聚族帳最多謂之楊割太師核里頗
四子長曰吳刺束次太祖次太宗次曰撒也永昌八年

太祖盡得遼東長春兩路始稱皇帝建元天輔改國號
大金案此通考所載諸名與金史異同者頗多今俱從
金史改正龕福作哈富訛魯作烏嚙洋海作雅哈隨濶
作蘇赫胡來作呼蘭核里頗作和勒博蒲刺束作富勒
蘇楊割作伊克吳喇束作烏魯斯撒也作賽音

遼史營衛志奧衍女真部聖宗以女真戶置隸北府節
度使屬西北路招討使司戍鎮州境自北至河西部皆
俘獲諸國之民初隸諸宮戶口蕃息置部訖於五國城
皆有節度使乙典女真部聖宗以女真戶置隸南府居
高州北國外十部有長白山部案奧衍今作阿延滿洲

語尊大也乙典今作伊德蒙古語令食也

元史地理志開元路古肅慎之地隋唐曰黑水靺鞨後屬渤海渤海寢弱黑水復有其地卽金祖之部落也元初立開元南京二萬戶又設軍民萬戶府五分領混同江南北之地其居民皆水達達女真之人水達達今作碩達勒達

金始祖居完顏部因以爲完顏氏滿洲氏族與金史所載姓氏相符譯對音訛據八旗姓氏通譜仍依金百官志序次考正凡九十四完顏居首次則封金源郡者溫迪罕爲溫特赫夾谷爲瓜爾佳僕散爲布薩朮虎又作

準葛爲珠格移刺答爲伊勒圖幹勒爲沃呼幹準把爲
旺扎卜阿不罕爲阿布哈卓魯爲珠嚕回特爲輝特黑
罕爲輝罕會蘭爲輝羅沈谷爲徹木袞塞蒲里爲賽密
呼烏古孫爲烏克遜石敦爲舒爾圖卓陀爲卓特阿廝
準爲烏蘇占匹獨思爲博提斯潘尤古爲博爾濟克暗
石刺爲烏實拉石古若爲舒古蘇綴罕爲珠爾罕光吉
刺爲光嘉喇次則封廣平郡者裴滿爲費摩徒丹爲圖
克垣溫敦爲溫都兀林答爲烏凌阿阿典爲阿克占紇
石烈爲赫舍哩納蘭爲納喇孛尤魯爲富珠哩阿勒根
爲珠勒根納合爲納哈塔石盞爲寶嘉蒲鮮爲布希古

里甲爲瓜爾佳阿迭爲阿達聶模欒爲尼瑪蘭抹撚爲
穆延納塔爲納坦兀撒惹爲烏蘇阿鮮爲烏新把古爲
拜格温古孫爲温都遜耨盃爲諾廷撒烈爲色赫哩
五塞爲烏色和速嘉爲哈薩喇能偃爲納唯河里仍其
舊爲阿里班兀里爲巴爾聶散爲尼沙蒲速烈爲富色
里次則封隴西郡者烏古論爲烏庫哩兀顏爲烏雅女
奚烈爲鈕祜祿獨吉爲通吉黃摑爲洪果顏盞爲延扎
蒲古里爲博和哩必蘭爲必喇幹雷爲幹哩獨鼎爲都
克塔尼龐窟又作尼龐古爲尼瑪哈拓特爲托羅特盞
散爲赫舒撒答牙爲沙達喇阿速爲阿蘇撒剗爲薩察

準土谷爲卓多穆納謀魯爲納木都魯業速布爲雅蘇
貝安煦烈爲額蘇哩愛申爲愛新拿可爲納克貴益昆
爲古勒渾溫散爲斡色梭罕爲索歡霍域爲呼雅次則
封彭城郡者唐括又作同古爲唐古蒲察爲富察朮甲
爲珠嘉蒙刮亦作蒙括爲蒙古蒲速爲伯蘇岳屯爲鄂
屯斜卯爲錫默諳蠻爲愛滿獨虎朮魯爲都克塔哩磨
輦爲摩年益輦爲伊年帖暖爲托諾蘇孛輦爲蘇伯林
金史世紀金之先出靺鞨氏古肅慎地也五代時附屬
於契丹在南者籍契丹曰熟女眞在北者不在契丹籍
號生女眞我

朝盛京

興京境內皆老滿洲打牲部落錯鄰蒙古獻歸滿洲者亦以滿洲統之康熙後以游牧之巴爾虎厄魯特隸黑龍江駐防附打牲部落後然非滿洲部落而滿洲語稱國初所屬曰佛滿珠謂老滿洲也新附編入旗分者曰伊徹滿珠謂新滿洲也與熟女真生女真同義三姓城皆新滿洲所居在阿爾楚喀城東二百餘里東西數百里

厚夏金

卷五

三

啓東錄卷六

閩縣林壽圖

紀述

通考夫餘出名馬赤玉貂狍狍似豹無前足大珠如酸棗舊夫餘俗水旱不調五穀不熟皆歸咎於王

太平寰宇記自後漢時夫餘王葬用玉匣常先付元菟郡庫王死卽迎取以葬及平公孫淵元菟庫猶得玉匣一具晉時夫餘庫有玉璧圭瓚數代之物傳以爲寶者老言先代之所賜也國中有故城名滅蓋古滅貂之地其國有戶八萬土宜五穀無五果多山陵廣澤其人性

強勇謹厚不寇鈔會國拜爵揖讓升降有似中國以臘
月祭天譯人傳辭皆跪手據地竊語用刑嚴急殺人者
死沒其家人爲奴婢盜一責十二男女淫婦人妬皆殺
之與北狄同俗以弓矢刀矛爲兵家自有鎧仗作城柵
皆圓有似牢獄行人無晝夜好歌吟通日聲不絕有軍
事亦祭天殺牛觀蹠以占吉凶蹠解者爲凶合者爲吉
其死夏月皆用冰殺人殉葬多者數百厚葬有棺無槨
其居喪男女皆純白婦人著布面衣去環佩大體與中
國髣髴焉

後漢書夫餘國以六畜名官有馬加牛加狗加其邑落

皆主屬諸加三國志夫餘在長城之北去元菟千里國
有君王皆以六畜名官有馬加牛加豬加狗加犬使犬
使者使者邑落有豪民民下戶皆爲奴僕諸加別主四
出道大者主數千家小者數百家有敵諸加自戰下戶
俱擔糧飲食之郝經續後漢書與三國志同恭讀

高宗御製曰信如其言所謂諸加者何所取義乎史稱
夫餘善養牲則畜牧必蕃盛當各有官以主之猶今蒙
古謂典羊之官曰和尼齊和尼者羊也典馬者曰摩哩
齊摩哩者馬也典駝者曰特默齊特默者駝也皆因所
牧之物以名其職特官中之一二誌夫餘者必當時有

知夫餘語之人譯其司馬司牛者爲馬家牛家遂譌爲馬加牛加正如周禮之有羊人犬人漢之有狗監耳若必以六畜名官寓相貶則鄒子所對少皞氏以鳥名官爲鳥師而鳥又何以稱乎原謹案馬加牛加始於范蔚宗陳壽歷代史志襲謬承譌郝經無識猶沿用之不通音譯也遠徵周禮近例蒙古示萬世折衷之準

太平寰宇記挹婁有五穀牛馬麻布出赤玉好貂所謂挹婁貂是也土氣極寒嘗爲穴居以處以深爲貴大家至接九梯好養豕食其肉衣其皮冬有豕膏塗身厚數分以禦風寒夏則裸袒無文墨以言語爲約坐則箕踞

土無鹽鐵俗編髮將嫁娶男以毛羽插女頭女和則將
歸然後致禮聘之相竊盜無少長皆殺之雖野處而不
相犯有石弩皮骨之甲其人眾雖少而多勇力處山險
又善射弓長四尺力如弩矢用楛長尺八寸青石爲鏃
皆施毒中人卽死鄰國畏其弓矢卒不能服也

馬韓人知田蠶作綿布出大栗如梨有細尾雞尾長五
尺邑落雜居無城郭作土室形如冢開戶在上不知跪
拜國邑雖有主帥不能相制御其葬有棺無槨不知騎
乘牛馬不貴金寶錦罽惟重瓔珠以綴衣爲飾及懸頸
垂耳大率皆魁頭露髻布袍草履其人勇壯少年有築

室作力者輒以繩貫脊皮以杖捶繩歡呼爲健終日力作不以爲痛善用弓楯矛櫓雖有鬪爭攻戰而貴相屈服俗信鬼神以五月耕種畢祭鬼神晝夜酒會羣聚歌舞舞輒數十人相隨踏地爲節十月農工畢亦復如之諸國邑各以一人主祭天地號天君又立蘇塗建大木以懸鈴鼓事鬼神魏志曰諸國名有別邑爲蘇塗諸亡逃至其中皆不還之蘇塗之義有似浮屠辰韓其俗名國爲邦弓爲弧賊爲寇行酒爲行觴相呼皆爲徒諸小邑各有渠帥大者名臣智次有險側次有樊滅次有殺奚次有邑借皆其官名其人皆文身便步戰兵仗與馬

韓同其地肥美宜五穀知蠶桑作縑布乘駕牛馬嫁娶以禮其俗男女有別以大烏羽送死其意欲使死者神魂飛揚也國出鐵濊倭皆從取之凡諸貿易皆用鐵如中國用錢刀又以供給二郡俗喜歌舞飲酒鼓瑟形如筑彈之有音人皆扁頭弁韓與辰韓雜居言語風俗亦相似惟祠祭鬼神有異施竈皆在戶西備見通考太平寰宇記載畧同

後漢書辰韓兒生欲其頭扁皆押之以石范蔚宗不經之說也恭讀

高宗御製曰夫以石押頭壯夫且不能堪而以施之初

墮地之小兒實非人情所宜有閒考三韓建國始末諸
史率多牴牾以方位準之蓋在今奉天東北吉林一帶
接壤朝鮮與我國朝始基之地相近國朝舊俗兒生數
日卽置卧具令兒仰寢其中久而腦骨自平頭形似扁
斯乃習而自然無足爲異辰韓或亦類是耳范蔚宗不
得其故從而曲爲之解甚矣其妄也且如漢人生兒常
令側臥久而左右角平頭形似狹蒙古人生兒以韋帶
束之木板植立於地長則股形微箕此亦皆習而自然
無足爲異藉如范蔚宗所言豈漢人蒙古亦皆以石押
之令其頭狹而股箕乎原據事揆情瞭如指掌非歷代

紀載家所能仰企

三韓命名史第列馬韓辰韓弁韓不詳稱韓之義陳壽魏志直云韓地韓王魚豢魏畧且以爲朝鮮王爲衛滿所破其子及親留在國者因冒姓韓氏恭讀

高宗御製曰國語及蒙古語皆謂君長爲汗韓與汗音相混史載三韓數十國意當時必有三汗分統之史家既不知汗之爲君而庸鄙者至誤爲族姓何異扣槃捫籥以喻日哉且中外語言不通不能強爲詮解者勢也今夫天昭昭在上人皆仰之然漢語謂之天國語謂之阿卜喀蒙古語謂之騰格哩西番語謂之那木喀回語

謂之阿思滿以彼語此各不相曉而人之所以敬與天
之所以感則無不同若必一一以漢字牽附臆度之能
乎不能炳哉

聖言審音知義昭若發蒙

朝鮮有古三韓地書序成王既伐東彝傳云海東諸國
句驪扶餘豻貊之屬正義曰漢書有高句驪扶餘韓無
此豻豻卽韓也音同字異爾

國朝天聰元年大貝勒阿敏濟爾哈朗等征朝鮮至平
壤李倬懼攜妻子遁江華島貢獻求和等背盟焉崇德
元年

上親率和碩親王代善睿親王多爾袞等征之進圍王
都破江華島獲倭妻子及羣臣眷屬乃朝服請降慰諭
賜宴封李倧朝鮮國王朝鮮君臣勒石紀事其碑之銘
曰天降霜露載肅載育惟

帝則之并布威德

皇帝東征十萬其師殷殷轟轟如虎如貔西番窮髮暨
夫北貊執戈前驅厥靈赫濯

皇帝孔仁誕降恩言十行昭回旣嚴且溫始迷不知伊
感自詒

帝有明命如寐覺之我后祇服相率而歸匪惟怛威惟

德之依

皇帝嘉之澤洽禮優載色載笑爰束于矛何以錫之駿
馬輕裘都人士女乃歌乃謳我后言旋

皇帝之賜

皇帝班師活我赤子哀我蕩析勸我穡事金甌依舊翠
壇維新枯骨再肉寒萋復春有石巍然大江之頭萬載

三韓

皇帝之庥

通考沃沮在高句驪蓋馬大山之東濱海而居可千里
北與挹婁夫餘南與濊貊接戶五千無大君長邑落各

有長帥其言語與句驪小異衛滿王朝鮮時沃沮皆屬
焉漢武帝元封三年以沃沮城爲四郡後爲獐豸所侵
徙郡句驪西北今所謂元菟故府是也沃沮還屬樂浪
漢以土地廣遠在單單大嶺之東分置東部都尉治不
耐城別主嶺東七縣時沃沮亦皆爲縣漢光武六年省
邊郡都尉由此罷其後皆以爲縣中渠帥皆自稱三老
則古縣國之制也魏毋邱儉討句驪句驪王宮走沃沮
遂進師擊之沃沮邑落皆破宮走北沃沮沃沮一名置
隔婁去南沃沮八百餘里其俗南北皆同
太平寰宇記沃沮後以國小迫於大國之間遂臣服句

驪後以其中大人爲使者使相爲王領義使大加統之
責其租稅貂布魚鹽海中食物千里擔負致之又發其
美女以爲婢妾焉

沃沮地戶五千土肥美背山向海宜五穀美田種無大
君長有邑落長帥人性質直強勇便持矛步戰言語飲
食居處有似句驪

濊亦朝鮮之地南與辰韓北與高句驪沃沮接東窮大
海西至樂浪漢武帝元朔元年濊君南閭等叛朝鮮率
二十八萬口詣遼東內屬帝以其地爲滄海郡數年乃
罷元封三年滅朝鮮分置四郡昭帝時并二郡入樂浪

元菟復徙元菟居句驪自單大嶺以東沃沮濊貊并屬樂浪後以境土廣遠復分嶺東七縣置樂浪東部都尉光武建武六年省都尉官遂棄嶺東地悉封其渠帥爲縣侯皆歲時朝賀無大君長自漢以來其官有侯邑君三老統主下戶其耆舊自謂與高麗同種言語大抵相類俗多忌諱疾病死亡卽棄舊宅常以十月祭天晝夜飲酒歌舞名曰舞天又祭虎以爲神其邑落有侵犯者輒相責罰牛馬名曰責禍地多文豹有果下馬高三尺乘之可於果樹下行其海出斑魚皮漢時常獻之後漢書高句驪傳俗節於飲食而好修宮室好祀鬼神

社稷靈星以十月祭天大會名曰東盟其國東有大穴號禊神亦以十月迎而祭之東盟亦作東明靈亦作零通考高句驪信佛法敬鬼神有神廟二所一曰夫餘神刻木作婦人像曰高登神云是其始祖夫餘神之子竝置官司遣人守護蓋河伯女朱蒙云崇甯後始學鼓鑄有海東通寶重寶三韓通寶三種錢

太平寰宇記高句驪凡有五族有消奴部絕奴部順奴部灌奴部桂婁奴部本消奴部爲王稍微弱後桂婁奴部代立其置官有相加對盧沛者古雛大加主簿優台使者阜衣先人其公會衣服皆錦繡金銀以自飾大加

主簿皆著幘如冠幘如無後加著折風形如弁無牢獄
有罪諸加評議便殺之沒入妻子爲奴婢兵器有甲弩
弓箭戟稍矛鋌習戰鬥好寇鈔沃沮東濊皆屬焉又有
小水貊句驪作國依水而居地出好弓所謂貊弓是也
自東晉以後其王所居平壤城亦曰長安城城內惟積
倉儲器械寇至方入固守王別爲宅於其側其外有國
內城及漢城亦別都也復有遼東元菟等數十城皆置
官司以相統攝焉其國中書籍有五經三史三國志晉
陽秋玉篇字統字林唐武德四年遣使朝貢其國建官
有九等其一曰土粹舊名大對盧總知國事次曰太大

兄次鬱折華言主簿次太大夫使者次皂衣頭大兄東
彝相傳所謂皂衣先生者也以前五官掌機密謀政事
徵發兵馬選授官爵次大使者次大兄次收位使者次
上位使者次小兄次諸兄次過節次不過節次先人又
有狀古雛加掌賓客比鴻臚卿以大夫使者爲之又有
國子博士太學博士舍人通士典書客皆小兄弟以上
爲之又其諸大城置僂隆比都督諸城置處間近支比
刺史亦謂之道使其武官曰大模達比衛將軍以皂衣
頭大兄以上爲之次末克比中郎將以大兄以上爲之
其次領千人以下各有等差

其國婚娶之禮畧無財幣若受財者謂之賣婢俗甚恥
之父母及夫喪其服制同於華夏兄弟則服以三月樂
有五絃琴箏箏篋橫吹簫鼓之屬賦稅則絹布及粟隨
其所有量貧富差等輸之有馬皆小便登山本朱蒙所
乘馬種卽果下馬也畜有牛豕豕多白色其人性凶急
有氣力好戰其地多山谷無源澤隨山谷而居少田業
力作不足以自資跪拜伸一足行步皆如走

北史高句驪傳人戴折風巾形如弁士加插二羽貴者
紫羅爲之服大袖衫大口袴素皮帶黃革履齊武帝永
明中使至服窮袴冠折風中書郎王融戲之曰服之不

衷身之灾也頭上定是何物答因此則古弁之遺象也
王融失辭矣

太平寰宇記勿吉其國有大水濶三里餘名達末水其
地下溼築堤鑿穴以居屋形象冢開口於上以梯出入
無牛有車馬田則耦耕車則步推有粟及麥稌菜則有
葵水氣鹹凝鹽生樹上亦有鹽池多豬無羊嚼米醞酒
飲能致醉婦人則布裙男子衣豬犬皮裘頭插虎豹尾
善射獵

百濟其人土著地多下溼率皆山居王號于羅瓊百姓
呼爲韃告支王妻號于陸官屬有十六品左平一品達

率二品恩率三品德率四品扞率五品祭率六品以上
冠飾銀花將德七品紫帶施德八品皂帶古德九品赤
帶季德十品青帶對德十一品文督十二品皆黃帶武
督十三品佐軍十四品振武十五品剋虞十六品皆白
帶統兵以達率德率扞率爲之人庶及餘小城咸分隸
焉其王以四仲月祭天及五帝之神每歲四祀其始祖
仇台之廟案百濟後漢末夫餘王尉仇台後也
其衣服男子畧同於高麗拜謁之禮兩手據地爲敬婦
人衣似袍而袖微大在室者編髮盤於首後垂一道爲
飾出嫁者乃分爲兩道馬兵有弓箭刀稍重騎射兼愛

墳史其秀異者頗解屬文又解陰陽五行亦解醫藥卜筮占相之術有投壺樗蒲等戲然尤尙弈棋僧尼寺塔甚多而無道士賦稅以布絹麻木等婚娶之禮畧同華俗父母及夫死三年持服餘親則葬訖除之氣候温煖五穀雜果蔬菜及酒醴肴饌樂器之屬多同於內地惟無駝驢騾羊鷺鴨等西南海中有三島其上多黃漆樹似小欖樹而大六月輒取其汁漆器物色如黃金其光奪目

高麗與百濟南北朝皆通朝貢百濟尤勤屢膺朝命宋高祖詔曰使持節督百濟諸軍事鎮東將軍百濟王映

執義海外遠修貢職惟新告始宜荷國休太祖詔曰皇
帝問使持節都督百濟諸軍事鎮東將軍百濟王累葉
忠順越海效誠慕義旣彰厥懷亦款浮桴驪水獻琛執
贄故嗣位方任以蕃東服勉勗所蒞無墜前蹤齊武帝
詔曰於戲惟爾世襲忠勤誠著遐表海路澄清要貢無
替式循彝典用纂顯命敬膺休業可不慎歟梁武帝詔
曰守藩海外遠修職貢乃誠款到朕有嘉焉宜率舊章
服茲榮命後與高麗相攻伐以訴於朝魏孝文帝詔曰
卿處五服之外不遠山海歸命魏闕欣嘉至意用戢於
懷卿與高麗不睦屢致陵犯苟能順義守之以仁亦何

憂於寇讐也又曰知高麗阻強侵軼卿士修先君之舊
怨棄息民之大德兵交累代難結遐荒使兼申晉之誠
國有楚越之急乃應展義扶微乘機電舉但以高麗稱
藩先朝供職日久於彼雖有自昔之釁在國未有犯令
之愆卿使命始通便求致伐討尋事會理亦未周故往
年遣禮等至平壤欲驗其由狀然高麗奏請頻煩辭理
俱詣行人不能抑其請司法無以成其責故聽其所啟
詔禮等還若今復違旨則過咎益露後雖自陳無所逃
罪然後興師討之於義爲得然詔使終爲高麗所隔又
遭颶風不達隋文帝平陳之歲一戰船漂至舳牟羅國

得還途經百濟資送甚厚并遣使賀平陳詔曰百濟往復至難若逢風浪便至傷損百濟王心迹純至朕已委知相去雖遠事同言面何必數遣使來自今以後不必年別人貢朕亦不遣使往王宜知之屬興遼東之役請爲軍導詔曰往歲爲高麗不供職貢無人臣禮故命將討之高元君臣畏服歸罪朕已赦之不可致伐高麗頗知其事以兵侵掠其境及後通好又與新羅世爲讐敵唐太宗賜璽書曰王世爲君長撫有東蕃海隅遐曠風濤艱阻忠欵之至職貢相尋尙想徽猷堪以嘉慰新羅王金真平王之鄰國每聞遣師征討不息阻兵安忍殊

乖所望朕已對王姪福信及高麗新羅使人具勅通和
咸許輯睦王必須忘彼前怨識朕本懷共篤鄰情卽停
兵革其王遣使陳謝實相仇如故高宗又降璽書曰海
東三國開基自久地實犬牙近代以來遂構嫌隙戰爭
交起朕代天理物載深矜憫去歲新羅使金法敏奏書
乞詔百濟令歸所侵之城若不奉詔卽自興兵打取但
得故地卽請交和朕以其言旣順不可不許王所兼新
羅之城竝宜還其本國王若不從朕已依法敏所請任
其決戰亦令約束高麗不許救恤高麗若不從命卽令
契丹諸蕃渡遼澤入鈔掠王可深思朕言自求多福然

新羅北界終爲百濟沒三十餘城顯慶五年遂致蘇定
方之討

當梁太清時百濟王夫餘明遣使貢獻及至見城闕荒
毀竝號慟涕泣侯景怒囚執之景平乃得還國及蘇定
方討破其國擄其王義慈等歸京師史稱義慈事親以
孝行聞友于兄弟時人號海東曾閔忠孝大節遐荒末
裔君臣猶有傳者足以風矣

通考新羅官以親屬爲上其族第一骨第二骨以自別
王族第一骨妻亦其族生子皆爲第一骨不娶第二骨
女雖娶常爲妾媵官有宰相侍中司農卿太府令凡十

有七等第二骨得爲之事必與衆議號和白一人異則
罷宰相家不絕祿奴僕三千人甲兵牛馬豬稱之畜牧
海中山須食乃射息米穀於人償不滿傭爲奴婢食用
柳杯若銅瓦男子褐袴婦長襦見人必跪則手據地爲
恭不粉黛率美髮以繚首以珠綵飾之男子剪髮鬻冒
以黑巾市皆婦女貨販冬則作竈堂中夏以食置冰上
畜無羊少驢羸多馬馬雖高大不善行

太平寰宇記新羅呼城曰健牟羅其邑在內曰喙評在
外曰邑勒亦猶中國之言郡縣也國有六喙評五十二
邑勒官有十七等其一曰伊罰于貴如相次尺于次迎

于次破彌于次大阿尺于次阿尺于次乙吉于次沙咄
于次及伏于次大柰摩于次柰摩次大吉次小舍次吉
土次大烏次小烏次造位外有郡縣其文字甲兵同於
中國選人之壯健者悉入軍鋒戍邏俱是營長部伍土
地肥美種植五穀多桑麻果菜鳥獸物產畧與華同風
俗刑政衣服畧與高麗百濟同而朝服尙白好祭山神
重元日每以其日拜日月神

新羅辭令有中國風開元十一年獻果下馬表曰鄉居
海曲地處遐陬原無泉客之珍本乏賓人之貢輒將方
產之物塵瀆天宮驚蹇之材滓穢龍廐竊方燕豕敢類

楚雞深覺醜顏彌增汗戰二十一年賜其國王興光白
鸚鵡雄雌各一及紫羅繡袍金銀鈿器物瑞文錦五色
羅綵三百餘段謝表曰地隔蓬壺天慈洽遠鄉睽華夏
睿澤覃幽伏覩瓊文跪披玉匣含九霄之雨露帶五采
之鸞鸞辯慧靈禽素蒼兩妙或稱長安之樂或傳聖主
之恩羅錦彩章金銀寶鈿見之者爛目聞之者驚心微
效若塵重恩如岳循涯揣分何以上酬

唐高祖命員外散騎侍郎朱子奢和解高麗新羅之隙
高麗請與新羅對使會盟新羅王金真平之女善德嗣
立爲王國人號聖祖皇姑者上言高麗百濟侵軼狀太

宗謂使臣曰我頻使人和爾三國高麗百濟旋踵翻悔
我少發邊兵總契丹靺鞨直入遼東爾國自解可緩一
年之圍此後知無繼兵還肆侵侮四國俱擾於國未安
此爲一策我又能給爾數千朱袍丹幟二國兵至建而
陳之彼以爲我兵必皆奔走此爲二策百濟負海之險
不修兵械我以數十百船載卒泛海直襲其地此爲三
策爾國以婦人爲主爲鄰國輕侮我遣一宗支以爲爾
國主國安任爾自守此爲四策爾宜思之將從何事使
者但唯而無對於是遣相里元獎齋璽書賜高麗曰新
羅委命國家朝貢不闕爾與百濟宜卽戢兵若更攻之

明年卽出師擊爾國矣蓋蘇文謂元獎曰高麗新羅怨隙已久往者隋室相乘新羅乘釁奪高麗五百之地自非反地還城此兵恐未能已元獎曰旣往之事安可追論蘇文竟不從元獎初至平壤蓋蘇文又破新羅兩城詔令營州都督張儉等率幽營二都督兵馬問罪及永徽元年新羅破百濟之衆遣使以聞六年遣營州都督程名振左衛中郎將蘇定方發兵一萬討高麗以侵掠新羅故也時新羅王爲金春秋當金善德卒其妹真德襲王破百濟者真德時也真德遣子文王及弟贊子春秋來朝太宗拜文王左武衛將軍春秋特正嘗改章服

從中國開元間有金思蘭者新羅行人恭而有禮留充宿衛史稱新羅爲君子之國有徵矣

唐高宗永徽元年新羅王金真德攻百濟破之春秋子法敏入朝真德織錦爲頌以獻曰巨唐開洪業巍巍皇猷昌止戈成大定興文經百王統天崇雨施治物體含章深仁諧日月撫運邁時康旛旗旣赫赫鉦鼓何鏗鏗外彝違命者翦覆被天殃溇風凝幽顯遐邇競呈祥四時和玉燭七曜巡萬方維岳降宰輔維帝任忠良五五成一德照我唐家唐典重裔皇得揄揚體

高麗蓋蘇文殺其王高武自爲莫支離總選兵猶吏部

兵部尙書也號令遠近遂專國命鬚面甚偉形體魁傑衣服冠履皆飾以金彩身佩五刀常挑臂高步意氣豪逸左右莫敢仰視恆令武官貴人俯伏於地登背下馬唐太宗以其殺君虐民出師弔伐諫議大夫褚遂良諫莫能止貞觀十八年始迄高宗總章元年蘇文死司徒李勣攻拔夫餘城再拔平壤乃平其國時侍御史賈言忠引高麗秘記云不及九百年當有八十老將來滅謂自前漢末高麗氏有國土今九百年矣李勣年八十六與符記相同終以李勣歲其事當貞觀二十八年司空房元齡病亟謂諸子曰當今天下清謐咸得其宜惟東

討不庭方爲國患主上含怒意決臣下莫敢犯顏吾死
不言可謂銜恨入地遂封表諫曰臣聞兵惡不戢武貴
止戈當今聖化所覃無遠不洎上古所不臣者陛下皆
得臣之所不制者皆能制之詳觀古今爲中國患者
無過突厥能坐運神畧不下殿堂大小可汗相次束手
分典禁衛執戟行間其後延陀鴟張尋就夷滅鐵勒慕
義請置州縣沙漠以北萬里無塵至如高昌叛渙於流
沙吐渾首鼠於積石偏師北下俱從平蕩如高麗者歷
代通誅莫能討擊陛下責以逆亂弑主虐人親統六軍
問罪遼碣未經旬日卽拔遼東前後虜獲數十萬計分

配諸州無處不滿雲往代之宿恥掩峭陵之枯骨比功
校德萬倍前王此聖主之所自知微臣安敢備說且陛
下仁風被於率土孝德彰於配天兼眾美而有之靡不
備具微臣深爲陛下惜之重之愛之寶之易曰知進而
不知退知存而不知亡又曰知進退存亡而不失其正
者其惟聖人乎由是言之進是退之義存是亡之機得
是喪之理微臣所以爲陛下惜之蓋謂此也老子曰知
足不辱知止不殆臣謂陛下威名功德亦可足矣拓地
開疆亦可止矣彼高麗者邊夷賤類不足待以仁義不
可責以常禮古來以魚鼈畜之宜從濶畧若必欲絕其

種類恐獸窮則搏且陛下每決死囚必命三覆五奏進
素食停音樂蓋以人命所重感動聖慈也况今兵士之
徒無一罪戾無故驅之於戎陣之間委之鋒刃之下使
肝腦塗地魂魄無歸令其老父孤兒寡妻慈母覩轉車
而掩泣抱枯骨而摧心足以變動陰陽感傷和氣實天
下之冤痛也且兵凶器戰危事不得已而用之向使高
麗違失臣節而陛下謀之可也輕軼百姓而陛下滅之
可也久長爲中國之患而陛下除之可也有一於此雖
日殺萬夫不足爲愧今無此三條坐煩中國內爲舊主
雪怨外爲新羅報仇豈非所存者小所損者大願陛下

遵皇祖止足之戒以保萬代巍巍之功發霈然之恩降寬大之詔順陽春以布澤許高麗以自新自然華彝慶賴遠肅邇安臣老病三公朝夕入地謹罄殘魂餘息結草之誠倘蒙錄此哀鳴卽臣死且不朽後至咸亨元年其餘類有會長劍牟岑者叛立高藏外孫安爲王令左衛大將軍高侃討平之餘眾散投新羅靺鞨國爲靺鞨所據高氏遂亡武后聖歷二年鸞臺侍郎平章事狄仁傑奏請拔安東鎮復其君長曰臣聞先王疆理天下皆是封域之內制井田出兵賦其有逆命者因而誅焉罪其君弔其民存其社稷不貪其財非欲土地之廣非貪

玉帛之貨至漢孝武藉四帝之資儲於是定朝鮮討西域平南越擊匈奴府庫皆空道賊蠡起百姓嫁娶賣子流離於道路者萬計於是權酷市利算及舟車籠天下貨財而財用益屈末年覺悟息兵罷役封丞相爲富民侯然而漢室中微釁由此起豈不惑哉人有四肢者所以扞頭目君有四方者所以衛中國也然以蝮蛇在手旣以斷節全身狼戾一隅亦宜棄之全國漢元帝罷珠崖之郡宣帝棄車師之國非惡多而好少也知難卽止是爲愛人今以安中分爲兩運風波漂蕩沒溺至多惟兵糧尤苦不足且中國之於蕃彝天文自隔遼東所守

已是石田靺鞨遐荒更爲雞筋今欲肥四彝而瘠中國
恐非通典且得其地不足以耕織得其人不足以賦稅
臣請罷薛訥廢安東鎮三韓君長高氏爲其主誠願陛
下體存亡繼絕之義復其故地此之美名高於堯舜遠
矣兩表讜論名言諫雖不行公忠之心昭揭千古高氏
由此傾覆儀鳳初委於新羅開元後并於渤海唐亦未
能終有其地

新羅有張保臯鄭年者皆善戰工用槍年復能沒海履
其地五十里不噎角其勇健保臯不及也年兄呼保臯
保臯以齒年以藝常不相下自其國皆來爲武甯軍小

將後保臯歸新羅謁其王曰徧中國以新羅人爲奴婢願得鎮清海使賊不得掠人西去清海海路之要也王與保臯萬人守之自太和後海上無鬻新羅人者保臯旣貴於其國年饑寒客漣水一日謂戍主馮元規曰我欲東歸乞食於保臯元規曰若與保臯所負何如奈何取死其手年曰寒死不若兵死快遂去謁保臯飲之極歡飲未卒聞大臣殺其王國亂無主保臯分兵五千人與年持年泣曰非子不能平禍難年至其國誅反者立王以報王遂召保臯爲相以年代守清海嘗論保臯獨私怨急公家推賢讓能有古名臣風非僅綈袍存舊也

年不負所託亦人傑哉定難立君當在開成會昌間惜
史莫能紀

唐開元二十五年遣左贊善大夫邢璣攝鴻臚少卿往
册封新羅王將發上製詩序太子以下及百僚咸賦詩
以送上謂璣曰新羅爲君子之國頗知書記有類中華
以卿學術善於講論故選使充此到彼宜闡揚經典使
知大國儒教之盛又聞其人多善奕因令善棋人率府
兵曹楊季鷹爲璣之副璣等至彼大爲蕃人所敬其國
棋者皆季鷹之下於是厚賂璣等金寶及藥物等
唐咸亨四年燕山道總管李謹行破高麗叛黨於瓠盧

河之西平壤餘眾遁入新羅謹行靺鞨人賜姓李氏右
衛將軍突地稽之子偉貌武力絕人麟德中歷遷營州
都督其部落武德初徙於幽州昌平城家僮數千人以
財力雄邊累拜右領軍大將軍爲積石道經略大使吐
蕃論欽陵等率眾十萬寇湟中謹行兵士樵採素不設
備猝聞賊至建旗伐鼓開門待之吐蕃疑有伏不敢進
上元三年又破吐蕃數萬眾於青海璽書勉勞累授右
衛大將軍封燕國公

通考渤海俗謂父曰可毒夫曰聖主曰基下其命爲教
王之父曰老王母太妃妻貴妃長子曰副王諸子曰王

子官有宣詔省中臺省政堂省有左右相左右平章侍
中常侍諫議又有左六司忠仁義部右六司智禮信部
各有郎中員外又有武員左右衛大將軍之屬大抵憲
象中國之度服章亦有紫緋淺緋綠及牙笏金銀魚之
制

松漠紀聞渤海國去燕京及女真所部皆千五百里以
石壘城腳東竝海其王以大爲姓右姓曰高張楊竇烏
李不過數種部曲奴婢無姓皆從其主男子多智謀驍
勇出他國右至有三人渤海營一虎之語契丹太祖滅
其王大譴讓徙其名帳千餘戶於燕給以田疇蠲其賦

入往來貿易關市皆不征有戰則用爲前驅天祚之亂聚族立姓大者爲王金人討之軍未至其貴族高氏棄家降言其虛實城遂陷

遼東行部記瀋州在唐時嘗爲高麗侵據唐季不能勤遠爲大氏所有傳國十餘世當五代時契丹與渤海血戰數十年竟滅其國於是遼東之地盡入於遼

遼國兵制詔諸道徵兵惟南北奚王東京渤海兵馬雖奉詔未敢發兵必以聞及遣大將持金魚符合然後行見兵衛志

五國頭城以自此城而東分五國故名契丹國志女真

東北與五國爲鄰五國之東接大海出名鷹自海東來者謂之海東青遼人酷愛歲歲求之女真至五國戰鬪而後得通考云先是女真歲以北珠貂革名馬良犬及俊鷹海東青貢於契丹海東青者小而健能禽天鷲爪白者尤以爲異出於五國之東契丹酷愛之然不能白致每歲大寒契丹必遣使來趣發甲馬數百入五國界卽巢穴取之往往爭戰而得及契丹主延禧嗣位責貢尤苛至遣鷹坊子千輩越長白山羅取歲甚一歲宋徽欽二帝於天會八年自韓州如五國城卽此高士奇扈從錄云自甯古塔東行六百里曰羗突里葛尙松花黑

龍二江合流於此有大土城或云五國城

通考女真蓋肅慎氏地姓挈氏又云完顏氏官之尊者以九曜二十八宿爲名職皆曰勃極烈自五戶上而推之至萬戶皆自統兵緩則射獵宗室謂之郎君事無大小皆聽之雖卿相亦拜馬前而不爲禮役使如奴隸凡用兵以戈爲前行號硬軍刀楛自副弓矢在後弓力不過七年箭鏃至六七寸形如鑿人不可出非五十步不射其人十五百皆有長伍長擊柝十長執旗百長挾鼓千人將則旗幟金鼓悉備伍長戰死四人皆斬十長死伍長皆斬百長死十長皆斬將自執旗其下視所向無

尊卑皆自馭馬粟粥燔肉爲食上下無異品有大事適野環坐畫灰而議自卑者始議畢不聞人聲將軍發大會而飲使人獻策主帥擇而聽馬合者則爲特將任其事師還又大會問有功者賞之金帛先舉以示衆衆以爲少則增之守一州者許專決僚屬其有官者將決坐之庶閒賜以酒尊者杖於堂上已決事如故取民錢者無罪

契丹曰女真曰慮真地多山林俗勇悍善射能爲鹿鳴以呼羣鹿而射之食生肉飲麋酒獸多野豬野牛驢之類出行以牛馱物遇雨將牛革以禦之所居以樺皮爲

屋地多良馬常至中國貿易

契丹延禧天慶二年釣魚於混同江凡生女真酋長在
千里內者以故事皆來會酒酣使諸酋歌舞爲樂金太
祖獨端立直視辭以不能諭之再三訖不聽欲以事誅
之以樞密使蕭奉元諫乃止太祖遂用同族粘罕胡捨
爲謀主銀朮割奚烈婁宿閣母等爲將帥敗高仙壽蕭
嗣先等軍延禧親征大敗又敗高仙壽軍陷甯江州又
破蕭嗣先軍於白江走張琳吳庸破武朝彥於徠流河
率皆騎兵刻小木牌繫於人馬爲號每五十人爲一隊
前二十人被重甲持戈矛後三十人輕甲操弓矢每遇

敵則兩人躍馬而出觀陣虛實然後四面結隊馳擊百步之外弓矢齊發勝則整陣緩進敗則復聚而不散其分合出入應變周旋人自爲戰初延禧親征下詔有翦除之語太祖聚衆曰吾與汝輩起行伍苦契丹之暴欲立國耳今乃欲盡行翦除非人人效死恐不能當不如殺我一族而降可轉禍爲福諸酋羅拜曰事已然願盡死以是戰無不勝

完顏氏始未有文字景祖第八子阿离合瀨於祖宗族屬時事竝能默記與斜葛同修本朝譜牒是爲制字之始太祖時命歡都之子谷神撰本國字依漢人楷字因

契丹字制度合本國語製女真字天輔三年字書成頒行之其後熙宗亦製女真字謂之小字谷神所製謂之大字谷神今作希尹

契丹時咸州兵馬司所隸女真謂之輝發輝發本黑龍江泥馬察部人

國初有其部人旺吉努者招服諸部於河邊築城以居因號輝發國本屬扈倫金代部落之遺也萬曆二十有一年葉赫哈達輝發烏拉科爾沁伯卦勒察珠舍里訥殷合九國之師三萬侵我

太祖率諸貝勒拜堂子啟行至古呼山據險而陣時敵

方攻赫濟格城命額亦都以百騎挑戰敵罷攻來戰葉赫貝勒布齊科爾沁貝勒明安身先督陣布齊馬觸木而踣我兵斬之明安馬陷淖棄鞍跨驕馬遁衆軍遂潰乘勝逐北斬級四千獲馬三千鎧冑千弁禽烏拉貝勒之弟布占泰二十五年葉赫哈達輝發乞盟締媾三十年輝發貝勒以所部多叛歸葉赫遣使求質以樹援復信葉赫之誑索還其子以質於葉赫所約之婚亦背不來取築堅城以拒守是年彗星東指輝發國我

太祖征之國遂亡時辛未九月

滿洲初爲部落各國書本作滿珠二字皆平讀乾隆四

十二年

上諭我朝肇興時舊稱滿珠所屬曰珠申後改稱滿珠而漢字相沿訛爲滿洲其實卽古肅慎爲珠申之轉音謹案

發祥世紀長白山之東有布庫哩山其下有池曰布勒瑚哩相傳三天女浴於池有神鵲銜朱果置季女衣季女含口中忽已入腹遂有身等產一男生而能言體貌奇異及長天女告以朱果之故因錫之姓曰愛新覺羅名之曰布庫哩雍順與之小舫且曰天生汝以定亂國其往治之天女遂凌空去於是乘舫東流至河步折柳

枝及野蒿爲坐具端坐以待時長白山東南鄂謨輝之

地

一作俄
漠惠

有三姓爭爲雄長日構兵相仇殺適一人取

水河步歸語衆曰汝等勿爭吾取水河步見一男子察其貌非常人也天不虛生此人衆皆趨問答曰我天女所生以定汝等之亂者且告以姓名衆曰此天生聖人也不可使之徒行遂交手爲舁迎至家三姓者議推爲主遂妻以女奉爲貝勒居長白山東鄂多理城建號滿洲是爲開基之始靈異昭著商之元烏降生周之高媒履武奚以加焉

高宗御製四言詩紀其事天女所浴之布勒瑚哩池經

欽定卽在長白山以肇迹於東至今西藏每歲獻丹書
敬稱

曼珠師利大皇帝繙譯名義曰曼珠華言妙吉祥也又
作曼殊室利大教王經曰釋迦牟尼師毘盧遮那如來
而大聖曼殊室利爲毘盧遮那本師殊珠音同室利一
音稱號實本諸此漢字作滿洲以洲字義近地名假借
承用

滿洲源流考列興安嶺未及分界石碑事當明之季我
大清兵定黑龍江索倫達瑚拉等部俄羅斯之羅刹部
亦踰外興安嶺侵逼黑龍江北岸之雅克薩尼布楚二

地兩師相值各罷兵又南侵布拉特烏梁海崇德四年
大兵毀其木城未及戍守順治初羅刹復築城據之索
倫達虎爾二部本居額爾古納河及淨溪里江間地與
接壤亦被侵擾康熙十五年入貢猶潛侵不退二十一
年都統公彭春進討已乞降猶據雅克薩如故二十四
年黑龍江將軍薩布素等進兵圍之二十五年遣使請
撤圍定邊界二十八年遣內大臣索額圖等與其使臣
費要多羅等會議於尼布潮於格爾必齊河口東岸立
石爲誌勒滿漢字及俄羅斯拉提諾蒙古字於上俄羅
斯字橫行自左而右東合拉提諾西合托忒烏珠克諸

體拉提諾者西洋字托忒者厄魯特字烏珠克者蒙古字也其文曰

大清國遣大臣與俄羅斯國議定邊界之碑一將由北流入黑龍江之綽爾訥卽烏倫穆河相近格爾必齊河爲界循此河上流不毛之地有石大興安以至於海凡山南一帶之溪河盡屬俄羅斯一將流入黑龍江之額爾古納河爲界河之南岸屬於中國河之北岸屬於俄羅斯其南岸之眉勒爾客河口所有俄羅斯房舍遷徙北岸一將雅克薩地方俄羅斯所修之城盡行除毀雅克薩所居俄羅斯人民及諸物用盡行撤往察漢汗之

地一凡獵戶人等斷不許越界如有二小人擅自越
界捕獵偷盜者卽行禽拏送各地方該管官該管官照
所犯輕重懲處或十人或十五人相聚持械捕獵殺人
搶掠者必奏聞卽行正法不以小故阻壞大事仍與中
國和好毋起爭端一從前一切舊事不議外中國所有
俄羅斯之人及俄羅斯所有中國之人仍留不必遣還
一今旣永相和好以後一切行旅有准令往來文票者
許其貿易不禁一和好會盟之後有逃亡者不許收留
卽行遣還咸豐十年申舊好議新界經和碩恭親王與
其國大臣伊格那替業福議定載諸和約曰此後兩國

東界定爲由什勒喀額爾古納兩河會處卽順黑龍江
下流至該江烏蘇里河會處其北邊地屬俄羅斯國其
南邊地至烏蘇里河口所有地方屬中國自烏蘇里河
口而南上至興凱湖兩國以烏蘇里及松阿察二河作
爲交界其二河東之地屬俄羅斯國二河西屬中國自
松阿察河之源兩國交界踰興凱湖直至白稜河自白
稜河口順山嶺至瑚布圖河口再由瑚布圖河口順琿
春河及海中間之嶺至圖們江口其東皆屬俄羅斯國
其西皆屬中國兩國交界與圖們江之會處及該江口
相距不過二十里繪畫地圖內以紅色分爲交界之地

上寫俄羅斯國阿巴五噶達耶熱皆伊亦喀拉瑪那倭
怕啦薩土烏等字又曰上所言者乃空曠之地遇有中
國人住之處及中國人所占漁獵之地俄國均不得占
仍准中國人照常漁獵從立界牌之後永無更改並不
侵占附近及他處之地案

國初分界石碑在齊齊哈爾城西北二千五百里黑龍
江城西北一千七百九十里格爾必齊河東岸河源出
西北興安嶺東流入黑龍江額爾古納河源出枯倫湖
北流八百餘里會東來之數水入黑龍江河之北岸卽
俄羅斯在齊齊哈爾城西北二千里眉勒爾客河在齊

齊哈爾城西北一千五百七十里新界所分之烏蘇里
河源出希喀塔山北流會諸河爲一又北受興凱湖流
出之松阿察河流經千餘里會混同江東北流入海卽
古胡里改江也在甯古塔城東一千餘里興凱湖周圍
數百里湖之南諸山中流出之門河烏渣虎河勒福河
都忒黑等河皆匯焉又自湖東北流出爲松阿察河東
北流注於烏蘇里河卽明統志之鏡泊在甯古塔城東
南七百里松阿察河卽興凱湖東北流出之水也又東
北匯於烏蘇里河在甯古塔城東南九百里白稜河源
出白稜窩集東北流會數水凡五百餘里入烏蘇里河

在甯古塔城東四百里琿春河本作渾春亦作渾蠡源
出通懇山會諸小水西南流入圖們江金史世紀有渾
蠡水與統門水合流金史留可傳留可統門渾蠡水合
流之地烏古倫部人卽此琿春也在甯古塔城東南六
百里圖們江本作統門音轉爲土門又作徒門今作圖
們源出長白山東北流繞朝鮮北界又東南折會諸水
入於海明志有徒門河流經建州衛東南一千里入於
海通志云明統志有阿也苦河源出長白山東流入海
今長白山之水東流者有土門江無阿也苦河名當卽
一水在甯古塔城南六百餘里而黑龍江在甯古塔城

東北一千二百里昔之界在黑龍江今之界在甯古塔
瑋春甯古塔關隘也南與朝鮮接界皆庫雅拉等所居
東至海二百八十里西至圖們江二十里南至海一百
十里北至佛思恒山一百二十里康熙五十三年編置
佐領設協領防禦管轄談形勢者審焉

--	--	--	--	--	--	--	--	--	--

布特哈志略敘

志以記事取事實不取文藝今於朔漠遼金
舊壤沿嫩江努敏江兩流域中有能搜羅古
蹟遺聞創編巨帙貢獻當世者斯亦匪易況
乎出諸遼蒙族裔之手不尤難能而可貴乎
孟君鏡雙遼裔名族即今呼為達胡爾人也
余曩濫綰布西設治篆時君時充西布特哈
總管公著旗務科長一城同官朝夕過從見
其人彬彬文雅無尚武風而性嗜漢學聽其

戶
縱談布特哈沿革興廢事甚悉與同族時彥
何鵬字壯飛者許為布西雙傑余均器重之
歲壬申余賦遂初歸寓江垣孟君復來過訪
且攜所著布特哈志畧一書囑為序文余既
欽且喜孟君之有志又復自慚己之無學蓋
前此未聞鏡雙有編志之舉今則巨帙忽呈
於目前矣其苦心孤詣志堅有恒所以欽且
喜余不敏素少讀書不解文藝更何知乎序
文乃謬承雅囑所以自慚噫鏡雙其誤矣哉

固辭至再不獲鑒諒將拂鏡雙之雅耶毋寧
貽方家之笑余觀夫全書六編以人物一編
多取材於黑水先民傳餘均鏡雙之自撰耳
余昔嘗登宜卧奇山北望興安大嶺蜿蜒蒼
鬱天然屏藩南瞰龍沙橫貫烏淤爾一河奔
流足下左嫩水而右努敏兩江映帶一瀉千
里氣雄而勢壯土厚而民鷲是以在地之蘊
藏則有五礦之豐富發長則有五穀之秀實
在山林之蘊藏則有材木可伐用有虎豹熊
羆

鹿可獵取有藥草山菜可採可食有禽鳥飛
鳴可看可聽在江河之蘊藏則有漁業之利
有運輸之便更有兩岸稻田可資灌溉其於
人也亦然有奇士有勇將有忠臣孝子不觀
夫遼金元清四代之崛起乎必有達胡爾鄂
倫春健兒之踪跡馳騁中原大顯身手為功
臣為名將勲業烜赫圖像立祠者斑斑可考
故世稱深山大澤必生龍蛇而天寶地靈之
區精華所聚必生英俊讀史者每謂布特哈

一之隅地里攸關乎歷代之興廢不其然歟
不其然歟今則其地滿蒙雜居輪舶交馳水
路田疇日闢文化日開如有博古好奇之士
游歷其山川航泛其江流采風問俗憑弔古
今則可攜孟君此編作鄉導參考事蹟須於
詞義之外必有所得夫苟有所得是孟君創
著之苦心孤詣貢獻於世未常無益既有益
於世應當嘉其志欽其人並可重其書是即
余不揣謏陋為序之微旨與陳鴻謨謹叙

.

2

布特哈志略自敘

布特哈名稱自清始即滿語譯漢打牲因土人打牲生活故名其地中跨嫩江流域西北倚內興安嶺與內蒙諸部接連東南臨呼蘭河與北滿為鄰土人分索倫達呼爾兩部索倫接滿語認明確為滿洲之北邊一部達呼爾接蒙語係內蒙之東北邊部所謂達呼爾或達虎里者契丹盛時中國人以其關外東胡人尊稱曰大胡人於是本族人亦以大胡

人自稱契丹之君號因之曰大賀氏至清註
藉以音致轉字誤也蓋古來關外北方民族
為滿蒙兩大家內中各分若干小部落隨所
在水土氣候而成各族之土音習俗於是音
俗雖變言尚未遷則通曉其語言者可以分
別認明某部落為某大家之枝派且以山派
河流之名稱可知原屬某家所在處所矣余
為斯地土著生於清末民初學習滿蒙文藝
充當旗民差務按滿蒙漢語諮訪土老之遺

傳語音徵求山脈河流之名稱復經考諸歷代史書如魏之勿吉係窩集之轉音即滿語森林黑龍江興地圖嫩江以東黑龍江以西地方山林尚以某某窩集註稱滿洲在關東自稱為朱申即肅慎之音轉則今之滿洲為三代之肅慎漢之索離隋之靺鞨黑水五代之女真金後索倫即索離之音轉本屬索頭部索頭者以其編髮為辮而稱辮制自清始則其為滿洲之別部金末遺留於斯至元流

落於黑龍江南岸庫瑪爾河地方圍獵生活
無疑矣唐之室韋係錫窩之音轉即蒙語樹
叢如嫩江左右蒙部地方山林樹叢迤以某
某室韋或錫窩註稱且契丹阿保機挫敗室
韋而置突呂不室韋部於秦州東北其地自
嫩江以西至索岳而吉山以東金婆盧火為
防遼裔起挖邊堡始自嫩江右岸西南直隸
圍場元太祖帖木真起自黑龍江上游斡難
河即今之鄂嫩河達呼爾部人以鄂嫩得姓

者為多則豈非唐之蒙兀室韋契丹之貴族
遼裔避金北移於黑龍江上游鄂嫩精奇里
江等處遊牧生活乎元為太祖帖木真本部
故不在封疆之列至清於黑龍江南岸鄰處
索倫部一同陸續朝服而內移循嫩江訥謨
爾阿倫格泥雅魯等河一帶隨水草落居而
成斯地土著以滿蒙兩家東北邊界毘連鄰
處一方之兩小部落合作一旗居此山川明
秀天然佳鏡我先民學習滿文滿藝遊牧漁

獵吟咏謠諠每值國難從軍効命卓著武功
 名標紫閣世享優榮特典事屬流傳紀載值
 此時勢變遷世運轉換天始欲予吾族以復
 興之機乎則啓後原於承先教典豈可忘祖
 此即余之不嫌蕪陋搜集所得草布特略志

略一編之微意也編次分歷代沿革附敘土人種族

及歷任官村落姓氏附敘地水面陸物產及

史之姓名國宣勞著蹟史冊者古蹟邊堡廟

俗人物為國事傳附列現代職官古蹟字碑銘
之類額謠諠土人平素經政建設政治聊供史

象之取材并以俟同志君子之匡政焉

序

9

1

2

布特哈志略

西布特哈孟定恭鏡燮編

歷代沿革

布特哈地方伊古為窮荒之域土人隨各遊
牧處所而成部落其首領曰酋長部長每部
各自為政中國治則通而來賓不治則叛而
互相吞併爭為雄長至士馬日強土宇日廣
但與中國敵此即三代之肅慎漢之索離魏
之勿吉隋之靺鞨唐之室韋五代之女真代

有興替名稱不一以至遼金元遞世興亡而以陳習爭尚武功文治缺然李清雖經居於黑龍江外五城之一因在武備之下未遑講文至於略有備具之檔案庚子俄亂焚毀一空典籍莫稽曷勝遺憾今則五族一家部落化為縣治牧地變成良田江山不可復識而人類又呈複雜於是恐其久將入於五里霧也爰徵求山川部落之古今名稱與士老遺傳之舊聞語音凡諸史冊而符合者志歷代

沿革

布特哈古息慎氏地山海經大荒之中有山名曰不咸有肅慎之國

鄭氏康成說息慎即肅慎郭璞山海經註肅

慎國去遼東三千餘里按不咸山即長白山

肅慎指寧古塔黑龍江諸境而言則布特哈

在其地矣孔子家語周武王時肅慎氏貢楛

矢唐虞曰息慎竹書紀年帝舜二十五年息

慎來朝貢弓矢是為東荒絕域國見於中國

歷史之始云

漢屬北夷索離國索離魏畧作橐離梁書作橐離後漢書

云索離王出行其侍兒於後姪身而生男名

曰東明王患其為禍也欲殺之東明遁南至

掩濞水以弓擊水魚鼈皆淨為橋行渡至扶

餘地而王是為扶餘建國之始云按扶餘在

五帝全志卷二 歷代沿革 二

疑其之稱不支涇鞫高所魏哈水斯者水吉有
 矣地嫩鞋復朝號其句致為地賴地為即林年
 無江鞫東貢室部麗沃勿吉國黑水部窩集烏稽阿集皆音轉
 土七部其基於難水稱云之則布特哈為
 人至其於難水稱之則布特哈為
 今以難水稱之則布特哈為
 以難水稱之則布特哈為
 於難水稱之則布特哈為
 難水稱之則布特哈為
 水稱之則布特哈為
 稱之則布特哈為
 之則布特哈為
 則布特哈為
 布特哈為
 特哈為
 哈為
 為今

隋屬黑水靺鞨為白山部最北者為黑水部則布特哈屬黑水部境無疑也

唐時嫩江以東為黑水府境嫩江以西為室

韋地多祥擊破玄宗開元十年更為府拜其

酋長李獻誠為黑水府都督時有室韋國在

西東與黑水靺鞨為鄰服唐朝貞觀末之

契丹興遂為所有阻于可汗置突呂布部

長春州西阿保機置突呂不室韋部成秦州

東北涅刺等古部成秦州東自嫩江以西索

岳你吉山以東俱役服之則布特哈其地無

疑矣按室韋係錫窩之轉音即蒙語譯漢樹

叢蓋因上古此處山深林密土人藏居其間

出沒無常始爾得其名也

五帝全志

歷代沿革

三

五代時契丹屬生女真地至五代時黑水靺鞨及渤海地皆附

屬契丹蔓延於松花鴨綠間在松花江西南為熟女真松花江東北者曰生女真則布特

地矣哈在其

遠曰上京路東邊突呂不室韋部遠上京臨黃府即今

內蒙巴林東北一百四十里之坡羅城契丹

耶律阿保機挫敗室韋而置突呂不室韋部

戊泰州東北其地自嫩江以西索岳爾吉山

以東則屬布特哈矣按耶律係蒙語嘉落光

明之意阿保係鄂博之轉音即土堆之謂機

係額齊之平音併簡即頭也蓋因其人尖頂

性情磊落而得姓名者也

金屬蒲輿路泰州地金蒲輿路南至上京六

改一千四百里今黑龍江以西松花江以北
 嫩江左右係以扶餘得名即明之福餘衛地
 惟疆界羸縮互殊耳時金宗室婆盧火從太
 祖攻黃龍府及平東方諸部以功授謀克天
 輔五年太祖以舊部膺萬餘使婆盧火可種
 遂擇諸猛安謀克中民戶萬餘使婆盧火統
 之屯餘秦州地秦州者故契丹二十部族牧
 地遠之長春州是也金兵既西畧諸部族咸
 西北徙為邊患婆盧火內修農業外飭邊備
 起達里帶石堡子達里帶石者屏蔽也西南
 直抵臨潢浚壕立界為堡二十有四史所稱
 長春邊堡是也其跡迤今在西布特哈總管
 署北三里之遙起自嫩江右岸西南直抵直
 隸圍場屹屹若長城可稽則布特哈為秦州
 地無疑矣

元屬黑水府達達路為東北諸王封地
 契丹

本生明志是

口

他部可以紀者有塔塔爾秦赤烏有達達女
 真代興成隸屬焉元太祖帖木真幼與札木
 合戲冰幹難河即鄂嫩河長為塔塔爾部長
 遊牧捕魚兒闊連兩海子間兀兒失温上即
 今之呼倫貝爾烏爾順河女真達遠路在其
 東云至於元初封建諸王於東方自臨潢東
 北秦寧路松花嫩江等處皆別里古台封地
 則布特哈在其境矣元為蒙古即東胡匈奴
 鮮卑突厥回紇更迭占據之地唐時有蒙兀
 室韋為此族之起源蒙兀之先嘗服屬於東
 胡東胡族即通古斯之轉音故人種學家稱
 其同出於東胡至金時合不勒為部長自
 號大蒙國即蒙兀之轉音成吉思汗時兵
 力真達歐州泰西人因以蒙古為黃種之代
 表同稱黃種為云
 蒙古利亞種種云
 明屬福餘衛
 明初以元浚烏梁海置外衛自
 大寧歷喜峰近宣府曰柔顏衛

本元之朵顏兀帥府也迨成祖棄大寧以賜
 朵顏其地益廣今熱河特別區及其北境之
 地皆屬之西界秦寧衛北界福餘衛正統十
 二年衛拉特強盛以兵侵三衛朵顏秦寧皆
 不支乞降惟福餘衛長奎孟克率所部走嫩
 江據其地而國則布特哈在福餘境無疑矣
 福餘係金之蒲輿
 即扶餘之轉音
 清曰布特哈清係滿洲愛新覺羅氏愛新者
 為朱申即女真之轉音則生女真阿骨打滅
 遠建金清為其後無疑三代之肅慎即女真
 之先祖肅慎之轉音為女真猶如女真之轉
 音為朱申至布特哈者譯漢打牲也蓋因土
 打牲活
 得名

康熙二十八年設置總管衙門駐防於嫩江

右岸宜臥奇地方轄理該處八旗事宜係八旗

黃正黃正白正紅廂白廂紅正藍廂藍等八
色旗旂清制國軍專由旗戶分旗編練以備
用武布特哈地方因有達呼爾索倫等部
人雜居設九十二佐分編八旗統設總管衙
門一置索倫達呼爾滿洲三總管合理之衙
署建於西北倚金山連邊堡東南臨嫩江流
及尼爾吉渡口山環水抱之宜臥其後也其
轄境西南自索岳爾吉山起西北經呼倫
爾興安嶺為界東北與墨爾根即今之嫩江
縣連界東南行訥謨爾河源經呼蘭齊齊哈
即興今之龍江縣為界同治季年以浚歷任
滿洲總管曰諾門德勒和爾巴彥蒙庫良忠
富爾增布均為齊齊哈爾旗人達呼爾總管
曰薩尼布東布特哈他本沁屯人達呼爾精
額東布特哈霍奇屯人曰業普春東布特哈
德都拉屯人索倫總管曰富勒興阿東布特

哈開閣沁屯人曰恩特恒額東布特哈嘎布特哈托木沁屯
愛豐阿西布特哈阿爾布拉屯人其同治季年
以前官名因庚子俄亂布特哈衙門檔案在
博爾多副都統衙門同時焚毀殆盡以致無
送查考暫付闕如其衙門內部之組織分戶
司兵司堂司每若千人說正堂一人副堂一人
司官筆帖式各若千人書記亦若干人分擔
各該司內事宜

光緒二十年裁併三總管改置副都統總理

其事其衙門移設於嫩江東五十里訥謨爾

河北岸博爾多站地方博爾多站即今之訥

係以訥謨爾河名其歷任副都統曰業普春

布特哈德都拉屯人係以總管升充曰額勒

布特哈德都拉屯人係以總管升充曰額勒

右中只去是

六

精額東布特哈伯爾科屯人曰雙福齊齊哈爾旗人副都統衙門內部之組織仍如總管衙門分三司惟其司官筆帖式員額較前增多耳

光緒三十二年裁撤副都統就原有旗屯坐

落以嫩江分界劃為東西兩路布特哈各分

組八旗設總管一人掌本路旗屬事宜舊設

佐至是悉裁撤每路布特哈新組八旗旗設

佐領一人驍騎校一人歸各本路總管轄理

兩路總管署內組織仍分三司惟其員筆帖

東路布特哈總管衙門仍設於副都統衙門
舊基至民國初裁撤總管改為八旗籌辦處

設總辦一人文牘一人諸譯一人辦理籌劃

旗屬生計事宜地方行政創設訥河縣公署

治理之其歷任總管曰福齡齊齊哈爾旗人

曰純德呼蘭旗人籌辦處總辦曰德

宏東布特哈開闢沁屯人曰額
西路布特哈總管衙門移設於嫩江西岸宜

卧奇後屯舊總管衙門處民國十年創設布

西設治局地方行政事宜歸局治理局址建

於尼爾吉城基總管署亦移於設治城內辦

理籌劃旗屬生計事宜其歷常總管曰常雲
西布特哈凱和屯人

有朱明者

十

曰明德東布特哈多金屯人曰任慶齊齊哈
 爾旗人曰宜鏗額東布特哈滿乃屯人曰莊
 善齊齊哈爾旗人曰金純德呼蘭漢軍旗人
 按布特哈地方蒙古原屬斯地駐防旗人出
 則荷戈泛戎入則負擔旗役賴天然荒野到
 處馳驅牧獵間隨士宜稍事新種以維口食
 外向無分理疆界開闢大段地畝專務農田
 之事至清帝避位改為中華民國國漢蒙蒙回
 藏五族共和國家成立之初查勘該處為可
 以墾殖除蒙旗村落附近劃留旗戶生計地
 外餘均謂之浮閑荒地悉收價出放招徠墾
 戶於是內地漢民紛紛來居人烟輻輳縣治
 組事詳
 經政門詳

按上列布特哈地方名稱沿革如是其土著
 旗人則分索倫達呼爾兩部索倫人按滿語

山東市特刊四〇一册

認明確為三代之肅慎漢之索離魏之勿吉

隋之黑水靺鞨音滿語譯漢水也靺鞨係木克之轉五代之女

真金後即金及滿洲之北邊別部達呼爾人

按蒙語純係唐之蒙兀室韋契丹之貴族連

裔即今內蒙之東北與滿洲北部接連為鄰

之一部金初避而北移黑龍江上游斡難河

即鄂斡難河郭貝爾河精奇里江蘇都里河等處牧

獵生活後以所居河流之名稱而得姓氏元

為太祖鐵木真本部故不在封疆之列至清

五帝合志

歷代沿革

有朱史志是

內附所謂達呼爾或達虎里者契丹盛時中國人以其關外東人尊稱曰大胡人於是本族人亦以大胡人自稱契丹之君號因之曰大賀氏嗣經註籍音轉字誤致為今名斯地土老遺傳達呼爾人自元滅後遺留於黑龍江上游地方遊牧漁獵生活時領首者曰哈蘭德坎汗及其子薩吉爾迪汗繼續統轄於是本族人曾記祖來之汗薩吉爾迪之名無不知曉尊崇且道其故事者則不能不謂無

因惜明季時代達呼爾人隔居黑水北岸稀
尚往來消息不通致無史紀遺傳文獻缺乏
無所取材未即確認為是姑記之以待專門
名家之考定焉

村落姓氏

伊古命氏起於封建後世譜牒推崇郡望世
系之遞衍關於民族之盛衰有攸來矣亦特
哈有封建之世爵而無百代之望族雖以文
憲無徵實緣游牧未定謂無氏族不可也往

布特哈志

九

者豐功偉烈炳耀一朝謂吾氏族之不若人
尤不可也往者已矣繼今而欲綿百禩垂無
窮者後賢之責其可忽乎志材落姓氏

按達呼爾索倫兩部於清崇德年間歸服陸
續內移上自嫩江左右東迄訥謨爾河兩岸
西沿努敏格泥阿倫雅魯河一帶各族逐水
草挨次落居村屯牧獵生活而成布特哈土
著茲舉其村屯名稱戶族姓氏列表於後
東布特哈

嫩江左岸自墨爾根江即嫩界博爾汽屯

起南至齊齊哈爾江即龍界擺渡屯各

屯如左嫩江自內與安嶺南松花江

村落姓氏村落姓氏

博爾汽鄂嫩氏花馬台鄂嫩氏

提古拉鄂嫩氏多金教拉氏

海拉圖放拉氏博庫沁前後兩屯均鄂嫩氏

博索沁前均鄂嫩氏開闊沁鄂嫩氏

杜拉本沁鄂嫩氏拉力沁前中後三屯均為教拉氏

村落姓氏

右半略去見

奎勒沁

分三屯均為敖拉氏

華爾沁

敖拉氏

多西沁

係由江西多西沁徙居敖拉氏

庫勒沁

敖拉氏

都西沁

敖拉氏由江西登特科屯徙居

秀倭爾沁

孟爾丁氏由江西宜臥奇屯徙居

達哈沁

鄂嫩氏

阿拉哈沁

孟爾丁氏

罕塔拉

孟爾丁氏分前後兩屯由阿拉哈沁徙居

薩哈錦

沃勒氏係由江西西拉金移居又名額依勒得屯

嘎樹喀

涂克敦氏並有精奇里氏雜居

大嘎布喀

又名章音屯涂克敦氏

楊樹屯

涂克敦氏

榛子街

涂克敦氏

小間房

又名穆爾滾奇涂克敦氏

大間房

又名穆爾滾奇涂克敦氏

罷渡屯

又名白羅爾孫涂克敦氏

訥謨爾河上游南岸各屯

訥謨爾河自內興安嶺東南脈

西南流入嫩江

溫察拉

德都拉氏

德都拉

德都拉氏

都拉色

杜拉爾氏薩瑪西爾氏雜居

敏特格

倭熱氏

訥謨爾河上游北岸各屯

奈陽

又名阿房係由溫察拉氏移居為德都拉氏

索勒格爾

杜拉勒氏

托密沁

杜拉爾氏薩瑪西爾氏雜居

兩間房

德都拉氏倭熱氏雜居

洪霍爾濟

郭貝爾氏

莽孛

郭貝爾氏

霍赤

郭貝爾氏並有索多爾氏雜居

莫力

前凌兩屯均為郭貝爾氏

村落姓氏

村落姓氏

二

有朱明志是

十一

倭都台

前後兩屯均為郭貝爾氏

他本沁

郭貝爾氏

南營

東西兩屯東北為郭嫩代西屯為郭貝爾氏

哈里

郭貝爾氏

孔國伯爾科

郭貝爾氏

莽龍伯爾科

郭貝爾氏

大伯爾科

郭貝爾氏

老萊河

又名烏爾西和也係郭貝爾氏

西布特哈

嫩江右岸甘河以西巴彥街屯起南至齊

齊哈爾

即龍江縣

界止梅勒斯屯各屯如左

甘河在努奴河東北自內與安嶺南脈東南流入嫩江

巴彥街

敖拉氏

薩瑪街

敖拉氏

凱河

鄂嫩氏

宜斯坎

敖拉氏

胡日里

前凌三屯均為鄂嫩氏
係胡日里河得名後

宜斯爾

鄂嫩氏

為和
禮屯

登特科

敖拉氏

多西沁

前後兩屯
均敖拉氏

尼爾吉

孟爾丁氏布西縣城設
在此屯即莫力達瓦旗
署所
在地

宜臥奇

前中凌三屯均為孟爾丁氏西
布特哈總管署在宜臥屯

阿彥沁

鄂嫩氏

果尼

前後兩屯
均敖拉氏

會土墨爾

孟爾丁氏

大墨爾丁

孟爾丁氏

小墨爾丁

孟爾丁氏

西拉金

三屯後屯為沃勒氏
中前兩屯為吳然氏

爾根沁

吳然氏

漢古河

東西兩屯均
博拉木氏

戶寺

村落姓氏

在朱明志

十一

坤都沁

吳力斯氏

薩瑪街

吳然氏

桂勒圖

前凌兩屯均為屠克敦氏

沃勒奇

蘇都里氏由綽爾哈徙居

綽爾哈

蘇都里氏

梅勒斯

精奇里氏

西瓦爾土河上游胡日里河迤南各地如

左西瓦爾土河自內興安嶺南脈西南流
入努敏河胡日里河在西瓦爾土河東北
自內興安嶺南脈東南流入嫩江

特莫呼珠

鄂嫩氏

雅普奇尼爾吉

由前尼爾吉徙居係孟爾丁氏

庫木西拉金

由前西拉金徙居為吳然氏

大庫木爾

由大墨爾丁徙居係孟爾丁氏

小庫木金

由小墨爾丁徙居係孟爾丁氏

西瓦爾土

後改為大瓦土係孟爾丁氏

拉淺托爾蘇

由江東拉力沁屯
徙居係教拉氏

大孟莊

由大庫木爾屯徙
居係孟爾丁氏

努敏河左岸各屯如左

努敏河自興安嶺南
脈東南流入嫩江

庫如奇

原由宜卧奇徙
居係孟爾丁氏

索倫庫如奇

杜拉勒氏

甘沁

屠克敦氏

章印沁

屠克敦氏

喀雅都爾本

教拉氏

馬爾丹沁

屠克敦氏

阿拉爾

教拉氏

布坤沁

屠克敦氏

西必奇

教拉氏

西瓦爾吉

後改為小瓦土爾
後又改為興隆堡

烏爾科

係蘇都里氏分
前中後三屯

烏科莫丁

孟爾丁氏係由
丁大墨爾徙居

哈力沁

訥的姓為
前後兩屯

博克圖

庫爾替氏

丁字八

村落姓氏

丁

有特哈志

博克圖莫丁

由大莫爾丁徙居孟爾丁氏

畢台

東西兩屯均蘇都里氏

博倫沃勒氏

努敏河右岸各屯如左

杜克他爾 屠克敦氏 薩瑪街 屠克敦氏

杜拉勒 杜拉勒氏 西路克奇 屠克敦氏

西路村 敖拉氏 五家子 屠克敦氏

呼初烏爾科 係由烏爾科屯移居蘇都里氏 胡爾土會 蘇都里氏

查哈彥 蘇都里氏 莫苦沁 敖拉氏

托索虎 由豐卧奇屯移居孟爾丁氏 都爾本 敖拉氏

格尼河上游各屯如左
格尼河自內興安嶺南脈東南流入努敏河

得勒奇爾

屠克敦氏

冷伯爾格

納克塔氏

納克塔

納克塔氏

依勒本得

屠克敦氏

薩拉口

克勒特 西爾氏

牙爾賽

克勒特 西爾氏

沃勒莫丁

敖拉氏

阿倫河上游各屯姓氏如左

阿倫河在格尼河西自內興安嶺南脈東南流入嫩江

查巴奇

屠克敦杜拉 爾氏雜居

翁布奇

屠克敦氏

哈拉蘇

大卜土氏係由雅魯河東岸移居

巴彥托庫

納克塔氏

杜拉爾

杜拉爾克音卜爾札西爾等氏雜居係由雅魯河移居

諾西特

哈卡爾氏宜卜吉爾氏雜居係由雅魯河移居

村落姓氏

村落姓氏

卜日

依拉達

杜拉爾氏屠
克敦氏雜居

庫爾奇

納克塔氏

札爾呼奇

杜拉爾氏

索洛克奇

阿爾本昌氏大布土氏
雜居係由雅魯河移居

那吉

精奇里氏納
克塔氏雜居

倫土庫

阿爾本昌氏杜拉爾氏
雜居係由雅魯河移居

吉木倫

屠克敦氏

章他爾

納克塔氏杜
拉爾氏雜居

右列各旗屯每屯大者百餘家或八九十家或三五十家小者七十里或百餘里不等所住者草房三間兩間或五間不等屋中三面火炕以防嚴寒信佛教家供佛像於西屋西上牆住長輩招待親友均在西屋以重西方藉示尊敬存儲貨物專修東西配房屋底距地高三三尺舖以板墊以防潮鼠之患因其底台似樓名之曰樓

房院周以楊柳柞樺等樹架作樟牆或以松木板裝為板樟養牛馬者多猪羊為少辦婚喪筵事並無鼓樂將家畜野獸等肉成塊煮就手把割啖為貴蓋因上古時代交通不便南萊藝術兩乏依土產本味因地制宜而為

以成習慣也禮節從滿制平素相遇年節黏貼

畫彩對聯除夕辭歲元旦接神並赴親友家慶賀婚嫁則擇通使媒介紹定親納禮結

婚懸紅合卷新夫婦拜天認親反辦喪事

則着白衣孝服擇吉開吊登引對哭奠

祭筵待親友均庭訓尚武厲前幼後正肅嚴

行下跪叩首禮

戶寺公志

人物

卜五

不牛只六身

拍球真撲實忍

耐苦勞為尚 努敏格尼阿倫等河一帶屯

所因處於山林野獸豐富圍獵麇鹿灰鼠狹

狽狐貉豺狼 赴山圍獵必須報官繳納照費

俾資持 穿着麇皮衣服麇膝皮底靴靴者為

証前行 穿着麇皮衣服麇膝皮底靴靴者為

夥 男女服袖窄身長右襟左右開衩色尚藍灰

祭 麇 膊皮靴 名曰查卡米柔煖宜於冰地

為該處特產嫩江訥謨爾河一帶屯所地域

平坦廣闊宜於墾殖耕種 如小麥芥當麥蕎

薯白 芥 蘿 葡 葱 茄 子 稷 粟 黍 玉 蜀 黍 大 麻 鈴
麻 烟 葉 黃 瓜 香 瓜 西 瓜 等 類

農暇則在嫩江捕魚魚類則黃白鯽鯪草根

魚頭等為多

冬江左右各旗屯備有魚網每年

布兩縣會勘網場定章發票冬網分甲已兩

等甲每處收票費大洋二十五元乙等每

處收票費大洋十五元出票期限由霜降至

開江為止夏曰明水網分上中下若干段每

段收票費大洋二十五元出票期自開江至

霜降為止每屆出票土著旗人有優先報願

權或赴嫩江甘河努敏河上游山林砍伐木

排順流放下江省變賣以謀生活者亦復不

少所放者松木排楊木排松木檉楊木檉松

排楊木排松木檉楊木檉松

劈柴之用

且有擅製大輪車輛之藝術每

卜六

年八月間從山路運往海拉爾爾即呼倫屬趕

珠爾廟寧即壽集會交換牛羊馬匹藉資營生

者作車材料利用黑樺木車輪輻高約二尺

一定尺寸許輞徑二寸左右其大小並無

而為惟軸長均以八尺為標準耳其為車也

輕便且能擔運千斤重載上下行走山谷溝

壑草道猶如平地故別稱曰草上飛以為該

處特藝其他蒙部於是民國時代有承領內

所不能及者也部於是民國時代有承領內

興安嶺南脈山場營作林業之戶日見其衆
其辦法將山場執照由實業部領出後任人
前赴山場段內砍伐木料或以水路放木
排柳從路陸運輸必經布特哈境內查哈
尼爾吉等渡口渡口設卡所隨特抽收十

十分之一或二
三之抽分不等
至於土人就地營生所獲土
產不足須兩互交易以應需用者則兩家情
誼較為敦厚結為安達以資常久交往豈非
以市場而成友誼猶有兀成吉斯汗與托木
合結交安答之遺制歟夫天生斯民必賦其
地而得依其水土物產利賴生存馴成性情
習俗非係人力所能為尊南抑北薄東厚西
者其亦不思之甚也

人物

于寺合志卷

人物

十一

布特哈旗人情樸厚而質直見義忘利為國
忘家雖武功顯著官一品爵五等圖像紫光
閣而其子孫遵典襲授世職外恆無餘資遺
產身後蕭條賴國家賜銀治喪輕財好義不
事積聚遞演而成倚賴惰性先民之遺教固
其然歟迨夫國體改造民治代興而莫知奮
勵以圖生計放棄權力以甘弱累又豈國家
振興民族之本意也哉矧在當地駐防例膺
選拔之實職佐領驍騎校及騎都尉雲騎尉

監生等襲職不乏傑出人物可為矜式而曆
著軍國勲勞尤增史簡以代表我民族之精
神者固大有人在無傳述以隆景仰而資
激勸耶志人物附列最近服務
地方職銜員名
博木博果爾 黑龍江庫爾喀部索倫以材
武長其部明崇禎十年即清太宗崇德二年
朝於清次年又朝貢方物尋於清絕黑水諸
部惟索倫達胡爾為大博木博果爾得衆心
江南北各城屯俱附之清太宗慮其勢盛不

可制使薩木什喀將左翼軍副以伊遜索海
 將右翼軍副以葉克舒北伐既至呼瑪爾河
 分兵畧地拔雅克薩名城烏庫爾名城進圍鐸陳
名城博木博果爾率六千人來爭鋒銳甚索海
 斂兵還薩木什喀將輜重殿後伊遜憤其怯
 與牛衆郎圖騎都尉阿爾休各以其屬伏於
 喇里圍鐸陳間博木博果爾深入陷伏中傷
 七十人亡其衆四百清軍傷亡尤衆郎圖戰
 死博木博果爾復使其党杜俄臣以鐸陳阿

薩津二城之衆橫擊清師阿爾休章京穆虎
穆甌雲騎尉和託俱歿於陣惟雅巴克以六
人脫出太宗陽召索海等還須後命而使錫
特庫以料爾沁諸部兵潛襲之料爾沁接壤
索倫而親附於清故也博木博果爾游牧齊
路德河不虞清師之駭至倉卒不能軍被禽
其部屬次第臣屬於清世祖鼎定後四征不
庭威稜絕域索倫之名乃大著官一品爵五
等圖像紫光閣者相望也

巴爾達齊 達胡爾精奇里氏世居黑龍江
多科屯達胡爾部長也清天統八年來朝適
科爾沁噶勒珠塞特爾等各率所部託言往
索索倫賊叛去巴爾達齊所部與索索倫鄰恐
見襲急歸護其國其後數朝貢方物清太宗
妻以宗室女授額駙崇德八年索索倫部博木
博果爾拒清命江南北索索倫俱應之巴爾達
齊不以為動堅壁待王師順治初率屬棄土
內附隸正白旗爵三等男遇恩晉一等坐事

革薩哈連 巴爾達齊第一等輕車都尉卒
三子長堪楚堪三等輕車都尉次謨密岱騎
都尉三敷岱都統謨密岱之孫薩克慎和碩
額駙札里木 巴爾達齊同族順治初與族
弟卓諾圖瞻同特來歸均以功授騎都尉加
至三等輕車都尉札里木卒次子柏爾赫圖
襲卓諾卒子博雲圖襲圖瞻卒子象神保襲
鄂謨爾託 巴爾達齊同族清初來歸隸正
白旗授二等侍衛子布爾濟岱孫和通知曾

有崇以志

孫和克托均任副都統銜索倫總管

綽奔 達胡爾蘇都里氏世居黑龍江清初

以衆百餘人來歸授騎都尉弟孟額德副都

統

阿克島 索倫墨爾迪勒氏黑龍江鄂奇村

人康熙十年率十六戶四十餘丁來歸受四

品章京編為半個佐領使其子党錫統之

博爾奔察 西布特哈西瓦爾土口屯人係

索倫隸正藍旗教拉氏其始仕當在康熙間

雍正十年置掌管呼倫貝爾總管閑防一員
上以命博爾奔察乾隆初擢正黃旗都統二
十一年晉內大臣命將戍烏里雅蘇台索倫
兵赴巴里坤助攻勦回部平圖像紫光閣列
前五十功臣位次二十御製贊曰雙鑠請行
索倫巨擘挽五石弓尚能殺賊如鷲之擊不
留飛鳥馬援來歸殊恩榮老博爾奔察善詞
令人侍內屢恆以危言移上意乾隆十六年
春扈從南巡次鎮江上放烟火觀者咸噉博

爾奔察答笑曰素被黃烟薰怕耶胡望而生
畏也時黃廷貴督兩江責吏民嚴故寓言之
武臣引見例較射或墮其弓上震怒博爾奔
察解曰若輩皆健兒意者欲奏其能習射勞
苦致臂痛不能引弓也上為釋然一日上親
較射不中色頗愠有長髯者至博爾奔察望
而笑曰汪都統之弟來矣上撫掌大笑都統
汪扎爾修髯時呼汪翦子上夙知之也上嘗
微行經隘巷有步軍校壘石為山於聽事前

顧而問之對曰此步兵花園也上大笑着書
福字博爾奔察侍上目之曰汝亦知此中佳
否應曰知之上所書福黑旦亮也上復大笑
論曰高宗御將吏嚴然恢恢有容好察邇言
以通上下之情博爾奔察因事諷諫言幾而
旨微宗室昭捷以為東方朔簡雍之流也
海蘭察索倫杜拉爾氏西布特哈阿倫河
依拉達屯人面銹色生有殊力善射中者輒
死幼為人飼牧勤苦而牲甚瘠假寐叢薄中

主人怪而伺之赫然席也乾隆二十年以庫
圖勒^從征準噶爾庫圖勒者譯言控馬奴也初
輝特台吉巴雅爾來降封輝特汗王其部尋
叛附阿睦爾撒納大兵至走塔爾巴哈台山
塔爾巴哈台城以山海蘭察追及之巴雅爾
得名山在城北百里海蘭察追及之巴雅爾
故善射方引弓海蘭察飛矢中其肘而顛仆
以獻賞額爾克巴圖魯擢三等侍衛遷頭等
侍衛乾清門行走賜騎都尉兼一雲騎尉世
職改入京都廂黃旗圖像紫光閣位次四十

六隨狩木蘭二虎逸入圍海蘭察囊三矢從
發二殪之衆詫為神勇三十二年大軍征緬
甸充領隊侍衛從參贊大臣額勒登額出東
路先驅至罕塔遇賊射之殪三人禽七人遂
薄老官屯額勒登額無遠畧木老官屯不克
退屯罕塔時將軍明瑞北路帥深入糧盡卻
退寇陷攻邦官軍後路斷海蘭察請往援額
勒登額不許明瑞卒戰死上誅額勒登額以
徇謂海蘭察能軍自是以忠勇結主知矣大

學士傅恒以經略來視師破敵新街復薄老

官屯

聖武記新街之戰海蘭察哈國興率舟師乘上風上游蹴之賊舟自相撞擊殺

溺數

千江水為赤王昶征緬紀聞賊舟十餘

泊西

岸我軍發礮洞賊舟稍退泊江中沙

洲獲

賊船六而無海蘭察名王在軍即軍中

中所

言當較確

授鑲藍旗蒙古副都統緬王孟較書乞款海

蘭察偕哈國興往會其十三頭目責以進表

納貢歸逃人反土司侵地皆如約轉鑲白旗

蒙古副都統已而緬甸貢不至上使再赴滇

以偏師繞之三十七年小金川土司僧格桑

拒命詔馳赴定逆將軍大學士溫福軍海蘭

察至則奪貢噶山梁碎策丹掀路頂宗覆馬

覺烏摧明郭宗策丹路頂宗馬覺烏明徑趨

美諾官寨美諾僧格桑所治也凡主司所治

土人俱稱曰官寨僧格桑走大金川依其土

司諾木索遷正紅旗蒙古都統參贊溫福軍

三十八年進規大金川自攻噶爾拉山深八

軍於木果木名塞逼攻昔嶺溫福剛愎自用謂

功在旦夕日置酒高會海蘭察諍曰師老矣

當乘間出奇以取勝不然寇將乘我身為大
將不此之務而日事宴樂非福也溫福拂袖
起諾木索果遣奇兵陷底木達地毀我喇嘛
寺糧台瞰海蘭察回援急攻木果木大營溫
福閉壁不取去海蘭察破敵還詳審雲氣知
必敗請全師出險圖再舉溫福復不從俄而
大營陷溫福中槍死喪精銳三千九百人海
蘭察殿餘衆退保美諾以應援副將軍阿桂
之師時我師新挫徒手無器械士氣頹喪或

墜銅區於地象驚謂寇至則譁走海蘭察守
美諾旬日寇大至乃還屯日隆関阿桂亦歛
軍退上授阿桂定西將軍豐紳額明亮副之
分道復進海蘭察以兵八千人道達巴宗北
山拔別斯滿拔兜烏別斯滿兜烏均地名軍事甚盛阿
桂定美諾海蘭察亦收帛噶爾角克地名布郎
郭宗名塞底木達地名岱多喇嘛寺地名獲糧四千
斛小金川平復進規大金川地勢險惡寸步
層巖水高徑仄視小金川過之諾木索尤光

狡善守共大都會曰刮耳崖譯作噉恃以為

屏蔽者則羅博瓦名山遜克爾宗地名科布曲名山

諸要塞也海蘭察恆將奇兵趣問道以拊寇

之背其戰最力其功亦最奇明年先驅度谷

噶山口風雪飛繼以大霧乘夜奪登古山碕

大破敵於羅博瓦山之旁有險曰色朔普

山名唐蓬婆城故地也敵退扼那穆山而色朔

普守弱海蘭察潛師克之繞出那穆山後直

趨薩斯甲嶺破其絕頂二碕俯臨遜克爾宗

諾木索震怒醜僧格桑獻其尸乞赦罪不獲
復固守以待勒烏圍之援初海蘭察以退屯
日隆降領隊大臣羅博瓦山之捷擢內大臣
改賜綽爾和羅科巴圖魯譯言超勇也至是
復授參贊大臣加御前待衛上行走敵自勒
烏圍分三路未援海蘭察力戰破之復奪默
格爾山日爾巴當噶山格魯克古山敵交斷
自是遜克爾宗因失副將軍明亮出大金川
河西絀宜喜寇不能進詔切責之海蘭察請

於阿桂兩路軍聲勢不屬相非記願率千人
往助阿桂約瀕河必回軍至則皆明亮大破
寇於薩谷山梁日旁各碉寇震懼皆遁去無
敢旅拒者直抵山岸阿桂備舟以濟師兩路
兵始合四十年五月克遜克爾宗寇悉其衆
守巴占海蘭察踰菑則大海山突攻勒烏圍
之南縱火焚轉經樓殲敵無算巴占之守遂
滑烏勒圍亦下大軍次科布曲仰久之不能
尺寸進海蘭察七分其軍自達烏圍間道風

捲而入連破當噶木名山阿穰曲名山各山稠料
布曲倚角悉推一鼓踣之長驅至刮耳崖水
陸圍攻索諾木窮蹙率其母妻兄弟大小頭
目二千人捧印信跪降時四十一年春二月
初四日也凱還車駕辛良鄉行郊勞禮賜御
用鞍轡馬各一疋一等超勇侯再圖像紫光
閣位次第八尋授領侍衛內大臣明年正月
賜宴紫光閣聯句明亮句云連誅未許依膏
齒海蘭察續曰濟惡公然託舅甥便整兩甄

翻窟穴俄逢重險整溝沅覆棘詎意無完軫
上續之曰移壘猶欣有列營全詩七十二韻
皆紀金川役也四十六年甘肅回以爭新舊
教相仇殺新教回陷河州進攻蘭州偕大學
士阿桂平之以功最優其長子安祿三等待
衛四十九年新教回復滋事皆福康安會討
石峰堡加賜騎都尉世職以安祿襲仍遷
安祿二等待衛乾清門行走五十二年林爽
文瑞台灣叛將軍常青參贊恆瑞師久無功

上命福康安海蘭察代之既渡海海蘭察率
巴圖魯二十人衝賊崙仔頂名山賊遇矢輒踣
乃大奔遂踰牛碓山徑抵嘉義解城圍明日
福康安始至乘勝逐寇克斗六門進搆大黑
棧砲寇乘我軍未集先萬炬來索戰海蘭察
以千騎伏溝塍間乘暇擊明斃賊多賊覺滅
火鳴鼓疾進改令尋鼓聲擊之伏屍滿谷黎
明克其巢林爽文走集集捕俘以獻復禽其
謀主莊大田於郎嶠台灣平晉二等超勇公

布特烏里

人物

賞紅寶石頂四圍龍補袿紫韁金黃辮珊瑚
朝珠三像圖紫光閣位次第五又命塑其像台
灣府嘉義縣城威示百疊五十六年廓爾喀
寇我後藏陷扎什倫布曆輩班禪額爾德呢
駐錫建塔地也上以海蘭察為參贊大臣從
將軍福康赴援之次年五月盡復藏地進征
廓爾喀海蘭察將三隊為前鋒次濟隴西八
十里鉄橋初八廓一隘也敵營於河
外山巔橋阻險福康安問策於海蘭察寇

對曰予戒五百人八日糧勿問所向速備材
屆期則橋以濟既屆期寇列陣出整以暇衆
謂參贊必無幸俄而寇大潰山上火發赫然
見我軍矣衆譁曰彼巖間端坐者非海參贊
耶急渡合而殲之福康安置酒問其故海蘭
察曰此水雖迅激然廣濶不足旬大江黃河
敵吾循河之上將得淺以濟既濟鼠伏山谷
中匿形藏聲圯然如木然石糧盡而期至寇
空營出爭護橋吾猝起據之憑高下擊故不

能抗也高宗御製詩注踰我綠山而濟者為

咸言之以捕擊之故據敵退保東覺山阻大河自固

其險倍於熱索橋海蘭察福康安各將奇兵

由間道濟大破之次雍雅山廓王使來乞盟

實覘我師也嚴檄斥之數日不報師復進六

戰六捷深八七百餘里距廓都陽布百里而

近陽布在甲爾古拉山之陽其北為堆木補

山兩山相險若下有橫河湍激不容舟我軍

既破北山寇海蘭察謂宜阻河立營以計襲

既破北山寇海蘭察謂宜阻河立營以計襲

之福康安不可渡河進攻卒敗還驍將阿滿
泰等俱戰死海蘭察督額勒登保扼橋力戰
出福康安於險廓王懾大軍威卑詞乞哀願
還所掠並貢馴象番馬樂工永遵約束詔班
師晉一等超勇公四圖像紫光閣位次第六
海蘭察性彊直而語言蘊藉多風致其於兵
事蓋不學而能也枕弓臥地知敵強弱驗馬
矢知敵遠近每臨敵敝衣布帽繞賊陳後察
其瑕可乘則縱兵或以數十騎闖入賊陳左

右射之使亂而後整隊攻之同時將帥惟服
阿桂謂為知兵福康安孝賢皇后姪也貴而
倨金川之役以領隊大臣隸海蘭察下其後
征臺灣征廓爾喀天子擢為將軍而使海蘭
察參贊軍事福康安事海蘭察甚功故海蘭
察智意發舒得以威稜絕域川陝之役大軍
久無功高宗臨朝歎曰使海蘭察在賊不足
平也微時嘗為流人朱姓御貨車往來奉天
吉林間朱姓知其非常人也厚待之既歸還

鄉宿朱家贈遺特厚征臺灣時齊齊哈爾某
 官為戈什哈嘗有憾於公弟而勤勇敢戰海
 蘭察曰弟幾悞我累薦之官至協領在朝與
 權相和坤常構之高宗不納故得以功名終
 五十八年四月卒諡壯武入祀昭忠祠子安
 祿安成後人移居呼倫貝爾庶出仍安祿海
居阿倫河依拉達屯
子察長從征廓爾喀以功賞哈什巴巴圖魯乾
 隆五十八年襲一等超勇公爵嘉慶元年擢
 乾清門頭等侍衛四年秋督饗至蜀經略勒

保以安祿將家子饒勇略檄赴都額勒登保
軍時群盜蔓川境徐天德襲鴟公梁安綵以
左翼陷陣大破之進攻王登廷於杜家坪遂
至青岡嶺已而鮮火川苟文明窺開縣偕總
兵朱射斗馳援遇於王家山乘霧攻之斬首
百六十級墜崖死者無數餘盜數十匿山溝
叢莽中安祿將六騎大呼馳薄中矛歿於陣
上詔曰海蘭察在皇考時功績懋者今安祿
甫至軍即奮不顧身追賊陣亡海蘭察九泉

之下亦當自喜有子命其弟安成偕侍衛迎
喪軍中賜治喪銀千兩加賞騎都尉世職謚
壯毅入祀昭忠祠遺腹子生上賜名曰恩特
賀莫扎拉芬譯言長壽也

安成

海蘭察
次子

以父廕授藍翎侍衛遷三等侍

衛兄安祿戰死所遺騎都尉世職上命安成
襲之尋晉頭等待衛乾清門行走嘉慶六年
兄子恩特賀莫扎拉芬病卒無後復襲一等
超勇公爵安成貌白皙美如冠玉喜聲伎然

勇悍有父風十八年奸民林清率眾攻宮門
安成徒手搏之格殺無算論者謂不愧將種
云

論曰宗室昭捷書海蘭察隨狩木蘭與巴林
王換馬事絕奇乃知智勇固天授也河北鎮
呢公又言公自西征歸途語偏裨數年西南
當有事殆盛中亂未甚勇十年始靖諸君當
努力吾老不及見矣其浚川楚教匪起竟如
公言是豈有前知術哉上橋而下諂不恤其

民奸人嘯聚草澤間篝火狐鳴廣相扇誘必有暴發之一日唯深也故能通天下之志唯幾也故能成天下之務世乃以武夫遇公以為尉遲敬德常遇春流也

由屯 達呼爾孟爾丁氏西布特哈正黃旗
宜卧奇屯人饒膽力善用強弓大箭常射鹿
洞胸矢橫隻樹間鹿奔而矢不折官佐願以
事吧潛之本蘭即車駕前一發得虎高宗壯
之取視其矢歎曰箭與鏞耳呂布善射未必

能爾乾隆二十年從定伊犁已而大將軍阿

睦爾撒納據伊犁叛內大臣尼瑪散秩大臣

鄂哲特同時內附之準噶爾也胥應之二十

二年秋七月由屯逐尼瑪於哈什河阿爾察

圖山口禽之阿爾察圖山口其地曰額博爾濟達巴今屬綏定境所屬

台吉皆飲矢死明年三月禽鄂哲特於特克

斯河特克斯河在阿睦爾撒納走俄羅斯以

痘卒布那敦又作布尼敦霍集占兄弟也日

人稱曰大小和卓木初為噶爾丹策零所羈

王師定伊犁釋布那敦歸葉爾羌統其舊部
霍集占獨出遜助阿睦爾撒納為亂尋遁歸
自立為巴圖爾汗我副都統阿敏道於庫
車上命由屯從將軍兆惠討之次葉爾羌城
東黑水土渡河襲寇屯敗還總兵高天喜等
戰歿兆惠明瑞俱受劇寇來勝來攻奮鬥五
晝夜不獲逞乃築長圍以相困是役也我師
僅二千數百人去國萬里被圍四月閱賴由
屯溫布戰得不陷上遣近臣馳至軍中慰勞

之援兵至霍集占走死遂收天山南四城賞
克特爾克巴圖魯一等輕車都尉兼雲騎尉
世職圖像紫光閣列前五十功臣位次三十
七御製贊曰本射生手狼不暇走以之殺賊
如探囊取物奇助屢建亦因閱曆世職崇階
酬其勞勩後官齊齊哈爾副都統轉正白旗
蒙古副都統
阿那保 達呼爾 郭貝爾氏 東布特 哈莽 鼐
屯人 乾隆四十年以馬以馬甲駐京海升上

駟院司轡長五丁六年從征廓爾喀攻察木
先登乘勝克瑪噶爾轄爾甲各山梁直趨濟
隴賊據險立碁相犄角分道翦其旁寨會大
軍克之遷二等待衛尋護廓爾喀貢使入覲
六十年從勦黔楚苗復乾州賞奮圖里巴圖
魯克平隴交部議叙嘉慶二年詔從都統德
楞泰赴川勦教匪敗徐天德王三槐於東鄉
晉頭等待衛齊王氏姚之富犯夔州復東入
楚躡之鄖陽陣左山梁壓擊俘斬無算匪趨

竹溪縣阿那保馳助城北破賊陝西平利西
擊高均德於川境受重傷會攻蔡家梁禽白
錦羅其清襲藍錦因文俦於麻壩寨火其柵
白錦張子聰擾東鄉敗之克龍子觀李家坪
匪巢六年在兵間久染潮溼手足拘攣秦請
回旗十一年命在前清門行走十三年賞穿
黃馬褂明年授正紅旗蒙古副都統尋授上
駟院卿十五年充御前侍衛二十一年賜紫
禁城騎馬管理善撲營遷鑲藍旗蒙古都統

兼管上駟院事務歷官正黃旗蒙古都統正
藍旗漢軍都統內大臣總誥達管理健銳營
事務道光三年上辛萬壽山宴十五老臣圖
像玉蘭堂阿那保與馬御製詩褒之有奮戈
疆場知勇寇精勤調習天閑驥之句五年以
病請告特旨令支廣儲司銀五百兩並償給
全俸以示軫念舊勲之意命其孫鑾儀衛雲
麾使巴凌阿回籍交黑龍江將軍對品補用
便侍養十七年卒諡勤勇子博多歡御前侍

衛迭任圍場總管呼倫貝爾總管官至領侍
 衛內大臣正黃旗蒙古都統兼上駟院卿總
 譜達道光二十五年卒子六人長子巴凌阿
 佐領次都爾通阿鑲紅旗蒙古都統三都興
 阿盛京將軍四西凌阿察哈爾都統五穆金
 阿六穆克登阿三等侍衛都興阿西凌阿自
 有傳都興阿字直天阿那保達呼爾郭
之孫
 貝爾氏東布特哈莽鼐屯人領侍衛內大臣
 博多歡第三子也厚重有大度臨敵整暇萬

衆不能撼咸豐四僧格林沁圍寇東西連鎮
都興阿以二等待衛從寇梯隄夜半出撲適
當都興阿壁都興阿戒所部無動實彈殼弓
以待寇被創縮退五年從克馮官屯功最遷
頭等待衛即軍中授京口副都統僧格林沁
班師上以都興阿忠勇可倚任命簡精銳駐
馮官屯須後命弟西凌阿以都統授欽差大
臣督辦湖北軍務久攻德安不下詔將騎兵
二千赴之寇棄德安遁總都官文檄助攻武

才來才去

三十一

漢時官文攻漢陽軍江北岸巡撫胡林翼攻
武昌軍南岸倚水師通聲援都興阿欽馬漢
鎮沙口間護水師水師夜燒寇船未還都興
阿列騎江干露宿達旦自是羣帥輯睦士益
用命六年春九江寇犯黃州督舒保多隆阿
敗之新洲毀團風鎮寇壘積聚而還遷江寧
將軍六月九江寇復上犯敗之堵城冬十一
月收漢陽賞霍欽巴圖魯胡林翼銳意東征
遺李續宜徇江南岸都興阿則率副都統多

隆阿提督孔廣才副將鮑超徇江北岸期會於九江連下黃州廣濟進逼小池口江北岸要隘也寇壘石為城環以堅壘深塹與九江相犄角多隆阿鮑超毀其外壘殆盡七年春援寇偪黃梅騎千餘服裝胥效官軍都興阿曰此假虎耀威耳可誘而敗空城設伏待之寇先驅馳入城伏起驚而逃千餘騎無一脫者乃壘於段窰楓樹坳獨山鎮間輸餼械濟小池寇多隆阿孔廣順襲破之偽英王陳玉

成大憤連十萬衆自至都興阿親擊之渡河
橋寇旣敗益趨而西移平就險連營三十里
都興阿使多隆阿鮑超攻億生寺黃蠟山自
率精騎會李續賓楊載福攻童司牌大創寇
寇之趣黃蘄蘿田者亦為胡林翼別將所敗
玉成東道上命幫辦欽差大臣官文庫八月
焚小池口進收湖口梅家洲九江寇益困明
年夏四月會克九江誅其渠林啟榮交部優
敘移荊州將軍進規皖北寇嚴阻太湖拒我

我師八月合李續賓軍擊敗之收太潮潛山
廬州告急詔促楚軍赴援胡林翼慮安慶之
寇之併力北犯也乃奏命李續賓援廬州都
興阿東攻安慶都興阿焚石牌破集賢關逼
安慶而軍多隆阿鮑超軍安慶北門副將石
清吉軍具東門寇晝夜出撲俱受創洵懼謀
棄城走會胡林翼毋歸李續賓深入無後繼
敗死桐舒丹失都興阿疏請起胡林翼督師
並檄李續宜舒保上援陳玉成既敗李續賓

之將軍悍虎七萬人乘勝來攻我師後路斷
多隆阿進曰兵法全軍為上官文亦秦令還
軍固楚疆圖再舉都興阿乃焚壘退保宿松
次日寇大至當是時也李續賓新亡士氣消
沮而寇勢甚張都興阿督諸將力戰大捷於
二郎河卷涼亭殲寇萬五千人玉成精銳十
亡七八鮑超射玉成中肩幾獲之楚師復振
九年正月再攻太湖病足不能乘馬乃請告
舉多隆阿自代二月上命回荊州將軍任俾

養疾十年和春金陵大營潰詔都興阿率師
 援江北而以曾國藩總督兩江時英兵犯天
 津京師戒嚴曾國藩胡林翼合謀勤王都興
 阿先驅抵郟城和議成命赴揚州督辦江北
 軍務都興阿樂用楚兵欲得鮑或余際昌與
 俱胡林翼允以鮑超昇曾國藩而留余際昌
 防湖北無以應也都興阿乃挈杜嘎爾胡世
 英千五百以行既抵揚州秦派水師統帶黃
 巖鎮總兵黃彬幫辦軍務留降將徐州鎮總

市寺會志

口

兵詹啟綸為大將將步兵而使杜嘎爾海全
分將騎兵疏言揚郡形勢南瀕大江西濱諸
湖東蔽棗下河水陸交通處處喫重欲復糜
爛之地必先保完善之區蓋自知兵單勢弱
故主以守為戰也十一年寇示形高邵諸湖
而由儀徵間道趨揚州都興阿自以三百出
覘寇寇萬餘寧至從者威震都興阿令騎皆
下自席地坐取茶葉徐吸之寇疑有伏兵不
敢逼急築壘自固都興阿督諸將連戰大破

之殲寇數年千生禽七百人寇遁十月調江
寧將軍遣副將刁經明副都統海全援鎮江
解其圍鎮江軍告飢分四萬五千金鏢之同治
九年李世忠以寇盛棄江浦浦口斂軍退寇
來勢進撲揚州北營甘泉山南訖樸樹灣統
其衆二十萬而江北軍不足二萬大將海全
受創死都興阿意氣自若謀定而後戰每戰
必設伏誘其深入乃突起仆之寇既累挫偵
者言寇將北趨都興阿曰不然殆將西遁使

唐啟綸杜嘎爾要之新城大破之寇自是不
敢犯江北五月曾國荃楊岳斌自婁慶東下
收沿江郡縣進薄金陵雨花台都興阿遺水
師自瓜州鼓而柁西攻觀音門襲燕子磯以
應援楚軍先是多隆阿既克廬州曾國藩約
以會師金陵蓋藉以制狂噬橫驚之援寇也
至是多阿隆奉詔入陝都興阿疏言多隆阿
所部有節制人人慣戰羣寇讐服今率隊西
征則嫉其攻能者固嫌其私意而畏其聲威

者亦幸其遠離竊念廬東各屬幅幘遼闊江淮上下處處空虛萬一南逆復張北捨乘隙四起豫東江淮皖楚之間必致同時震動陝西情形較鬆請飭幫同曾國藩督辦江淮軍務視寇所向移師擊之實保全東南大局之樞鍵不第克復金陵較易為力也上允其請然多隆阿絀於陝寇竟不能至都興阿以曾國荃攻金陵李鴻章入江蘇寇無所歸則必翦髮易裝渡江而北乃嚴封江之禁又奏舉

有朱哈志

四十二

富明阿以自副九月偽忠王李秀成援金陵
急攻魯國荃軍都興阿使副將楊心純以千
八百人入國荃軍助守久之秀成解圍遁明
年陳玉成謀入裏下河都興阿遏之不獲東
別遣副將梁正源會江南軍焚中關下關寇
舟苗沛霖叛遣富明阿率詹啟綸王萬清討
之萬清新沛霖首淮北平萬清以獲咎廢都
興阿惜其才起用之卒立大功甘肅回叛陷
寧夏靈州寶豐各郡縣歸綏戒嚴明年正月

上召都興阿備邊入覲賜紫禁城騎馬三月
命督辦甘肅軍務曾國荃克金陵上以都興
阿督師江北屢殲寇功鉅賞騎都尉世職尋
署陝甘總督都興阿抵花馬池使杜嘎爾將
步騎三千人裹十日糧繞石背山渡黃河轉
鬪而前收寶豐解平羅城圍進規寧夏寧夏
有滿漢二城漢城周四十里陷于回滿城處
其北被圍久環二城皆回族清水堡納家關
最鉅都興阿以兵單難深入乃奏留穆圖善

卞寺合志各人物

口

軍穆圖善故在楚時偏裨也既會克清水堡
自黃河左右岸連營趨城下都興阿軍其東
北穆圖善軍其西南解滿城圍進攻漢城外
壘及納家閘附近各墟寨拔之回大懼甘詞
求撫而潛決河渠阻官軍穆圖善惑撫議請
將久役苦飢凍亦籍撫藏事都興阿念回性
反覆非重創之則撫局不固乃督所部日久
進攻由是與穆圖善忤四年十一月回介穆
圖善部將黃金山乞降都興阿限三日撤圩

五日獻城七日繳軍械馬匹銀米移居納家
圍迄兩候安插踰期始獻城獻砲二十六槍
千刀矛萬餘無窖之地中馬匹銀米匿不繳
黃金山入城居守與群回錯處四月寧夏遊
擊納忠守備納萬有花馬池參將保立等十
五人來謁都興阿誅納萬有而質納忠保立
等使三人入城諭叛回繳馬械銀米並勒令
徙居如前約不聽乃誅納忠保立勒兵入城
穆圖善不至黃金山合群回拒戰城中都興

阿以久役遠延上勞聖虛下失將士心自計
從重治罪且舉穆圖善代將納萬有納忠立
保皆新教回魁馬化龍死黨寧夏之陷於回
實萬有啟閤以納之也穆圖謂馬化龍忠實
無二心而各都與阿殺降失信累疏嚴劾之
部議革職治罪時都與阿已移盛京將軍矣
上以盛京馬賊熾改為革職留任然馬化龍
卒叛據寧夏金積堡抗大軍左宗堂百戰始
克之先是陝撫劉蓉疏言都與阿明達而懦

穆圖善長厚蓋已窺其微矣六年春都與阿
抵盛京任遺色爾固善托倫布等分道擊盜
而躬勦沿海沿邊各隘設防守盜魁土作福
徐中禮等先後授首七年擒渠張總惡犯畿
輔左宗棠李鴻章率師入衛久無功四月上
授都與阿欽差大臣以張曜宋慶陳國瑞春
壽四軍隸之會同左宗棠李鴻章軍勦捻列
名正在李上都與阿疏言捻匪趨向無定日
事奔馳意圖疲敝我其^師遂飽掠橫驚之記亟

應四面環攻更番進勦使群逆無喘息之時
乃可制其死命時左李諸軍逐寇南路都與
阿使張曜四軍與俱受節度已則進駐滄州
減水河嚴減運兩河之防引水東護以牆壕
柳川慶富和素布多爾札布將京旗兵據險
而守固北路揔平歸盛京任盛京清故都置
戶禮兵刑工五部權綦重兼戶歸戶部尤與
將軍抗衡地方有司以非將軍所轄不受約
束旗與民以種族階級故恒齟齬不相下有

司務為貪冒昧勞來安集之宜嚴刑而重斂
之故奸民窟穴山澤中殺人越貨蜂起不可
薰燒將軍以下俸廉薄無以為生恃倉差規
費為私供倉差規費者各旗草豆折徵之餘
銀也都興阿以盛京地腴土廣而浮民多非
改絃更張不足為治顧念事體大已不能任
乃密請擇賢自代索寶之繼任將軍聞寶都
興阿所推云光緒元年二月卒於任家貧無
以斂詔賜治喪銀千兩得歸葬於黑龍江晉

有朱略志

四十一

贈太子太保衛諡清懿十五年皇太后歸止
追念平寇勲賜祭一壇子卓勒洪額三等侍
衛論曰都興阿在楚功名最盛多隆阿鮑
超咸雄奇自負樂而為之下蓋以德量服之
也帥江北時李世忠擁衆十萬倔强江淮間
都興阿助以鑿械而不假其力相奔走非自
立於不敗之地者能若是乎胡林翼善都興
阿謂有豐鎬故家遺風滿洲諸將所不逮李
鴻章乃以愚闇詆之夫忠厚者失之寬煬竈

蔽於衆柄有時而下移剛明者失之嚴溼薪
束其下患每生於不測沈潛剛克高明柔克
所以足貴也西凌阿阿那保達呼爾郭貝爾
氏東布特哈莽鼎屯人領侍衛內大臣博多
歡第四子也道光朝御前待衛兼前引大臣
文宗踐阼加禮先帝舊臣免前引差仍御前
待御上行走咸豐元年秋八月授察哈爾都
統二年冬詔從欽差大臣琦善拒粵寇明二
月寇陷揚州西凌阿將黑龍江騎兵壁浦口

震寇砲卻退褫職留營偽丞相林鳳祥李開
芳既挫浦口軍引衆北犯千里無留行西凌
阿尾寇而北解懷慶圍復原官並賞花翎寇
自濟源入晉敗之平陽斬首三百誅偽丞相
偽將軍各一人寇折而東踰太行渡滹沈河
進陷藁城京師大震西凌阿先入衛上嘉其
迅赴戎機命幫辦欽差大臣勝保攻寇獨流
西凌阿靜海四年正月獨流靜海寇俱潰西
凌阿偕科爾沁郡王僧格林沁合軍躡寇寇

入獻縣不能守南走阜城兩月又突圍出蹏
吳橋四月陷連鎮李開芳自連鎮突圍出陷
高唐州李鳳祥留連鎮深溝高壘抗我師乃
疏四女寺引河導衛水灌之五年正月克連
鎮誅林鳳祥悍寇數千人無一脫者賞二等
輕車都尉並伊精額巴圖魯勝保攻高唐久
無攻被逮詔移師討之高唐城堅池深積粟
多與僧格林沁議闕城南圍誘之出李開芳
走在平馮官屯導運河水灌之五月開芳窮

楚自投檻送京師晉鄴三等男西安將軍扎
拉芬戰死德全上授西凌阿欽差大臣督辦
湖北軍務將投誠義勇二千及騎兵千七百
人以行義勇皆考民林鳳祥李開芳所挾以
北犯者也提督孔廣順訥欽參將劉富成將
八千人先壁德全詔受西凌阿節度七月西
凌阿至軍寇來撲劉富成出戰廣順訥欽望
風潰失其營富成亦敗退義勇從賊者六百
六人西凌阿退隨州旬日復進寇憚騎兵秘

擊恆夜出擾我軍義勇多亡去上奪西凌阿
欽差大臣畀之湖廣總督官文差遣都興阿
自馮官屯將二千人至寇大懼十月棄德安
遁毫捻張樂行蘇添福擾河南巡撫英桂請
濟師僧格林沁疏言西凌阿善將騎史榮椿
善將步性均純實用當其才無掣肘當得力
史榮椿亦僧格林沁舊部也上命西凌阿史
榮椿助英桂勦捻六年二月抵歸德偕袁甲
三鑿捻累捷進攻雒河集拔之張樂行挾馬

步千餘人遁去上以西凌阿調度合宜復察
哈爾都統原官張樂行既渡淮裹脅踰萬人
陷三河鎮獲艦數艘軍械無算勢復張西攻
綏郡西凌阿遣格綳額德楞額隨袁甲三赴
援而已以七十騎居守己而寇撲雉河衆寡
不敵乃退屯七年春勝保幫辦英桂軍疏詆
西凌阿甚力上飭西凌阿回京候部議部議
革職以前勞改為革職仍留察哈爾都統本
任時西凌阿已擊寇潁州走之矣是年秋會

海東市特島里、514

勦熱河大閣土匪平之八年英美法三國求
通商不獲英船北犯詔戍山海關尋幫同僧
格林沁管理前敵軍奏建大沽口砲台營壘
備防守朝廷重開外釁諭以英船泊口內無
禁阻登岸別擊之十七年七月調鑲藍旗蒙
古都統是月英兵登岸人擊槍伏地而進以
我騎為的一彈一騎無虛發我師潰北岸砲
台亦失僧僧格林沁退守通州和議成僧格
林沁督師勦匪請以西凌阿國瑞幫辦軍務

合軍戰鉅野金山師旣亡大將格綳額尋擊
宋繼明於兗州走之擒五旗並出謀犯濟寧
大營合軍禦之荷澤又旣西凌阿懼寇北竄
移軍東昌帥恆齡平郡西南匪墟進收堂邑
張秋各城鎮北路肅清帥蘇克金攻曹州紅
川口禽其渠劉占樞梁繼海帥富和攻擒城
武定陶進至睢州尋還濟寧護僧格林沁後
路同九年秋以疾乞休三年復授鑲黃藍旗
漢軍都統五年卒賜祭葬謚勇毅 色楞額

字右友達呼爾郭貝爾氏係東布特哈莽
龍屯人即博多歡次子察哈爾都統都爾通
阿子也由六品蔭生洊擢三等侍衛咸豐十
年隨叔父荊州將軍都興阿防江北累擊賊
揚州胡家場槐子橋晉頭等待衛同治三年
都興阿督辦甘肅軍務色楞額從自石嘴渡
河回逆戰中礮傷腿轉鬪抵寶豐收其城加
副都統銜會戮回首馬生顏記名副都統五
年都興阿移盛京將軍從捕王慶宗占魁各

賊渠賞花翎賜號訥思登額巴圖魯光緒元年都興阿崇實代以色楞額治軍嚴肅奏充客兵全營翼長尋署興京副都統二年實授三年調成都副都統五年遷駐藏幫辦大臣晉辦事大臣納魯噶魯距藏遠凶橫為番民害抗不赴訊有年矣色楞額懼以兵威乃受約束判決舊案六十餘起並定訂立差徭章程又以膽對裏塘之爭界也互欲得木拉石百姓而屬之木拉石百姓受虐於裏塘土司

及投查朶裏塘攻查朶結膽對以抗之木拉
石固四川屬境也色楞額既訊實流其首惡
而歸查朶於川境畫定川藏迤界立碑於噶
壩阿霸之北雄辣山巔使瞻對番官不得干
涉查朶地方事裏塘土司亦不得役屬三壩
以息爭端布魯克巴部內亂來請兵色楞額
以其地處徼外與衛藏鄰懼擾迤遣兵臨帕
里克要隘諭其部衆速罷兵候查辦又命江
孜汎官撫其男婦違難來奔者毋或失所十

一年冬調庫倫掌印辦事大臣次年遷伊犁
將軍時新疆甫建行省改官制設制與總督
楊昌濬巡撫劉錦棠持論多異同上卒從昌
濬錦棠議十五年伊犁大雨雪驛道壞行旅
阻絕色楞額疏言伊犁地方自精河大河沿
西來向以果子溝為孔道轉鑲械通文報高
旅往來皆出其途即塔勒奇山峽也北始松
樹頭嶺名其南達溝口計程六十里兩山夾
束一徑中通險峻如閔林木茂巖嶺窪多澗

泉蓋以雪水匯為溝流廣仁綏定各城地畝
藉資灌溉百餘年矣兵燹之時道第不治伊
犁收還始建木橋二十有六隨時修補行李
稱便客冬大雪深至丈餘士卒掘鏟手足凍
皸竭數日之辛勤不敵頃刻之迷漫內外諸
山劈削儼若列屏雪積一厚輒自崩摧長至
百數十丈多年老樹隨雪擁倒官道一綫時
被堆壓今春雨雪更盛入夏以來繼以大雨
天暖雪融四山積水奪溝而出橋梁拉毀竟

無寸椽道路衝刷遂成巨壑車馬難通徒步者亦無繞越詢諸父老關里沁溝東出登努斯口直達精河山行約三四站較果子溝為捷中數段地形低陷如釜冬令積雪過深難於掃除昔人舍近就遠固有深意現在饋軍阻隔商旅斷絕遣戍軍隊未能起程驛路通塞係大局安危擬先從事關里沁一路隆高之處略予剷平溝壑窪地支以渡為一時權宜之計暫通往來果子溝遭水以後窪者

深澗長溝高者懸崖絕壁為功不易所費尤
多搏節估計木石匠作需四千五六百工日
各給銀二錢五分壯夫六萬二千餘工日各
給銀二千加以灰料木石器俱總需銀一萬
六千數百餘兩每歲修補約八百兩籲懇飭
部立案由善後款內支用上從之明年三月
卒於官賜祭葬卹廕如例論曰文祥謂色
楞額臨戎勇往而謀略尚非所長逮夫建節
藏衛控制番蒙洞機中窺使絕域萬里奉中

朝約束無敢侮伊犁分界後門戶洞開塔勒
奇一路實當東北之衝牖戶綢繆不憚艱險
類非絀於謀略者所能舉也 鈕楞額 達
呼爾郭貝爾氏東布特哈莽鼐屯人為色楞
額同祖兄弟即博多歡第五子佐領穆金阿
之子鈕楞額以大臣子姪宿衛禁廷光緒十
五年擢正黃旗蒙古副都統十七年充東三
省練兵齊字營幫辦改盛京副都統二十四
年調護軍統領 倭恆額 達呼爾郭貝爾

氏東布特哈莽鼐屯人即色楞額之弟咸豐
十年以委防禦從勦河南匪賞花翎官正白
旗二等侍衛同治十二年烏里雅蘇臺將軍
長順奏徵察哈爾蒙古八旗兵千人以倭恆
額為幫統光緒十一年補護軍統領統簡東
三省練兵吉字營總統十七年調齊字營總
統二十七年冬遷山海關副都統絲事降革
三十年開復豐紳阿達呼爾郭貝爾氏
東布特哈莽鼐屯色楞額族人也咸豐十一

戶部全志各

人物

五十五

年以親軍從都統明慶擊賊河南游擢御前
侍衛同治十二年幫帶察哈爾馬隊赴援烏
里雅蘇臺駐巴罕護臺路光緒初補護軍統
領十年遷鑲白旗漢軍副都統十六年簡奉
天練兵盛字營總統明年會葉志超淮軍捕
熱河馬賊禽其渠齊保山賞黃馬褂賜巴圖
魯勇號二十年統盛字營馬隊二營援高麗
守平壤七星門敗回又潰於奉天析木城褫
職戍軍臺二十四年十月赦歸交榮祿差委

次年賞副都統銜充庫倫辦事大臣二十九

年補呼蘭副都統三十年轉馬蘭鎮總兵兼

內務府大臣三十二年調驤黃旗漢軍副都

統色爾袞達呼爾孟爾丁氏西布特哈

正黃旗大莫丁屯人世襲佐領乾隆末隨狩

木蘭校射賞花翎從征廓爾喀復濟隴賞強

謙巴圖魯嘉慶二年參贊德楞泰討川陝楚

教匪以色爾袞從從殲姚之富齊王氏羅其

清冉天元龍紹周各匪渠累擢總管加副都

寺各人物

五十二

統衝六年衝賊通江蒲天寶廣几間受矛傷
奮門不退俘賊三百七十而還七年樊人傑
入楚欲與通江蒲天寶合色爾袞由間道馳
三百里出其前累戰敗德楞泰念二寇合難
制使色爾袞率蒲尚佐諸軍進擊天寶次羅
漢溪亂流而渡蹙踞賊四百又追敗之連坪
地興山天寶勢漸衰堅壁鮑家山山界與房二
縣周三百里下阻溪河道險而寨堅謂官軍
莫予毒也色爾袞以精卒千開箐捫葛繞出

匪巢之上天降地出群寇洶駭顛崖隕壑死者無算禽天寶妻子兄弟賊黨男婦八百有奇天寶西走巴東折北竄竹谿遂入陝色爾袞躡至百人溝陝楚交界地以刀砍樹曰再不得逆首者如此樹矣諸軍益奮晝夜行二百里天寶分黨走南江河綴我軍而自率死士易衣斷髮匿瓦屋溝聞官軍跡至跳崖掛於樹而死九年凱還授阿勒楚喀副都統十一年調伊犁領隊大臣初陝匪蒲大芳旣降安置

塔爾巴哈臺意快快謀與其黨三十一人倡
亂色爾袞陽言巡邊捕得之鞠實寘諸法伊
犁將軍松筠以聞上嘉其妥速交部議敘尋
調鑲藍旗蒙古副都統十五年改伯都訥副
都統移阿勒楚喀副都統十八年秋李文成
陷滑縣直隸長垣匪應之竄封邱欲據太行
色爾袞堵以騎兵不得西文成走輝縣會總
揚芳軍進擊大捷白土岡乘勝攻司寨山毀
垣入縱火焚其巢賊衆崩潰文成自焚死以

攻最加都統銜先換頭品頂戴並予雲騎尉
世職色爾袞駙勇敢梁入恆摧鋒為諸軍先
不欲後人二十四年調黑龍江副都統尋以
都統銜充呼倫貝爾辦事大臣道光七年請
告詔給全俸養餘年十三年卒謚勇壯子明
晉世襲佐領凌晉公中佐領吳珠又名珠勒
格善二品蔭生二等侍衛孫濟克濟札布世
襲佐領兼一雲騎尉素布多爾札布副都統
自有傳

素布多爾札布 達呼爾孟爾丁氏西布特
哈正黃旗大莫丁屯人父內色爾哀之三子
珠勒格訥呼倫貝爾副都統銜總管咸豐三
年將黑龍江兵入衛十年又率騎兵千人戍
山海關旋趨熱河護駕十一年以失察俄人
越界刈羊褫職素布多爾札布以驍騎校留
京補親軍遷三等待衛咸豐三年粵寇犯畿
輔偕格崩額敗之藁城獲大砲數尊斬偽總
制陸聿新擢正藍旗漢軍副都統賜紫金城

騎馬同治七年接統副都統安住軍駐岑子
嶺邊捻趨海河路十三年上閱馬射中箭多
賞黃馬褂光緒八年卒賜治喪銀五百兩子
希隆阿御前待衛歷官鑲白旗滿洲正紅旗

漢副都統

蘇爾慎

御製詩註
作蘇爾慎

達呼爾蘇都里氏隸西布

特哈正藍旗烏爾科七人驍果善射乾隆五

十六年從征廓爾喀賞藍翎嘉慶二年從勦

川陝楚教匪補三等待衛改隸京旗五年藍

日寺令

人物

乙

有年以老景

五十一

號丹添元合羣寇屯江油之馬蹄因而伏萬人於石砌後欲覆官軍參贊火臣德楞泰分兵趨賊陷伏中各路兵皆敗德楞泰率親兵數十保山顛誓必死丹添元服蟒袍草帽花翎揮衆徑前搏參贊蘇爾慎抽矢射添元中其右手墜馬生禽之是役也微蘇爾慎大軍幾覆天子奇功立擢二等待衛乾清門行走進攻大垣口以素倫兵衝賊陣受予傷賞西林巴圖魯六年從德楞泰破賊蔣家梁追奔

百七十里蘇爾慎手禽偽元帥龐士應並其
母妻斬之徐添德龍紹周苟朝獻先後敗死
餘匪胥入楚七年偕副都統色爾袞以兵二
千治江東下攻賊於鳳凰山於雞公梁於桂
林坪皆深入殄滅之十年凱旋遷頭等侍衛
十八年天里教謀叛河南滑縣李文成直隸
大興林清其魁也九月李文成陷滑縣山東
曹州定陶同時失守林清則率黨二百入宮
城分犯東西華門蘇爾慎手格之斃賊數名

加副都統銜換西林達春巴圖魯時上狩木
蘭命馳赴行在陳狀尋授領隊大臣率巴圖
魯侍衛赴山東協剿上諭山東巡撫同興此
數人者一可當百蘇爾慎尤傑須乘以良騎
毋令步戰至則大破曹州定陶賊毀其巢十
十一上重開州防命旋軍助尚書托津駐守
十九年補鑲紅旗蒙古副都統充上書房諮
達二十四年上幸熱河乘輿馬蹶蘇爾慎控
止之遷鑲藍旗蒙古都統賜紫金禁城騎馬

道光元年隨扈昌陵以銜校尉馬致御輿落
肩降藍翎侍衛二年二月以二等待衛休致
三月卒上念其前勞賞副都統銜賜祭葬
明慶 達呼爾德都拉氏隸東布特哈正白
旗德都拉屯人道光八年從征喀什噶爾浮
擢副等待衛二十二年從揚威將軍奕經戍
鎮海擊沈英艦擢正黃旗蒙古副都統咸豐
二年命將黑龍江騎兵從琦善禦寇明年進
駐浦口兵潰奪職解懷慶城圍復原官寇西

入晉明慶緊躡之並得托明阿兵東趨臨洛
關會西陵阿軍截寇藁城勝保圍獨流鎮寇
出撲明慶督隊馳擊之水裂墮水中既出復
前奮鬪受重創僧格林沁攻連鎮劾明慶接
應遲緩再奪職尋以屢敗寇復原官既克連
鎮偕都與阿追斬逸寇殆盡上重京師防召
回京七年冬勝保援固始請明慶主騎兵至
到敗寇西關中槍傷額卒焚其壘而還賞達
桑阿巴圖魯進收六安州賞頭品頂戴傷疾

虧開缺回旗十一年劇愈署正藍旗滿洲副
都統御前待衛上行走補正紅旗蒙古副都
豫中教捻熾勝保請濟師上命明慶率八百
騎赴軍遮匪廣平大破之賞黃馬褂同治元
年傷疾劇復請開缺召還改正黃旗漢軍副
都統遷鑲黃旗蒙古都統七年捻渠張總愚
由陝渡河犯畿輔明慶率京旗兵防河西務
繼移滄洲興濟鎮為北路防軍聲援穆宗崩
德宗繼統特命穿孝百日光緒六年春乞休

不朱與志勇

六一二

不許夏四月卒上命輔國公載濂率待衛十員往奠賜治喪銀千兩謚簡敬十五年皇太后歸政追念平寇勲賜祭一壇子愛紳二等待衛黑龍江佐領愛隆頭待衛兼公中佐領光緒十四年擢鑲藍旗蒙古副都統愛祥兵部員外郎愛鈞一品廕生孫成壽三等待衛海全達呼爾鄂嫩氏隸東布特哈鑲黃旗博庫爾以前屯人以即補驍騎校咸豐三年將軍英隆疏其才詔屬琦善江北軍破援寇

於三汊河遊擊馬永泰劉琮被圍海全馳入
賊中短兵接手刃數人拔之出托明阿師潰
寇北竄之揚州賞達春巴圖魯德興阿代將
拔充營總進攻運河東西岸大小數十戰敗
寇壘卡尽遂收瓜州八年燔浦江南門外寇
壘復其城記名副都統烏江和州寇合撲石
磧橋逐之前抵烏江毀兩岸寇壘盡寇間道
趨和州海全以馬步數百人馳擊殲賊三千
生禽五百人賞頭品頂戴陳玉成擁大眾犯

江北德興阿部署諸將扼要以守海全駐石
佛寺為遊擊之師援鞠殿殿華於小店解其
圍合軍逐寇復東葛乘勝進攻西葛陷寇伏
力戰突圍出浦口大營潰從德興阿扼伯各
隘防寇北竄十年春金陵大營亦潰四月寇
分三道犯揚州築土為木城圍久踞揚州大
將李若珠使海全詹啟綸夾擊走之進扼天
長六合之交寇方馳騫於蘇浙財賦之境據
名城拓分地樹其党以守撓江北者皆孱卒

故不獲逞十二月都與阿帥江北尤重海全
使興杜嘎爾詹啟綸分將馬步兵當前敵明
年十一月補京口副都統將馬步兵千人援鎮
江敗寇花村自領親軍殿後寇返撲殲其衆
獨多同治九年正月復援鎮江解其圍二月
接辦鎮江防務三月寇以二十萬衆趨揚州
海全北援寇陳兵虹橋法海寺間而缺城東
北一路都與阿疑有重伏率海全偵之至北
山賊萬餘人猝起海全左跨中槍子創重數

日卒于軍廕騎都尉兼一雲騎尉世職謚壯節

蘇彰阿 達呼爾孟爾丁氏隸西布特哈正
白旗厄爾吉屯人咸豐朝從征隸多隆阿軍
旣同治元年以委總管從解同州圍進夷王
閣村羌白鎮回巢保總管加副都統銜二年
克蘇家溝收滑城記名副都統都與阿攻寧
夏調赴軍以不約束革職回騎集金積堡謀
襲官軍後杜嘎爾金順分路截擊蘇彰阿先

登壇其渠一人手砍二人以功最復原官又
夷寧夏滿城外回壘累賞花翎賜號法爾沙
泰巴圖魯十年三月將黑龍江騎兵五百戍
烏里雅蘇臺

特爾慶阿

慶又作清與

達呼爾郭貝爾氏隸東布

持哈正白旗大伯爾科屯人咸豐八年以驍

騎校從克懷遠臨淮關收鳳陽敗賊全椒渡

江奪寶帶橋五龍橋浙墅關各隘遂復蘇州

游保花翎總管加副都統銜江南平凱還同

五
詩
合
志
卷
下

人物

六
十
二

治四年征防山東坐沿途需索逗遛罪奪職
次年馬賊犯吉林戕官兵陷城邑將軍當明
阿請以從賊早復原官銜翎七年授乾清門
三等十命赴伊犁將軍榮全軍十二年長順
調赴烏里雅蘇台尋賞頭等待銜充塔爾巴
哈台額魯特領隊大臣光緒七年以病免九
年授乾清門頭等待銜十年擢正白旗蒙古
副都統充御前待衛壓馬大臣十二年穆圖
善練兵東三省奏充黑龍江齊字營總統統

軍二年復乞病賞食全俸十五年十二月卒

賜治喪銀四百兩子成格布廕生

長順方畧作字鶴汀達呼爾郭貝爾氏隸東

布特哈正黃旗莽屯人父阿爾景一作阿爾錦顧

雲郭博羅公神碑頭等待衛咸豐十一年從

明慶擊寇河南官至京旗副都統長順聳幹

面頰鼻長半其面鬚眉灑然沈默寡言笑起

家藍翎侍衛從多克興阿平朝陽馬賊遷二

等待衛同治元年西安將軍穆騰阿調赴陝

敗回臨潼賜號恩特赫恩巴圖魯省防出力
晉頭等待衛從多隆阿克太廟回巢加副都
統銜大捷蘇家溝收謂城記名副都統都興
阿督辦甘肅軍務將揚防騎兵以從襲攻清
水堡下之穆圖善代都興阿將出視地形回
大至見長順卓幟橋上腊曰此小常也趨趨
莫敢前長順橫矛大呼抉其圍翼穆圖善以
出長順在軍中咸以常遇春相擬長常同音
清文漢譯重音不重文故方略諸書皆署常

順也尋從穆圖善入甘回兩犯蘭州以長順
力戰得先七年克狄道州功最賞玉柄小刀
大小荷包二對進攻太子寺我步兵三營陷
敵苦戰不得脫長順將二百騎分突之約會
於中堅三八三出圍解而步兵亡其半主者
恥敗責以不俟令詰不已長順曰俟命此步
軍命亦亡矣尋擢鑲黃旗漢軍副都統回京
供職兼充神機營專操官十年冬陝甘回擾
北路軍彙遷科布多參贊大臣明年八月署

烏里雅蘇臺將軍回撲烏城南關壘登陣固
守四日而圍解烏里雅蘇臺為北路衝地無
城郭長順敷石為基壘土為墉高踰二丈外
護以壕東西南三門建營設戍北門濱水建
礮壘城上城守乃固尋督卓凌阿擊賊圖謝
旗大破之伊犁將軍崇全保塔爾巴哈臺移
書告急使依楞額將察哈爾騎兵赴援參贊
大臣顧金錢噤不得肆久矣時長順出馳疏
劾烏歸而疏辦參贊罷長順以失禮使者為

所甚亦交部議革職神機營調充騎兵管帶
兼總理營務翼長出為山海關副都統光緒
三年冬左宗棠進規新疆舉之四年詔署巴
里坤領隊大臣巴里坤數被兵遺民苦生計
為請巨金於官勞來安集之六年春移哈密
幫辦大臣丁母憂改署任八年俄羅斯以伊
犁來歸奉命定中路分界約踰格登山以
南屬之俄格登山故有刻石高宗平準夷銘
勳碑也長順據以折俄使俄使又欲得烏家

島出以其為錫伯營屯田水源也為長順所
持俱得歸於我明年遷烏魯木齊都統又明
年改正白旗漢軍都統進內大臣班十三年
出為吉林將軍吉林患水災民乏食長順發
庫帑又募富民捐錢米賑之全活無算邊省
制錢少恃商帖相市易商出空帖恆鉅萬數
倒閉則官私俱蒙害長順增鑪鼓鑄且購運
於滬謀廢帖用錢商民初駭沮後乃便之又
改訂稅則歲增權錢數十萬清釐郡學田以

膏士奏撥隨缺地數十萬晌以贍旗營官兵
二十年日本人入朝鮮朝廷遣大軍赴援長
順疏言淮軍多暮氣神機營及東三省練兵
尤窳不可用前敵諸將無統帥懼蹈唐九節
度相州覆轍疏留中已聞劉坤一拜欽差大
臣之命則疏請簡精騎由琿春疾入朝鮮境
牽敵平壤之師使不遠內犯然後與淮豫諸
軍夾擊於境上一入我境備多而禦之益難
亦不報王師失利敵渡鴨綠江而北遼東驛

騷上命赴援並節制奉天各軍詔曰遼陽有
惟長順是問甫抵瀋陽而海城陷於敵遼陽
距海僅百三十里瀋帥尼其行長順曰若然
愈宜速往則從百騎疾馳去響夕抵遼陽
西關外潰兵潮集而敵尾其後設後數時至
者遼陽已膏虎吻以潰兵為之俟也既會軍
海城自冬涉春不下諸路軍皆潰長順亦欲
退款議成遂請疾歸吉林渤海扶餘蕩國女
真崛起於海古爾清太祖發祥於長白山皆

奄有中國建省垂三百而志乘未備長順倡
修通志聘編修李桂林主之疏言臣聞志記
也積記其事也書序曰九州之志謂之九邱
聚也言九州所有土地所生風氣所宜皆聚
於是後世方志之書所自昉也吉林極幽營
之東北控遼瀋之上游襟帶江山表裏華甸
土苞上壤地跨勝形信神明之奧區寔守國
之利器漢唐以前羈縻勿絕迨遼金元明為
州為部為路為衛分土受治漸啟規模洪維

我國家肇啟大東，衍源長白。考諸鴻烈，是為
報德之維。溯自龍興，寶始發祥之地。高山天
作，豐水謀詒。太祖太宗，威揚捷伐。式昭七德，
垂裕萬年。世祖克成厥勳，奄壹區宇。列聖覲
光揚烈，丕顯丕承。屢念舊邦，聿隆作述。欽惟
皇帝，陞下纘承。統緒寅紹，丕基緬懷。締造之
惟艱，深維本根之至計。特允前將軍銘安之
請，添置官吏，墾闢荒萊。闔澤宏敷，隆規大起。
而且整軍經武，設戍已之屯防。招民實邊，增

庚戌之土斷則壤成賦視內地無少殊腋韓
胸蒙較內省為尤重允宜編諸方策垂示無
窮而三百年來來省志未立無以恢宏神謨
潤色鴻業是以守土之臣之責也且夫王者
陶天下為一家必先物土宜而制疆里外史
掌四方之志將以申封守而畫郊圻是以河
圖括地遁甲開山伯益山海之經周官職方
之紀洎夫歷代並有專書顧華渚丹陵未顯
孕靈之跡幽居邨室僅傳胥宇之文仰松柏

於殷山景毫則圖經莫考指粉榆於炎社沛
豐則紀述無聞唐家仙李蟠根徒聞十道之
志宋氏商邱襲號空稱九域之書樂史寰宇
不列典章歐陽輿地但箋沿革徧稽往籍罕
徵省山與宅之規茲遇紹聞敢忘建邦啟土
之烈臣職司守土歷有歲年輒欲與此邦人
士網羅舊聞敬謹綴輯然而吉林之志較之
他省有倍難者夫索綏春秋端資邊瀏常璩
國志半襲譙周是則一方之書不能不藉於

一方之紀而吉林自來紀載未有專書漢史
三韓之說旣范氏之誣辭渤海大氏之文僅
唐書之旁及書缺有間不足據依惟乾隆四
十四年欽定盛京通志一書詳記吉林建置
之事今擬恪遵成式推廣新編而百餘年來
之經制典章增華踵事亦應旁搜博采州次
部居庶幾考獻徵文不虞散落特是削青繕
寫尚需日時而起例發凡宜先裁定伏以聖
皇啟宇王迹肇基開剏之神謨征伐之偉烈

在原在嶽經陟降而地靈成邑成都啟版圖
於日關爰在聖祖則翠華三莅念切紹庭洎
乎高宗則鑿輅四臨功期繩武頻昭曠典富
有天章是皆宜恭紀聖謨登諸首簡若夫星
土井疆之縷載山川城郭子條分古今沿革
郡邑置省戶田賦役郵驛兵防長佐師儒之
官論秀書升之典薛季宣之編土俗范成大
之記虞衡人物志之昉林紘藝文志之依班
固凡此門分戶別總期綱舉目張是宜精摭

密撫顯著臚晰者也至於分率準望別成斐
秀之圖斜上旁行更著史遷之表庶幾言其
域分條其風俗疆宇之故視之而可知若坐
堂隍俯視庭宇形勢所憑察之而足審將下
以為將來之法守而上以備國史之要刪焉
臣治戎是職守邊無效有愧伏波之聚米開
示衆軍竊幕鄴侯之收書能知隘塞用竭愚
管開局興修他日書成恭繕進御所冀述艱
難之先業如陳二南七月之詩尤願追揆奮

之威稜以成克詰方行之盛自十七年經始
至是年春成書百十有六卷上之病愈管理
神機營二十五年命稽查吉林練兵復授吉
林將軍維時義和拳民肇釁以仇教驅洋為
名二三親貴重臣義而獎之遂蔓延不可制
俄西伯利亞鐵道東端交午奉吉江三省境
僑居人至黷廷寄促急擊之長順習外情知
彼我強弱形勢獨鋤莠民守條約斂兵保境
不輕發奉天黑龍江師燿城陷人民駢首死

者數十萬惟吉差完和議成償銀十餘萬元
視他省輕減二十九年日俄訂於奉吉境嚴
守中立兩強無所藉口而權稅大旺三十年
卒年六十有七贈太子少保銜予一等輕車
都尉世職賜治喪銀千兩諡忠靖子希林布
侍衛前卒孫榮源一品廕生以郎中用分省
候補道論曰長順積軍伐致通顯考其戰略
蓋難與都清慤富威勤並論他日建節吉林
闢土綏氏治力文治實為二公所不逮云庚

子之役拒宮闈之亂命保境睦鄰脫數百萬
生民於豺牙虎口間得不橫噬以盡可謂社
稷臣矣

訥依琫 阿達呼爾鄂嫩氏隸西特哈廂黃

旗凱河屯人咸豐五年從舒保入楚收德安

六年誘寇漢陽西門敗之北解襄陽圍明年

斬匪渠張文治禽高二先襄樊肅清陳玉成

西犯胡林翼檄從舒保回援平定粵匪方略

敗寇廣濟八年多隆阿攻太湖從舒保牧馬

太湖河進至流波。種為大軍聲援。胡林翼嘗
疏言。舒保訥。依琿阿所將。皆勁旅。衝鋒陷陣。
戰績最多云。

明興 索倫教拉氏。隸西布特哈。廂黃旗巴
彥街屯人。咸豐三年。從征江南。總第二起馬
隊。遞補佐領。九年。調湖北。屬總兵鮑超。霆軍
自是。霆軍有黑龍江馬隊。江督曾國藩。由祁
門進窺金陵。挾鮑超一軍。與俱。明興從破寇
盧村。洋塘間。祁門大營。始固。十一年。陳玉成

襲曾國荃安慶軍李秀成躡江西江南北岸
俱告急明興從援皖大戰集賢關玉成敗走
俘其渠劉瑒林回援江西秀成斂衆保豐城
大破之撫州圍寇望風遁貴溪鉛山寇亦進
散軍轉鬪數千里疲甚明興率馬隊獨進
又東至於廣信寇方攻廣信聞明興至立解
圍遂以攻最記名副都統賞法什尚阿巴圖
魯同治九年裏寇青陽寇懼急返巢乘勢破
其九壘大戰甘棠舖自山後衝賊陣破之遂

收太平進克甯國府城遙授乍浦副都統次
年詔署杭州將軍乃離營總那勒豐阿率所
部回黑龍江八年以足疾乞休十一年授荆
州右翼副都統又二年卒子定慶六品廕生
定祥領催孫崇福領催
業昔鏗一作業達呼爾德都拉氏隸東布特
哈正白旗德都拉屯人咸豐四年以佐領從
僧格林沁逐寇富莊驛賞花翎游保協領因
事奪官同治六年從善慶戰贛榆誅捻渠任

桂復原官光緒二十年黑龍江將軍奏設布
特哈副都統缺上以授業普鏗 安住 達
呼爾蘇都里氏隸西布特哈廂白旗綽爾哈
屯人同治元年以即補總管佐領從勝保入
陝破咸陽馬家寨回巢加副都統銜勝保被
逮改隸多隆阿時多隆阿轉戰渭北省防弱
將軍穆勝騰阿調防西安二年回撲西安敗
之記名副都統偕曹克忠破光太廟回巢加
都統銜明年補吉林副都統偕丁憂回旗四

年僧格林沁戰死曹南捻蔓山東河南境詔
將黑龍江騎兵屯大名河南巡撫吳昌壽累
疏請移師助勦明年敗捻西平古蔡寨進駐
蘭儀李鶴年代昌壽累疏撫豫奪安住軍併
於善慶奏言安住久歷戎行人甚樸實請令
回吉林副都統本任詔著來京候旨安住疏
言捻渠張總愚賴文光牛洛紅任住木失巢
之獸挺走無常已成流賊豫省四面平原宜
野戰聚而殲旃較他省為易然馳驟豫境並

未大受懲創者其弊有三一在督辦大臣不能臨陣臣前在陝西親見多隆阿指揮前敵繞令一出將士人人思奮爭為前驅是以所向克捷今河南無臣聞一警振授一方畧皆係遙度懸揣之說藉令籌畫悉當已若後時而况遙度懸揣者在在與事實相違也二則馬步諸將不能合擊撫臣既不能督師臨敵馬步將領勢均力敵平日會商意見或不相同及至交綏各軍自為進止勝不相顧敗不

相救賊雖挫敗得以乘間逸去臣所部僅千
人雖遇數萬之賊莫不決命爭首然無步兵
夾擊殺賊雖多官軍士馬損傷亦復不少夫
與其待賊走而後營尾追何如當賊甫至而
併力一擊臣每以未得痛殲醜類為憾者此
也三則賊計甚狡賊馬日增賊日夕奔馳趨
向靡定藉以疲敝官軍而常伺我兵力不到
之處擄脅人民壯者裹以從行弱者勒令獻
馬贖命故賊中健馬日見其多勢亦益張臣

惟大河以南賊匪蹂躪殆徧惟河北三府尚
為完善將來無可擄掠勢必窺伺河北伏願
簡放知兵大員督辦河南軍務督辦得人則
馬步自能會合以收夾擊之效賊雖狡悍當
有束手歸命日也尋命將黑龍江騎兵從庫
克吉泰德興阿赴科有多次山西擒渠張總
愚自豫犯陝陝回窺甘者亦東歸西安戒嚴
安住急引兵渡河六年二月偕楚軍將劉松
山及副都統全福攻寇金梁銀梁轉鬪乾州

涇渭同朝間寇勢張而復蹙調西安副都統
張總愚踐冰渡黃河東趨偕喜昌躡至河內
清化鎮以未出隊策應喜昌為佐宗棠所劾
革職留營歸喜昌統帶尋偕喜昌敗賊隆平
馬家橋疾趨八衛七年正月先寇至保定賞
還頂戴二月會朱慶張曜諸軍破賊深澤獻
縣復原官三月偕陳國瑞逐寇抵懷慶清化
鎮上命督所部千五百人留屯杜捻回竄居
一月安住以捻躡直東境諸將疲於奔命而

河內無寇警乃率所部北上於待衛陳國瑞
具豫撫鄭敦謹劾以擅離防所交部嚴議令
駐師保定固畿輔張總愚走死復原官補正
白旗漢軍副都統

論曰安住在諸將中無赫赫名然讀其論兵
事疏謂當萃擒於河南平原地合軍殲之與
冒李圍賊一隅之旨同何其所見之遠也屢
忤疆吏摧折而不悔殆亦權奇自喜之士與
以上係已往人物事略其最近從政人員

以非志例不得特書附列名貫職任如下庶
相觀而善進縱先民遺烈以俟異日論定焉

姓名

次章

籍貫

出身

履歷

額勒春

樂田

東布特哈
正白旗溫
察拉
屯人

筆帖式

歷任布特哈副都
統衙門筆帖式統
騎校佐領總管黑
龍江軍務善後以
辦公署

額爾德蒙格

德崇軒

東布特哈
開闢屯
人

東布特哈
官立師範
簡易科
畢業

額勒松

智臣

東布特
哈正黃

黑龍江
省滿蒙

歷充小學教員

歷充東布特
哈廂白旗驍騎
校佐領納河廳議
會代表納河八旗籌
辦處總辦

諮議

辦公署

額爾登布

晚奉

旗奎勒
沁屯人

師範畢
業

訥河警察第
四區巡記長

文卿札布

鄂景秀

西布特哈
廟黃旗和
禮屯人

遼寧東
北蒙旗
師範學
校畢業

歷充西布特哈
總管衙門書
記
員

巴圖

恩升

東布特哈
正藍旗
布瑪
屯人

江省滿
蒙學校
師範畢
業

歷充東布特哈廟
黃旗佐領青年教
育促進會長
旗軍辦處總辦

巴金保

富禮慶又
名富興

東布特哈
正黃旗
哈沁
屯人

江省滿
蒙學校
師範畢
業

高爾嘎朗

又名德古
來字純樸

東布特哈
正白旗溫

日本東京
長崎高等

慶元蒙古自治
軍軍法處長

吳常德

子恆又
名嘎珠

西布特哈
正紅旗西

汪省滿蒙
師範學校

歷充教員
教育委員

阿罕台

日新又名
教恆泰

東布特哈
正黃旗庫

南京中央
政治學校

歷充東布特哈佐
領籌辦處辦事員

阿錫塔

又名喜常
字五亭

東布特哈
正藍旗嘎

領催筆
帖式

歷充騎校佐領
遊擊隊管帶省防

阿勒巴

又名福德
字善修

西布特哈
黃正旗宜

西布特哈
高級小學

歷充西布特哈總
管署科員騎校

市寺會志各

人物

卜一

阿勇巴圖

敖榮壽

卧奇
屯人

校畢
業

領佐

東布特哈
正黃旗都

奉天東北
蒙旗師範

歷充呼倫貝
爾小學教員

西沁
屯人

學校
畢業

志達圖

孟貴三

東布特哈
廂黃旗阿
拉哈產
屯人

南京政治
學校畢業

歷充東布特哈旗
務處筆帖式在江
蘇省政府各廳
實習六個月

卓仁托布

又名孟海
順字匯川

西布特哈
正白旗尼
爾基
屯人

黑龍江省
立師範學
校畢
業

歷充布西農務會
長江省蒙旗教育
委員會
委員

卓仁台

又名德全
字子厚

西布特哈
正藍旗杜
拉爾
屯人

布西高級
小學校畢
業

歷充布西設治
局荒務科員

哈春富

字放
景堂

東布特哈

廂黃旗多

江省滿蒙
師範學校

歷充正黃旗駝騎

校訥河第四區巡

人

業畢
官

胡格金台

教岳山

東布特哈

正黃旗奎

奉天東北

蒙旗師範

歷充東布

特哈八旗

舞辨處

書記呼

勅沁

屯人

學校

畢業

倫貝

爾小

耐泐囊

公元

員
學教

東布特哈

廂白旗開

日本東京

美術學校

歷充臚瀆

縣公署科

員

關沁

屯人

業畢

阿克敦

子友

東布特哈

正黃旗拉

江省滿蒙

師範學校

歷充東布

特哈八旗

正黃旗拉

人物

正黃旗拉

郭興元

籌備辦處
力沁 畢 河四區
譯訥
屯人 業 區官
綽羅巴
東布特哈
正藍旗莫 日本士官
圖爾 學校畢業

郭興德

豐興德

東布特哈
正紅旗滿
北平蒙藏
學校畢業

敖福瑞

霍圖
仁嘎

乃伯爾
科屯人
東布特哈
正黃旗奎
北平蒙藏
學校畢業

敖瑞明

勒沁
屯人
東布特哈
正黃旗庫
勒沁
屯人
北平蒙藏
學校畢業

索寶

又名郭文
興字推亭

東布特哈
正藍旗洪

筆帖式

歷充東布特哈
驍騎校佐領

索米子宏

又名孟定
恭字鏡雙

西布特哈
正白旗次

黑龍江滿
蒙師範學

歷充西布特哈驍
騎校佐領總管署
筆帖式科員科長

常德布

仲平

東布特哈
正白旗都

業
蒙師範學

歷充驍騎校小學
教員墾務局稽查

常海

瀛洲

東布特哈
正黃旗滿

業
北平蒙藏
學校畢業

舍英

俊才

東布特哈
正藍旗洪

業
東布特哈
師範講習

歷充小
學教員

二十五年各

人物

十三

鄂騰格

又名松盛
字雲濤

霍爾濟
屯人

科畢

東布特哈
廂黃旗花

江省滿蒙
師範學校

歷充納河縣署
譯第四區巡官區

馮台
屯人

業畢

官驍騎校省防軍
營軍需長遊擊隊

爾恆巴圖

又名杜雙
壽字佐臣

西布特哈
廂藍旗雙

領催

連長
歷充驍騎校佐領
遊擊隊長區官

富增格

郭學禮

東布特哈
正紅旗滿

北平蒙藏
學校畢業

乃伯爾
科屯人

圖穆爾

孟德興

東布特哈
廂紅旗阿

北平蒙藏
學校畢業

馬爾嘎

又名胡虞
字凱章

拉哈產
屯人

東布特哈
正紅旗滿

乃伯爾
科屯人

江省第一
師範學校
畢業

歷充呼爾倫貝中
學校教員呼倫鎮
守署使諮議道署
繕譯黑江龍警備
司令官署

嘎爾地

又名榮福
字善亭

東布特哈
正紅旗滿

江省第一
師範學校

歷充騎枝佐領
東布特哈總管署
文案處總辦

霍圖日藏

孟福善

西布特哈
正黃旗宜

奉天蒙旗
師範學校

歷充西布特哈總
管署書記布西財
政局事

畢業

務員

明陞

教級三

西布特哈
正黃旗登

布西師範
講習所畢

歷充學教員總
管署筆帖式驍騎

阿寺

人物

卜日

孟希舜 孝聞

特科 屯人

業 校

西布特哈 正白旗小

布西師範 講習所畢

墨爾丁

業

歷充筆帖式驍騎 校佐領總管署科 員勸學員

屯人

教育委員

巴彥克西格

又名教巴 彦字俊升

西布特哈 正白旗登

布西師範 講習所畢

歷充小學教員 領催筆帖式

特科 屯人

業

烏爾恭博的

又名慶元 字同甫

西布特哈 正黃旗西

筆帖式

歷充驍騎校佐 領總管署科員

瓦爾士 屯人

朱爾綱

又名脚永 字子久

西布特哈 廂白旗綽

江省滿蒙 師範學校

歷充小學教員教 育委員筆帖式

爾哈 屯人

業 畢

綽克巴圖爾

德樹元

東布特哈
正白旗文

日本補習
日語大學

歷充蒙古自治軍
傳宣處長

綽若奇

瑞升

東布特哈
廂藍旗嘎

江西第一
中學畢業

歷充小學校教員
驍騎校訥河營備

穆克德

又名文盛
字彬

東布特哈
正黃旗庫

筆式帖

歷充領催驍騎
校總管署司員

圖穆爾托

又名陞全
字雲亭

東布特哈
正黃旗博

筆帖式

歷充東布特哈總
管署科員勸學員

海順巴圖

又名郭海
保字汗臣

東布特哈
正紅旗他

江省滿蒙
師範學校

歷充小學校教員訥
河五區巡官布西

可寺言各

人物

下五

薩音托布

鄂成全

本沁
屯人

畢業

三區保
保董董

東布特哈
正黃旗博

北平蒙藏
學校中學

歷充小
學教員

庫爾沁

班畢

屯人

業

孟有格

東布特哈
廂紅旗阿

訥河縣立
高級小學

歷充小
學教員

拉哈產

班畢

屯人

業

孟定海

西布特哈
正白旗大

布西高級
小學校畢

歷充西布特哈總
管署筆帖式布西

信齋

墨爾丁

業

屯人

財政局收
捐委員

純善

仁齋

西布特哈
廂黃旗莫

布西高級
小學校畢

歷充布西勸學所
僱員總管署筆帖

呼朱
屯人

業

式

增保

東布特哈

訥河高級

層充布西四

正紅旗哈

小學校畢

區學務委員

力屯人

業

嘎特布庫

貴隆

西布特哈
廂黃旗和

布西高級
小學畢業

層充小
學教員

禮屯人

珠爾甘圖

珍卿

西布特哈
廂紅旗哈

江省滿蒙
師範學校

層充西布特哈總
管署筆帖式札蘭

力沁屯人

業

局警佐

索爾塔圖

瑞海

西布特哈
廂白旗祥

江省蒙旗
中學校畢

層充小
學教員

爾谷屯人

業

德富貴

東布特哈
正白旗德

奉天蒙旗
師範學校

層充小學教員札
蘭屯警署高警佐

人物

人物

人物

孟敦祥

劉慶額

善卿

古蹟

夫往者為古蹟者為蹟布特哈地方金遼以來僅遺秦州逸堡一道至清始有廟宇碑銘之蹟爰據聞見所得者志之以俟考古者之

東布特哈

廟紅旗阿

拉哈產

屯人

西布特哈

廟紅旗哈

刀沁

屯人

業畢

筆式帖

唐允順雅號騎校

縣農會副會長

管署

科長

參證馬

金遼邊堡去西布特哈舊總管衙門北三里
許起自嫩江右岸蜿蜒西南經索岳而吉山
出布特哈界越直隸圍場抵山西歸化城屹
屹若長城史所稱金之秦州迤堡即金天輔
年間宗室婆盧火屯兵於斯為防遼裔而起
之達里帶石堡子也達里帶石者堡南宜卧
奇烏爾科查哈彥等處尚有舊跡古城三座
疑是當年屯駐大軍所在也宜卧奇闕帝廟

古跡

有非與志身

八十一

在西^市特哈正黃旗後宜卧奇屯舊總管衙門
路東一高二低七間正殿一座東配房三間
大門三間皆三間草頂磚面通圍松木板樟
係於清季道光年間布特哈八旗公修正殿
前欄掛有修廟紀念匾一方係漢^滿文譯漢曰
夫崇尊神仙古今通道以慎與循是為首務
致和德政道光六年元旦禮畢坐堂之次未
經預策而奇異其三意之不謀而同聚商八
旗則心齊意合紛紛助款築^園成帝王大廟^副都

清史稿卷一百一十五

統銜總管黃馬補花翎特松阿前清門行走
黃馬褂花翎庫爾清巴圖魯常德總管花翎

等謹立並經歷任長官及各界獻掛匾額多
吉坤泰

方曰天中日午光緒丁未年布特哈等慶地
官常雲掛

忠孝神仙庚申年嘉平月西布聖恩陰佑
凡年仲夏特署總管事務世管乾坤正氣光

歲次癸未六月管理布特哈等慶副都統銜
佐領訥依琿阿獻掛

總管兼世襲恩騎尉藍翎諸們德勒和爾總
官花翎明克乾坤浩氣命花翎副都統銜

精額奇謹獻
布特哈總
官廉忠立

蓮台光緒八年十月卜全正黃慈光普照
左殿觀音閣前掛有匾額曰大座

古跡
弟于崔維慎謹立

不亦志身

丁未年蒲月管理西布特哈等廟院中有老
處地方藍翎總管常雲獻

榆樹四株大門前有老松樹四株為當年建

修該廟之總管手植云

誥贈武顯將軍西爾博圖暨配武里蘇氏夫

人之墓在西特哈正黃旗後宜臥奇南崗

砌磚繚垣久圯惟石質龜碑高且及丈巍然

屹立其碑前勒滿漢文褒制文二道

一曰奉天承運皇帝制曰民德建勳良臣克

昭其果毅酬庸錫類中都統文春之父訓備

義方慶餘積善肯堂肯構良材資樸斲之勤
懋賞懋官明庭中顯揚之錫欣逢國慶式廓
家聲茲以覃恩矧爾為武顯將軍錫之誥命
於戲因嚴為教戒令器於班行移孝作忠煥
綸章於策府紙承朕命長青乃休

一日制曰以忠致主既揚武烈於巖廡惟孝
顯親宜沛隆庥於慈蔭爰敷闡澤用表芳型
齊武里蘇氏通正紅旗蒙古副都統文春之
母柔嘉叶度式穀傳家庶楨幹之良允推鍾

不特唯志者

八

美著玕璜之懿。矩官爾發祥鞠育。惟勤寵綏。自逮茲以。卑恩贈爾。為夫人於戲。嘉慈闈之令範。式貴鞏紳。推禁禦之隆恩。用光緇素。欽承茂典。丕煥泉壚。嘉慶六年四月十六日。

色爾滾墓 在西布特哈正白旗大莫丁氏屯北崗上。砌磚墳套久頽。尚有高且及丈之石質龜碑一座。巍然存在。其碑前面勒漢滿文。堡一制道曰。

奉天承運皇帝制曰。國家重禦侮之材。端資

果毅臣子殫服勤之職貴矢公忠惟効力宣
猷篤棊勿渝乎終始斯酬庸紀績褒揚備致
其哀榮懿典常昭豐碑用建爾原任都統衙
門副統原品休致色爾滾心存謹恪望屬老
成蘊韜略於胸中深明紀律壯金湯於塞上
久歷戎行因獎勞而歸以嘉名爰荷寵而膺
夫顯秩班依豹尾嚴宿衛於直廬職領龍璫
統趙桓於禁旅迨養痾之遂請全俸特頒何
論亟之倥偬頽齡莫駐軫懷良切港念彌深

鐫級悉開既免因公之罰賻金優給還施助
葬之恩申命禮官易名勇莊於戎賈絲綸而
光瑩域報忠之禮斯存勒金石而表于城春
舊之情何極敬承休命易爾後人欽此
追封建威將軍色爾滾之妻一品夫人毅貝
爾氏

大清道光五年三月十九日

男 凌金 朱爾格山 敬立

得依奔墓 在西布特哈爾紅旗博克圖屯

北山麓砌磚繚垣久頽墓前豎有高且丈石
質龜磚碑一座前面勒滿漢文制一道其文曰
奉天承運皇帝制曰政重五兵參佐允資乎
豹略思隆三錫褒嘉特煥夫龍章爾駐防黑
龍江佐領得依奔職司軍旅材裕鞞鈴迪果
毅于戎行爪牙攸寄懋勤勞於王室事服宜
旌鉅典式逢湛恩用沛茲以覃恩授爾為昭
武大夫錫之誥命於戲師克在和尚輯趙桓
之衆功期罔懈益張赫濯之靈

不牛只志美

十一

大清嘉慶十年六月吉日打牲處正黃旗男

長自林阿

次吉爾卓阿

孫得克登

三白魯善

富勒神夫妻墓 在西布特哈正白旗界尼

522

爾吉屯北崗之北麓以雜亂石堆作墳套墓

前豎有方石底之石碑一座字跡年久模糊

不易辨認以手摩識其文曰黑龍江正黃旗

滿洲達呼爾公中佐頤下孟爾丁氏

皇清詔授昭武都尉顯妣富勒戶神之合墓

道光十一年九月十一日

子
花靈 阿阿 那靈 何等敬立

孟蘇都爾氏節孝碑 在西布特哈正白旗

大莫丁屯南官道迤傍方石底之石碑一座

係大莫丁屯孟鼎符妻蘇都爾氏於二十九

歲為孀守節二十餘年忍痛耐苦不辭劬勞

奉送威姑之壽考敬順尽心蓋孝撫育双孤

之幼齡教訓惟儉事經西布特哈總管金純

德其狀呈請中央特予旌表褒揚其節孝乃

百寺台志

古跡

一

清史稿卷一百一十五

有年

九

勒石遺傳其坤範永垂不朽其碑文錄後

前面勒云

大總統親筆

竹孝松貞

孟蘇都爾氏

背面勒云

大總統褒曰禮修引過中壘傳其高風義行

在門袒發昭其茂矩是以大家女訓必貞順

以無違鄭氏孝經以節操為結論爾黑龍江

孟鼎符妻蘇都爾氏姆教夙嫻女宗共仰是
廣漢汲晨孝婦六里江寒乳山南垂暮衣姑
三春日永孤鸞不彩傷言子咸早亡寡鵠翔
空誓守陶嬰大節具此行誼允矣褒揚於戲
芬延草席彤史書儲姓之賢詩詠柏舟如風
頌共姜之德作之坊表維乃坤貞

中華民國九年六月

金總管遺聯 在布西縣署大堂兩楹前掛
木製黑底白字之長聯一付其文曰

才生以志

十一三

艱鉅何敢當聊守茲逸堡金遼看漁翁垂釣
樵子採薪酌古準今與爾旗民共歲月

庚申年嘉平月

事權誠亦重莫嫌此荒原榛莽效隴畔催耕
鄉間勸學移風易俗率化禮讓度春秋
總管金純德敬書

孟蘇都爾氏牌坊在東布特哈廂紅旗阿
拉哈產屯西一里之遙東西大路北側坊為
木盾高可及丈為風雨剝蝕勢將頽敗懸額

一方文曰松筠並著傍註細文曰阿拉哈產
屯墨爾丁氏八品監生平壽之妻蘇都爾氏
節孝

宣統元年七月立

嘗詢該氏後人則出清宣統年間敕旌原文
相示緣氏年二十四歲居孀守節事姑盡孝
矢咏寡鵠之詞三十年間猶如一日經黑龍
江將軍列表禮部彙請聖旨敕准撥發建坊
費銀三十兩以成該坊流芳千古云

歌謠

自古太師陳詩以觀民風孔子刪詩存三百篇而列國風於首夫詩可以成風者則民作歌謠之詞也民情之法發於歌謠殆之如風之動也莫知其所自其被物也莫知其所止國之興亡政之良窳俗之淳漓胥繫乎是以其為俚言也而忽之則失為治之本矣布特哈鄙處邊徼不足與語詩書雅化然渾樸忠實情見乎詞爰志歌謠用備觀風者之揆采

馬

布特哈旗屬每屆春秋兩季在總管衙門所
在之宜臥奇地方聚會操練演賽武藝祭祀
鄂博鄂博者以石或以土起堆以作天地之
位祭鄂博即祭天地山川之神其間耕種少
數畝地並遊牧漁獵為樂事於是到處吟咏
哥謠其音調曰納爺納爺譯漢兄弟姑舅即
現代國人勸呼兄弟姊妹之意茲將紀錄所
得布特哈旗人哥謠列舉於後

有宗所志

九十五

邊壕古跡兮

吾汗所遺留

秦州原野兮

吾之牧養場

兄弟姑舅兮

進獻駟首樂

安寧

興安大崩兮

吾之圍獵場

激江水流兮

吾之飲馬處

兄弟姑舅兮

充當兵差報

國恩

宜卧奇後屯兮

總管古城

尼爾吉鄂博

兮 祭典重地

兄弟姑舅兮

春秋聚會

賽武藝

時屈清明兮
願催來推促
兄弟姑舅兮

起犁種地畝
期節白露兮
佐頌孔文到

兄弟姑舅兮
收成登場院
濟島匪人兮

擾我好民
朝廷來令兮
挺選壯丁

兄弟姑舅兮
奮勇為武趨撲滅

苗疆叛亂兮
胡鬧揚揚
關內中原兮

罹受塗炭
兄弟姑舅兮
策謀計略爭

勇號

天命已改兮
民國成立
兄弟姑舅兮

寺台

古跡

山

卸甲業務農 時運轉換兮 政教維新

兄弟姑舅兮 棄弓就李校 奴才僕人兮

君汗所賞賜 輩輩隸役兮 迄已到如今

兄弟姑舅兮 遵照上司令 出放為民兮

永享平等福 登台垂釣兮 得草根坐

舟展網兮 獲鯉魚 兄弟姑舅兮 嗜啖

新味度天年

穿作水眼兮 下冬網 持備鉤插兮 捕

魚尾 兄弟姑舅兮 赴市售貨維計

經政

夫經野闢土為政先務設官分職制治首圖
布特哈地方原屬疆域西南自索岳而吉山
起西北經內興安嶺與呼倫貝爾為界東北
與墨爾根即今之嫩江縣為界東南沿訥謨爾河源經
呼蘭與齊齊哈爾即今之龍江縣為界縱橫數千里山
有寶藏野有良田斯地土人倚為天然牧獵
場所顧人煙寥然土地曠然居無城郭之防
行無疆理之限民無政治之思想也久矣自

不牛以六界

九月十八日

清季移民實邊之制始見施行測地分疆闢
墾荒萊民戶雲集村屯林立經界井然正矣
設置縣局繕治城郭官有職守事有統屬政
制秩然明矣至濬利源則有九峰鉄高等山
之煤礦開採利交通則有巴彥伯爾汽間之
輕便鐵路築成風氣為之遽轉習俗為之遞
變一視昔日荒蕪之概迥乎別有天地矣志
經政

東布特哈地方所設之縣鎮

布西縣在激江右岸西布特哈正白旗界尼爾吉屯地方於民國四年經西布特哈總管金純德兼籌設治放荒招墾任內又放果基民國十一年始行創組布西縣治其轄境東臨嫩江流域與訥河縣作天然界限西至阿倫河左岸與雅魯縣分界南至綽爾哈屯迤南與龍江甘南兩縣分界北至甘河左岸與嫩江縣分界

甘南縣在西布特哈南部昔由省赴呼倫貝

本年以才身

九十八

爾站道之二站地方布特哈八旗牧獵場所
於季清光緒三十一年經黑龍江巡撫程德
金組設甘井子巡防局委派總理一人馬巡
一隊駐紮在彼兼理放荒招墾事宜會同西
布特哈總管常雲辦理於民國四年改為佐
治局仍歸西布特哈總管金純德節制於民
國十一年改為縣治其轄境東北兩面與布
西縣分界西至雅魯縣界南與龍江縣分界
雅魯縣在西布特哈西部雅魯河北岸廂蓋

旗界扎蘭屯稽墾局俾資放荒招墾至民國十四年改為縣治其轄境東至阿倫河西岸與布西縣分界西至雅魯河上源濟沁河北岸與濟沁河稽墾局分界南至扎賚特旗段景縣界北至內興安嶺與呼倫貝爾之呼倫縣分界

濟沁河稽墾局在西布特哈西部雅魯河西綽魯河東濟沁河南岸即布特哈旗人圍獵場所於民國八年組設稽墾局辦理放荒招

丁卡卜台

經改

乙上乙

墾事宜索倫山設局在西布特哈西南迤界
之索岳而吉山地方與內蒙烏爾穆沁左翼
旗交界處於民國初年因其蒙迤地方設立
宣撫局辦理宣撫迤蒙及招徠墾戶事宜嗣
因人戶漸增闢地較多改為設治局
平陽鎮在西布特哈西南廂紅旗界托索虎
屯即布西縣屬二區界殺字段地面
綽哈鎮在西布特哈南境廂白旗界綽爾哈
屯即布西縣屬二區界殺字段地面

亞東鎮在西布特哈西部格尼河上游正藍
旗界雅爾賽屯即布西縣屬五區界訥字段
地面

月明鎮在西布特哈西北努敏河左岸正藍
旗界喀雅都爾本屯即布西縣屬四區境本
字段地面

駱駝鎮在西布特哈東北胡日里河北岸廂
黃旗界特莫呼珠屯特莫呼珠者譯因該處
有形似駱駝脖子之山以是名其屯而鎮名

沿之即屬布西縣三区境剛字段地面

甘奎鎮在西布特哈東北奎勒河迤南甘河
右岸廂黃旗界巴彥屯地方即布西縣屬三
区境剛字段地面

右布西縣境內所設鎮基均經西布特哈
總管金純德兼理布西設治員任內文放以
維招徠墾戶藉資興通地面
九峰山煤礦在西布特哈東北甘河上游九
峰山地方產有烟煤其礦区面積劃定兩方

於清季光緒三十三年發現煤苗之時由官家
設立甘河煤礦局委派東布特哈總管金純
德總理其事開採用土法挖作每年礦丁四
五十名或五六十名不等秋冬工作春夏停
止工全年工作期限約二百日產額約五六
百萬觔因甘河水流甚急船運不便由九峰
山起至伯爾汽江北岸止建築馬拉輕
便鐵路一道以資運輸再由伯爾汽碼頭從
嫩江水道用風船運銷江省自民國六年因

輕便鐵路甘河浮橋被冰排沖毀無款修復
暫行停辦矣

鐵高山煤礦在西布特哈東北廂黃旗界巴
彥街屯東南薩瑪街屯北甘河西岸鐵高山
地方經西布特哈總管金純德所採其苗甚
好因乏資本未能即時開辦故由金公發起
擬定章程欲行招股開作以興地利藉維需
用云

布特哈志略

烏里雅蘇臺志畧

城垣

乾隆三十二年創建木城一座週圍二里有奇

門三南曰承恩東西二門無名號內設辦公衙署

一所共房三十四間正設萬壽宮東西設四部院內閣 戶部 兵部 理藩院

西設將軍衙門共房五十九間東設泰贊衙門共房六十二間將軍在

西蒙古以西為上北城垣中建菩薩廟一城中

東建關帝廟一春秋二季西建土地廟一東南隅

建觀音廟一西北隅建倉庫西設營務所成

守宮兵駐房自置

道里

東南至庫倫距四十六台四千里有奇

西至科布多距十五台千五百里有奇

南至綏遠城

即歸化城

俗曰西口距五十四站五千里

有奇

東南至張家口

俗曰東口

距六十四站六千里有奇

西南至古城

城名曰早遠城

距二十六站三千里有奇

轄屬四至

東至薩音諾彥部落東界三千餘里

毗連庫倫

西至扎薩克圖罕部落西界一千餘里

毗連科布多

南至圖謝圖罕部落莫爾根王游牧南界三

千餘里

毗連烏蘭察布

接續喀爾沁台站

北至各卡倫一千餘里

毗連唐努烏梁海

官制兵額

定邊左副將軍一員

總統烏里雅蘇台科布多等處官兵各部落蒙古官兵事務

參贊大臣二員

滿洲一駐城內 蒙古一駐城外

內閣衙門

專管摺奏報匣收發各處立移南西北三路台站事務

掌戳記侍讀一員

京缺

筆帖式二員

保陞

候缺筆帖式一員

保陞

委署筆帖式

無定額

庫存

定邊左副將軍銀印一顆

欽差提調銅關防一顆

王命旗十二桿

上諭一道

勅書一道

奏摺報匣四個

令箭二匣

內有耳箭

大清例全部

清文鑑六套

天下地里圖一張

金川戰圖十六張

伊犁等處戰圖三十四張

台灣戰圖十二張

新疆地圖二張

安南戰圖六張

廓爾喀戰圖八張

科布多地圖一張

四部落地圖一張

烏梁海地圖一張

清字木蘭記墨刻一張

普陀宗乘之廟瞻禮紀事墨刻一卷

明慎用刑說一張

戶部衙門

專管官兵俸餉鹽菜口糧銀兩
緞布烟茶繩履口袋工程等事

掌戳記司官一員

京缺保
缺無定

筆帖式一員

陞保

候缺筆帖式一員

陞保

委署筆帖式

無定
額

庫存

茶膏

六百斤天平一砵碼五十六

戥子二夾剪一藍帽頂九

正項銀數十萬兩

無定額

緞布烟茶

無定額

倉存

連皮小麥青稞

無定額

馬掌

六千五百有奇

鐵斛一繩屨毛

550

布口袋

無定額

谷米數十石

無定額

兵部衙門

專管綠營官兵台布商民貿易詞訟刑名事務

掌戳記司官一員

京缺保缺無定

筆帖式一員保陞

候缺筆帖式一員保陞

委署筆帖式無定額

庫貯

子母炮四十一威遠炮三信炮六贊把拉炮五過

山鳥五十贊把拉鎗七棉甲一百盔甲四百

弓五百三梅針箭二千五百長鎗一千腰刀五百

六鳥鎗二百十一馬鞍板百四十一蒙古哱箭二

耳順風大小四大藥萬八千六百七十觔鉛

彈八萬四千一百二十五觔鉛磚八萬五千二百五觔烏梁海烏鎗十三礮千四百九十五斤俄羅斯斧九硝四百六十斤俄羅斯烏鎗九火繩萬三千二百十五斤俄羅斯小刀十小銅鍋八馬鞋一

552

理藩院衙門

專管內外蒙古事件審理命盜詞訟刑名兼管駝馬牛羊四項牲畜

掌戳記司官一員

京缺保缺無定

筆帖式一員

保陞

候缺筆帖式一員保陞

委署筆帖式無定額

將軍大人衙門巡捕驍騎校三員保缺

委署驍騎校無定額

佐領一員驍騎校一員輪班看守將軍印信係綏遠城領兵之

員三年一換以上京員三年一換保陞之員七年

為滿送部引

見文以部院主事補用武以防禦補用筆帖式五年為滿

文以部院筆帖式用武以驍騎校用保缺驍騎校

三年為滿回城補用其委署者二十六員三年
為滿更換時分別去留

綠營守備一員千總一把總三外委一留駐者不在其內馬兵

步兵二百四十兵役二十四候補外委在馬兵數內以上官兵均由

宣大二鎮調派五年為滿更換時准留一半

城外駐班蒙古副將軍一員

由四部落副將軍內輪班駐劄審轉四部落一切事件春季三音諾彥部落夏季

車臣罕秋季土謝圖扎薩克四每部落各一協理台吉四梅

楞扎蘭五聽差台吉一屬駐班將軍管轄差委 管理官廠駝馬

牛扎薩克一協理台吉一章京兵丁無定額屬駐班將軍管轄

以上各官等均係按四季更換

嚮導兵二十四名參領巡邏兵二百名分別各處

差務台吉章京一昆都一領之 以上各兵等俱在城外常川駐劄

亦屬駐班將軍統之

轄屬部落 喀爾喀四部落唐努馬梁海一部落

喀爾喀圖謝圖罕盟長即日罕阿林 部落在烏里雅蘇台東南距

千餘里至西界罕一親王一郡王二貝勒一公六扎薩克台吉

九共二十旂五十一位領百五十戶為佐領戶七千八百口四萬有奇罕

王貝勒公之內

欽放正副盟長各承辦命盜詞訟刑名一切文案事件副將軍參贊各專管游牧兵丁差務牲畜

後三部落俱倣此

車臣罕盟長印曰部落在烏里雅蘇台東距四千餘里至西界

罕一親王一郡王一貝勒二貝子二公六扎薩克台吉十三內蘇拉貝勒二公二

共二十三旂四十佐領戶六千口三萬有奇此餘倣

哲佈尊丹巴胡圖克圖駐劄庫倫胡圖克圖住蒙古也房羣徒俱以蒙古也

房週圍居住其形似營蒙古語庫倫圍圈也故名庫倫其地在汗山北庫倫大臣亦住此

設諾們汗一員總統喇嘛念經事務其鄂托

見散處各部落設尚卓特巴一員

總統鄂托克事務居住庫倫

每

鄂托克設達祿噶一名庫圖克圖沙畢那爾鄂托

克十七處戶萬六千六百有奇班第格尼音二萬

七百餘名共口八萬三千六百有奇駝三萬有

奇馬二十萬有奇牛十九萬有奇羊百九十萬

有奇

亦屬將軍統制

以上三處命盜案均屬庫倫大臣承辦

扎薩克圖罕

盟長印白扎克梁勒

在烏里雅蘇台西距四百餘

里至東界罕一郡王銜貝勒一公八扎薩克台吉

九共十九旗二十佐領戶三千口萬五千有

奇餘仿此

三音諾彥部落盟長印曰齊爾里克在烏里雅蘇台地面週

圍萬里有奇親王二郡王二貝勒二貝子二公六扎

558

薩克台吉十共二十四旗三十一個半佐領七十五戶百半

四千七百有奇口二萬有奇餘做前

唐努烏梁海在卡倫外游牧北界毘連俄羅斯距城二千餘里掌印

副都統職銜一總管四共五旂二十六佐領二千

六昆都 戶七百八十六口萬餘每年五月該副

都統率領總管等進卡來城呈送進

貢貂皮
俸銀領取

以上三處命盜案件均屬烏里雅蘇台將軍大臣承辦

諸款經費

二將軍

歲支養廉銀千五百兩
歲支糧七十五石零

按四季支放

一叅贊大臣歲支

養廉銀七百兩
糧四十三石零

按四季支放

力受將軍領馬二十六匹

一新任參贊大臣領馬十九匹

司官領馬九匹

筆帖式驍騎校等各領馬五匹

一新授筆帖式司官等領鍋折銀十四兩二

錢二分年滿回繳

一新到卡倫侍衛領鍋折銀二兩五錢年滿回繳科布

多所管 卡倫侍衛 烏里雅蘇台 卡倫侍衛
員支領馬匹 員不領馬匹

一侍讀月支 鹽菜銀十九兩
糧二石三斗六升八合

一三部院司員月支 鹽菜銀十四兩二錢
糧一石七斗六升四合

一筆帖式月支
鹽菜銀六兩
糧七斗五升六合

一佐領月支
鹽菜銀八兩
糧九斗八合六勺

一驍騎校月支

一候缺筆帖式委署驍騎校委署筆帖

式等月支
鹽菜銀二兩七錢
糧三斗二合四勺

卡倫侍衛

一頭
二等侍衛月支
鹽菜銀十兩
糧一石五斗零

一三等侍衛月支
鹽菜銀八兩
糧一石二斗六升

一正護軍叅領月支銀糧例同司官副護軍叅領例同委章京

一親軍校護軍校前鋒校月支銀糧例同筆帖式

一委章京月支鹽菜銀八兩
糧九斗八合六勺

綠營

一守備月支鹽菜銀四兩四錢
糧一石七斗四升三合

一千總月支鹽菜銀二兩七錢
糧一石四升五合八勺

一把總月支鹽菜銀二兩二錢
糧一石四升五合八勺

一外委月支鹽菜銀一兩四錢
糧六斗九升七合二勺

一馬步兵月支鹽菜銀九錢
糧三斗四升八合六勺

一兵役月支 鹽菜銀五錢
糧三斗四升六合六勺

蒙古

一駐班將軍三個月支銀五十四兩 俗曰吉
履將軍

一扎薩克三個月支銀二十八兩八錢

一協理台吉三個月支銀二十四兩

一管旗章京梅楞扎蘭三個月支銀十八兩三錢

一聽差台吉三個月支銀十五兩

一嚮道兵歲支銀十八兩

一巡邏兵月支 銀二兩七錢
糧三斗二合四勺

一官廠官兵歲支銀千八百兩有奇官員與駐班者同例兵丁每名歲支銀二十五兩二錢

一孳生駝廠官兵歲支銀千九百六十兩有奇官員歲支銀七

十三兩二錢兵丁歲支銀二十五兩二錢

一孳生馬廠官兵歲支銀五百五十兩有奇委章京兵丁同

例每名歲支銀二十五兩二錢

一南二十台官兵歲支銀七千四百兩有奇台吉歲支銀九

十六兩委章京兵丁同例歲支銀二十五兩二錢

一北九台官兵歲支銀千三十兩有奇糧三十五石

有奇台吉歲支銀六十兩委章京兵丁同例歲支銀十八兩糧一石六斗五升零

一接續庫倫十四台官兵歲支銀三千一百兩有奇協理

台吉歲支銀九十六兩羊十一支糧八石五斗零
兵丁歲支銀十八兩羊四隻糧八斗五升零

一庫倫接恰克圖十一台官兵歲支銀六百七十兩

有奇台吉歲支銀四十八兩羊二十七隻兵丁歲
支銀九兩共放羊二百九十隻由駐班將軍分給

一管理庫布蘇庫勒諾爾係喀爾喀毗連協理台吉一

員歲支銀九十六兩
糧十石二斗零

一唐努烏梁海副都統職銜歲支俸銀七十七

兩五錢

一總管歲支俸銀六十五兩

以上將軍叅贊滿漢蒙古官員兵丁一年共需
經費銀三萬八千兩有奇糧千四百石有奇

一烏梁海每年恭進貂皮折賞需用彭緞百數
疋布數千疋

一每年兩季領糧賞需蒙古兵丁烟八百八十包

一每屆三年查核孳生駝馬賞需緞數十疋布

數百疋茶數百塊烟數百包

咨部指示
並無定額

一每年做盛貂皮木竹相需銀十八兩零布二十

四疋

守備
承辦

房租項下動支

一每年放馬掌十四副

貢馬使用

一每年做盛果丹木匣油紙等項需銀八兩有

奇守備房租項下動支

一每年致祭

關帝廟雪山需銀五兩守備承辦

一每年買黃白奏摺需銀十九兩內閣承辦

一每年放給滿營候缺委署官員及綠營兵

丁柴薪銀每名三兩共需銀八百餘兩房租項下支放

一每年放給四部院印房營務所及倉庫監獄各

處柴薪共需銀二百兩零

一每年監禁人犯冬賞皮衣約需銀二百餘兩
夏賞袂衣約需銀二百餘兩
守備辦

一監禁犯人名每日賞肉銀三分谷米四合
守備辦

一置買鐵索拷練需銀三四十兩不等
兵部辦

一官兵出差官領行裝
兵領行裝
八十二年終約需銀十餘兩
房租項下放

一每年放給各廟香燈銀三十六兩

以上每年零用各款需銀四千兩有奇

一科布多餉銀不敷時專咨調取本處具

奏派員解送 每次調取銀五萬兩

署事

自將軍大人以下各官遇有陞調年滿回京委署無
員空缺者分別署理遞署者全支署任銀糧不支本
任兼署者支署任半銀全糧本任銀糧仍准全支

領運

所授將軍到任領換勅書不具奏

兵部
辦

每年派員赴京領取帑筆不具 奏內閣辦

庫貯緞疋不敷支放時赴京領取具 奏每次領數千疋 戶部辦

庫貯布疋不敷支放時赴京領取具 奏每次領數千疋 戶部辦

庫貯經費餉銀不敷支領時赴歸綏道庫領取

具 奏每次領二十萬兩 戶部承辦

庫貯代烟不敷支放時赴歸綏道庫領取

具 奏每次領五千包 戶部承辦

庫貯磚茶不敷支放時由歸綏道庫領取

具 奏每次領數千塊 戶部承辦

庫貯毛布口袋不敷使用時赴歸綏道領取具

奏每次領數千條戶部承辦

庫貯毛繩駝屜不敷使用時行文四部落採

造具奏每次造數千副照例發價

倉儲粗糧有皮小麥青稞曰粗糧每年春秋二季赴科布

多領運每季領七百四十石不具奏戶部辦

每年春秋二季赴古城採買米麩千九百只袋自

將大人以下至綠營兵丁分別支放扣價銀不具奏

戶部辦

天平砧碼三五年等不更換一次差便領取不具奏
部承辦

每年由古城採買谷米數十石放給監禁犯人食
用守辦報部覈銷

徵收入項

每年台市鋪房菜園項共徵租銀二千二百兩有奇以供

官兵出及各廟香燈等項支放
差行裝

每年收罰九銀無俸蒙古官員獲咎以性數百兩以備各項差使理
畜抵罪照例折交銀兩罰九津貼等項支放

藩院承辦年終報銷

調取

本處官廠駟駝不敷備用時具奏由孳生廠調取二
三百隻不等

駟馬不敷備用時具奏由科布多調取二三百匹
不等

牛隻不敷需用時具奏採買

軍台

城內設首台曰綽和章京二昆都二兵四十二在巡邏駝三十

馬六十年每年由官廠撥給駝六馬十八補立向南

設二十台曰南距城七十里之頭台名花什洛圖

至第二十台曰哈拉尼敦千七百里有奇接續喀爾

沁底台各略此二十台額設台吉四各管委章京昆

都筆帖式領催各二十每台各一兵二百名每台駝二百每台

馬五百每台每年由官廠撥給駝四十馬百五十

補立羊千二百以備供付差使曰舒如不敷供用

該台墊辦統俟每年四月造冊呈報內閣查核

由戶部照例每隻發價銀五錢自喀刺沁哈達
土起至張家口共四十台係張家口管

向西設十四台距城六十里曰阿爾達勒至第十四台

曰哈拉烏素千三百里有奇至科布多城台吉二管各

七台委章京十四昆都十四每管各一兵百二十六每管各九駝馬

羊隻自備原無官設官兵錢糧由科布多支領

向北設九台距城九十里曰那林楚布里雅至第

九台曰察罕托羅蓋千里有奇接續首卡曰近吉台吉

一委章京九每台各一兵四十五每台五名馬羊自備原無官設亦無駝隻

以上三路台站均聽內閣傳牌俗曰傳單如數供應屬

將軍統轄又由二叅贊大臣內

欽派一員專管每年夏末查閱具奏

台站地名相距里數

南頭台花什洛圖距城七十里

二台舒魯克距八十里有河一道名舒魯克河

三台特木爾圖距七十里

四台達罕得勒八十里

五台胡吉爾圖一百里 有河名曰布音圖河

六台阿魯吉爾嘎朗圖八十里

七台鄂伯吉爾嘎朗圖九十里

八台烏蘭奔巴士九十里

九台霍豹勒九十里

十台扎克八十里 有河曰扎克河

十一台拜達拉克九十里 有河曰拜達拉克河

十二台烏塔九十里 有河曰烏塔河

十三台額羅蓋百二十里

十四台烏藍土八十里

十五台推河九十里

有河口
推河

十六台沙爾嘎卓特百十里

十七台烏爾圖胡都克八十里

十八台塔楚八十里

有河口
塔楚河

十九台嘎魯第九十里

二十台哈拉尼敦八十里

北頭台楚布里雅距城九十里

二台克尔森赤委一百里

三台額伯尔烏拉克沁九十里

四台阿魯烏拉克沁百十里

五台愛拉克諾尔百二十里

六台察布丹八十里

七他木塔爾海九十里

八台珠尔庫珠百里

九台察罕托羅盖百十里

西頭台阿勒達爾距城六十里

二台伯爾豁距八十里

三台呼都克烏蘭距百二十里

四台伊克濟斯距九十里

五台巴噶濟斯距七十里

六台珠爾庫珠八十里

七台布古一百里

有河一道
昆巴罕河

阿尔噶琅土一百里

有河曰阿尔
噶琅土河

九台巴罕諾尔一百二十里

十台杜尔森諾尔一百二十里

十一台哈尔根那一百一十里

十二台吉尔嘎郎土九十里

十三台扎哈布拉克一百里

十四台哈拉烏素一百二十里

奉差官員例給騎馬廩糧數目

嘉慶九年六月理藩院奉

旨議定奏准章程

一品官

騎馬十匹引馬二匹色馬四匹共馬十六匹
本官廩給銀二錢跟役七名共廩給銀三錢五
分共銀五錢五分口外不支廩給折羊二隻

二品官員

騎馬八匹引馬二匹色馬四匹共馬十四匹本
官廩給銀一錢八分跟役六名給銀三錢共銀
四錢八分口外不支銀糧折羊二隻

三品官員

騎馬七匹引馬二色馬四匹共馬十三匹本
官廩給銀一錢六分跟役五名給銀二錢
五分共銀四錢一分口外不支銀糧折羊
一隻

四品官員

騎馬六匹引馬一匹色馬二匹共馬九匹本
官廩給銀一錢四分跟役四名給二錢共銀
三錢四分口外不支銀糧折羊一隻

五六品官員

騎馬五匹引馬一匹色馬二匹共馬八匹本官
廩給銀一錢二分跟役三名給銀一錢五分共
銀二錢七分口外不支銀糧折羊一隻

七品官員

騎馬三匹引馬一匹色馬一匹共馬五匹本官
廩給銀一錢二分跟役二名給銀一錢共銀二
錢二分口外不支銀糧折羊半隻

八九品官員

騎馬三匹引馬一匹色馬一匹共馬五匹本官
廩給銀一錢跟役二名給銀一錢共銀二錢口
外不支銀糧折羊半隻

領催等

騎馬二匹色馬一匹共馬三匹本身廩給銀
五分跟役一名給銀五分共銀一錢口外不支銀
糧折羊腿一條

嘉慶九年九月

烏里雅蘇台將軍張家口都統商同議定馱馬改用駝

隻章程

祇因口外氣候寒暑不筠路途綿遠奉差官員
務必攜帶口糧衣服行李而蒙古各台站均
設有駝隻即將馱馬改用駝隻

卡倫

城北距千餘里自北路底台接續向西設二十三處

卡倫首曰津吉里克起至底卡曰霍呢邁拉呼

共三千
里看哥 毗連塔爾巴哈台東北界之惠邁拉呼卡倫

自津吉里克迤東毗連庫倫西北界之巴彥布

拉克色衣卡倫

因其携春常川游牧曰
色衣卡倫屬庫倫大臣管轄

前項卡倫二十三處設

兵八百五十

每處三四
各名不等

台吉二十三

每卡
各一

協理台吉六

各管三四
卡倫不等

侍衛六

京
各管
三四卡
倫不等

卡倫侍衛三年更換蒙古官兵

由該部落每年更換一次

俱不
携春

以上蒙古官兵益菓

銀糧俱由科布多支領第十四處曰

素果

迤西向

有九處駐劄侍衛二員之

銀糧

由科布多支領以及換

班等項事務均屬科布多承辦自

素果

卡倫迤

東十四處駐劄侍衛四員之銀由烏里雅蘇台支領
一切事務亦屬將軍承辦此二十三處卡倫屬將
軍統轄科布多大臣每年春秋二季派員查
閱二次蓋亦屬統轄也

卡倫地名相距里數

頭卡進吉里克距北九台底察汗托羅蓋九十里
駐紮

侍衛一員向西仍有二十二處卡倫

二卡額爾遜距六十里

三卡薩木噶勒台距九十里

以上三卡係進吉理克侍衛管

四卡阿拉克鄂博距一百里

駐紮侍衛一員

以上四卡內住喀勒喀蒙古外住唐努烏梁海

五卡鄂爾濟呼布拉克距一百二十里

六卡齊齊爾噶那距一百八十里

以上三卡係阿拉克鄂伯侍衛管

七卡汗達蓋圖距九十里

八卡伯羅依齊格圖距一百里

九卡伯托和尼距一百七十里

駐紮侍衛一員

十卡烏魯克諾爾距一百六十里

十一卡齊格爾蘇特依距一百四十里

以上五卡係伯托和尼侍衛管

以上七卡外住唐努烏梁海內任杜爾伯特

十二卡哈頭烏里雅蘇台距一百一十里

十三卡哈克諾爾距八十里

十四卡素果克距九十里

住紮侍衛一員

此卡在科布多

正北

接續科布多北底台

十五卡味和爾距一百里

十六卡噶魯圖距一百里

以上五卡係素果克侍衛管

以上五卡內住杜爾伯特外住阿勒坦諾爾烏梁海

十七卡烏克距一百二十里

十八卡勤達蓋圖距一百六十里

十九卡烏魯魯距一百四十里

二十卡昌吉斯台距一百里
住紮侍衛一員 以上四卡係該

侍衛管

二十一卡那林楚布里雅距一百四十里

以上五卡內住阿勒台烏梁海外係鄂羅斯地面

二十二卡枯蘭阿吉勒噶距一百二十里

二十三卡和呢邁拉呼距一百里
住紮侍衛一員

以上三卡

係該侍衛管

此二卡內住阿勒台烏梁海外住哈薩克自卡倫

迤西七十里 有鉅河一道名曰

額爾齊斯河

係與塔爾

巴哈台屬之輝邁拉呼卡倫分界

金山卡倫

烏里雅蘇台西南距二百餘里向東南設卡倫二十二處

因其山內有礮砂謂之金山卡倫

台吉四兵百二十

分卡

扎薩克台吉

一員

總管

孳生廠

設有孳生馬廠騾馬千餘匹免馬數百匹三年一均

齊大騾馬六歲謂大每十匹應孳五匹大小馬每年百

匹准倒四匹三年查閱一次孳生有長倒斃無浮例應奏請

義叙孳生有缺倒斃過額奏請議處管廠梅楞一委章京四兵

二十餘名無定額屬

將軍總統由二大臣內

欽派叅贊一員專責管轄

孳生駝廠

大騾駝五千有奇大免駝二百有奇六歲日大每十隻

每年取孳二隻大小駝每百隻年一准例四隻蒙

古王公內

欽派二員管之三年一均齊

倒如孳生馬廠

牧駝官兵

無定額

孳生羊廠

原交四部落母羊二萬八千隻每年取孳四千

八百隻

例不查閱亦無倒斃

每年八月放給本城滿漢官兵

羊千四百隻蒙古官兵一千隻南二十台千二百

隻庫倫台站官兵一千隻再放南台二百隻以

官廠在烏里雅蘇台方近處所牧放駝一千餘

貢

進

隻驕馬數百匹馬以備將軍大人演圍乘用駝
 運取糧石購買口糧之用行走者每百年例倒八
不行走者每百倒四牛數
 十頭以備祭祀每年四月報銷一次牧放前項牲畜之
 官兵已干官制
 內叙
 明

將軍每年進

貢馬八匹

恭贊大臣各進

貢馬二匹

唐努烏孫海進

貢貂皮二千三百五十八張

正額

貂皮如不敷數進其折交

596

豹皮 水獺
猞猁 等皮

各一折貂皮三

狐 狼 沙 狐
掃 雪 等 皮

各二折貂皮一

四十折貂皮一
貂皮十
賞
足
一
賞
布
別
項

無賞

本處每年八月進

貢菓丹二小匣

蒙採菓
綠營造辦

其菓曰塔

塔形似小葡萄

色紫味
酸性熱

查閱

邊界卡倫二十三西台十四北台九新授

將軍到任後親查

具奏帶
印公出

越三年再查

具奏倉儲

庫貯

一切銀糧
軍器

新授將軍到任查閱

具奏

尋常查閱

不具
奏

金山卡倫每年委員查閱一次

具奏

官廠牲畜每年委員查閱一次

不具
奏

曰打印子

孳生駝隻三年委員一查奏

孳生馬匹三年一均齊奏具

哈屯河

在西北距三千里毗連烏梁海俄羅斯哈薩克等處交界

每年派扎薩克一員

會同各處官兵查閱一次奏具

南路台站每年管台站大臣查閱一次奏具

祭祀

關帝廟每年春秋二祭犧牲牛一羊二燭銀一兩報部

雪山每年六月初旬祭牛一羊二燭銀三兩緞一疋十二尺作小報部守備旗用承辦

台市

在城西距三里許鋪房千餘間閔帝廟一真武廟

一城隍廟一商民二三千無春設官廳一

將軍派官七員駐劄彈壓日廳官四季更換台市迤西距四

十里有伊拉固克森呼圖克圖召一坐落山懷日西召

房六十餘間毡房無數喇嘛黑徒千餘城北距五里有

閔帝廟一房三十餘間日後廟

年例摺奏

皇上萬壽請安賀摺每年六月中旬派員起程賫摺具奏
皇太后萬壽請安賀摺每年八月中旬派員起程賫摺具奏
新年賀摺每年十月派員起程賫摺具奏

遇有

恩賞隨事附入報匣專摺或片奏謝

恩

金山卡倫每年委員查閱秋季具奏

哈屯河委扎薩克查閱秋季具奏

南台大人親往查閱秋季具奏

貢馬摺

將軍大人

定期具奏

馬匹六月起程八月具奏

貢皮摺

將軍大人

定期具奏

皮張七月起程九月具奏

卡倫侍衛年滿具奏更換

無期

圖謝圖汗扎薩克圖汗三音諾彥部落新襲

爵年幼者來城學習滿洲蒙古文字五年為

滿陸續更換入學特具奏

無定期

遇有領取前項緞布煙茶餉銀調取牲畜或

科布多調取餉銀等事隨時具奏

無定期

別項奏摺隨時擬稿

將軍大人

擬期拜發

月咨

本處戶部倉貯糧石數目每月一報軍機處徵收房租銀兩數目一月一報戶部

出放房租銀兩數目三個月一報戶部

舊管新收開除實在各項報銷每年四月

造冊咨送戶部彙核題銷

每年秋季咨呈軍機處請頒時憲書

應入秋審斬絞人犯每年四月造冊咨行

刑部
理藩院

孳生廠及各官廠牧放四項牲畜每年四月造三月

冊咨戶部二咨

烏里雅蘇台科布多駐戍官兵名數年終造

冊咨報兵部

理藩院承收罰九銀兩年終咨報理藩院

四部落各扎薩克等官有無越例需用烏

拉廩給之處俟年終四部落報齊彙核轉

咨理藩院

每年進

貢菓丹

咨送軍機處不具奏

每年五月補放烏梁海佐領驍騎校額缺隨

時咨報理藩院

一年用過繩屨毛布口袋內開除不堪用者每

年十一月咨報戶部

別項咨文隨辦隨行

蒙古語四部落

稱其汗曰汗稱其盟長

曰楚勤汗人曰庫官曰圖什
達諾彥們官曰
走曰
步雅

牲畜曰瑪勒駝曰特馬曰林莫牛曰烏庫羊曰豁毡帳曰格

台站曰德克路曰扎奧曰伊第喝曰烏來曰伊去曰鄂

問安曰阿木爾汗問好曰音三上問下好兜們坐白騷真武假曰勒

說曰克山曰烏拉河曰果水曰烏火曰嗜天曰膝各地曰噶九

一曰聶二曰舍也三曰古爾板四曰德爾板五曰塔六曰住爾七曰羅

八曰滿九曰蘇十曰阿爾板二十曰和三十曰古勤四十曰德勒

五十曰太賓六十曰吉蘭七十曰達蘭八十曰那九十曰伊百曰召

千曰明安萬曰圖們此其大畧也

烏梁海土語

稱其都統曰安板人曰克什牲畜曰瑪勒馬曰阿特駝曰把牛曰

能伊羊曰禪走曰句爾坐曰鄂羅毡帳曰鄂台站曰鄂爾德克勒

日曰棍都斯夜曰敦那喫曰吉喝曰伊來曰奇去曰勒巴

山曰嚙塔河曰木奇路曰鄂羅茶曰賽肉曰特伊

安曰阿木爾好曰奇伊甚汗克都新曰扎舊曰額爾奇

幾何曰什哈歲曰爾嚙水曰克都火曰特鄒有曰多羅

無曰克住一曰巴爾二曰額也三曰什烏四曰特都魯

五曰畢斯六曰阿勒七曰提吉八曰齊斯九曰圖斯

十曰温百曰珠斯千曰蒙萬曰們圖此其大

畧也

風俗

蒙古賦性淳樸好佛戒殺最重呼圖克圖惟其
言是听遙望見之免冠叩首呼圖克圖手

摩其頂不勝忤舞即尋常喇嘛人人亦
皆敬服男女有病輒求喇嘛誦經醫治
經年累月不愈亦皆欣慰焉即或病危
但嘆其福薄而已人死無衣衾棺槨置
屍於山野俾野獸殘食謂為亡者免罪

其歌音悽慘地處極邊時令暖遲寒早雖
盛暑不熱冬令則遍地霜雪氣候嚴寒
行動作喘不諳播種不食五谷毡房為
家游牧為業分布散處人戶殷繁牲畜遍
滿山谷富者駝馬以千計牛羊以萬計
即赤貧之家亦有羊數十隻以為餬
口之資冬則食肉夏則食乳以牛羊馬
乳為酒以糞代薪器具用木至代煙磚茶
尤為要需家家時不可少男女皆一律冠

履皮靴皮帽冬用皮裘夏著布衣富者
間或亦用紬緞不使錢文鮮需銀兩至日
用諸物均向商民以牲畜皮張易換最忌
痘症然一生不染此症者十有八九倘染此
症凶多吉少故其王公等新襲爵位若
未經出痘者例不進京引

見必候

聖駕巡幸熱河之年始行調赴熱河引

見以示

皇上矜恤蒙古臣僕至意但其王公札薩克以及呼

圖克圖等有時進京

陞見蒙

恩賞賜珍饌無物不食因而出痘者反覺更稀即

有一二亦不為憂至其忠悃誠篤殊屬可

嘉最重

天朝試看黃童白叟如有言及

皇上即舉手加額虔稱

伯克達額真

譯言

佛爺聖主至

欽放盟長等官人人無不敬服皆曰

聖主命官何可怠慢自王公扎薩克以及其阿爾巴圖

之後秀者皆習滿洲文字惟可憫者雖則

淳樸究未讀書不明義禮燕居無事乘馬

611

閑游會聚飲酒醉後逞強以剗奪為好汗而

其中亦有窮苦因而行竊者也犯者遠戍內

地良者得安游牧皆賴

聖主化洽之所致也

蒙古土產

地勢遼濶山川綿遠處處各有土產若逐一細載則諸般草木禽獸異物類數繁多恐有舛錯誤寫反

為訛謬僅將各處常有之物著寫數類以為土產以脩壯觀也

翰海石

戈壁有之形似碼碯潤如璞玉自生數孔者有之大不定印

扎克木

似楊木根粗葉細皮薄內堅刀難代以金木擊之即倒瓦之為薪易燃無蓄灰燃盡無炭或曰斯氏產婦以水飲之易生

蘑菇

金蓮花

性涼醫病

各色草藥

蒙古人不識

雪蓮花

生雪山性熱醫病

金皮木

蒙古曰哈爾噶那

駝馬牛羊

粗細皮張

長毛牛

身大頭小股細毛長夏時在水中多每年春則生犢乳多而肥出黃油其肉微酸亦可食故蒙古人多有養之者蒙古名曰薩爾魯克

鄂焉布

呼即家鹿也

鹿身角小

與馬牛一體牧放取孳用以駕車乘

騎俱可色夜卡倫有之 鹿 盤羊 角大頭小 靈羊

黃羊 麇子 野猪 野駝 野馬 野騾

獺兒 貂鼠 灰鼠 狐狸 狼 野狸兔 似身

鉅尾尾似鹿 堪達汗 漢名 鷓鷹 鷓鴨 雁 鵝

黑雀 鳥心善鳴 靈雀 在河旁樹枝垂處以鳥尾擊鳥在水面上浮之其性畏熱其窩可用醫病或曰善治下寒 雪鴿子

冬夏住雪窟性熱醫病 冰雀 黑身白額冬住冰窟夏住雪窟冬則下蛋出鷓性最熱醫病

烏梁海土產

馬 牛 羊 鹿 香鹿 羴 貂鼠 灰鼠

水獺 捨狽獾 沙狐 掃雪 艾葉貂

狐狸狼 獾子 各色草藥

卡倫土產

石鹽 在汗達蓋圖卡倫西南山孔中取之似石性溫醫病 堪達汗 各色藥味